

JACOBI GRETSERI SOCIE-
TATIS IESV THEOLOGI,
AVCTARIVM AD
DVOS LIBROS DE
FESTIS NVPER
EVVLGATOS,

Seu
DISSERTATIO PRO SACRATIS-
SIMA CORPORIS CHRISTI SOLENNITATE;
& *sacrosanctæ Eucharistiæ cultu.*

Aduersus
RVDOLPHI HOSPINIANI CALVINI-
STÆ IMPIETATEM AC INSCITIAM.

Ad
REVERENDISSIMVM ET ILLV-
STRISSIMVM PRINCIPEM AC DOMINVM,
Dominum JOANNEM CHRISTOPHORVM,
Dominum ac Præpositum Elvva-
censem, &c.

Cum grat.& priuileg. Cæsar. Maiest.
INGOLSTADII,
Excudebat ANDREAS ANGERMARIVS.

Sumptibus Ioannis Hertsfroy, Bibliopole Monacensis.

ANNO M.DC.XII.

CLARK, ALVA
JAN 19 1901

217430 2 OAL 1217 12310

STANDARD INFORMATION REPORT

ALL INFORMATION CONTAINED
HEREIN IS UNCLASSIFIED

THE NATIONAL BUREAU OF INVESTIGATION
UNITED STATES DEPARTMENT OF JUSTICE
WASHINGTON, D. C. 20535



REVERENDIS-
SIMO ET ILLVSTRIS-
SIMO PRINCIPI AC DO-
MINO; DOMINO IOANNI
CHRISTOPHORO, DOMI-
NO ET PRÆPOSITO
Elvvacensi, &c.

JACOBVS GRETSERVS.

Regula Iuris est; REVEREN-
DISSIMÆ & ILLVSTRISSIMÆ
PRÆSVL, Accessorium natu-
ram sequi congruit Principa-
lis. Cum igitur ante paucos menses ad Illu-
striss. Celsitudinem V. Opus de Festis able-
garim, Eidemque illud, ut audio, gratum
acceptumque acciderit, omnino hanc Pon-
tificij Iuris Regulam mihi sequendam, atq;
a 2 adeo

EPISTOLA

adeo Accessorium sine Auctarium hoc eò mittendum duxi, quò iam Principale Opus abierat; nimirum, ad Illustriss. Celsitud. V. Verè enim lucubratio ista, nihil aliud est, quàm Librorũ de Festis Appendix & Mætissima, quæ vnà cum illis lucem aspicere debuerat, si & mihi eius conscribenda, & typographo typis describenda satis otij ac temporis suppetiuiisset: nec aliud complectitur, quàm Defensionem eius Festi, quod Corpori Christi antiquitas dedicauit, cui Nouatores perquam infestos sese exhibent.

psalm. 73. Et si enim omnes dies Festos oculis sat limitis & obliquà tuentibus aspiciant, animoque & affectu nō multum diuertant ab impiis illis, quorum hæc est vox: Quiescere faciamus omnes dies festos Dei à terra; singulare tamen & eximium odium semper praferunt, maximè, qui ex Caluini schola, in Solennitatem, quam Urbanus IV. Pontifex augustissimo Eucharistia Sacramento consecrauit, & quotannis in vniuersa Ecclesia, festiuo ritu, obiri iussit, quorum impietatem, potissimum autè Hospiniani Calvinista

DEDICATORIA.

uinista ex Heluetia, proiectam petulantiam, hoc commentariolo castigatum iui, & pro facultate mihi à Domino concessa, plerasq; criminationes à virulentis hereticorum faucibus in hanc celeberrimam panegyrim effundi consuetas, propulsaui; cuius mei laboris, ut iudicem, ita & patronum, adscisco & aduoco, Illustrissimam Celsitudinem vestram, quæ inter cetera munia sibi diuinitus commissæ, hoc etiam se accepisse rectissimè arbitratur, ut cultum diuinum non modò conseruet, sed & augeat, amplificet ac propaget, cum omni tempore, tum præsertim eo die quò Christianus & orthodoxus populus reipsa præstare nititur, ad quod præstandum beatus David iam pridè omnes & singulos cohortatus est, nimirum, ut Deum laudent secundum multitudinē Psalm. 150. magnitudinis eius, in sono tubæ, in psalterio & cithara, in tympano & choro, in chordis & organo, in cymbalis benefonantibus, & in cymbalis iubilationis: &, ut factum à Macchabæis in dedicatione Templi, in canticis & cinyris: cū cecidit omnis 1 Machab. 4.

4 2

popu-

EPIST. DEDIC.

populus in faciem, & adorauerunt, & benedixerunt in cœlum eum, qui prosperauit eos: qui ornauerunt quoq; faciem templi coronis aureis & scutulis. *At nunc non tantum propylæa seu vestibula, sed & ipsas Ecclesiarum interiores partes festa fronde, varysq; peristromatum & peripetasmātū generibus, prout cuique copia suppetit, decoramus, ad illius solummodo laudem & gloriam, qui ut Redemptor, ita quoq; cibus & potus noster fieri, & futura beatitudinis pignus & arrhā in hoc diuino mysterio nobis præbere voluit: quem supplex oro, ut Celsitudini V. gratiam copiosam, vitam longam, multosq; annos clementer largiatur, quo Catholica Religio inuictum defensorem; Societas autē nostra benignissimū fauorē ac Macenatem quā diutissimē sospitē ac superstisē habeat. Ingolstadij. Ipso festo S. Anna, eius virginis, qua nobis Deum genuit, Genitricis. Anno salutis M. DC. XII.*

3(?)50



LE



LECTORI.

IN Opere de sacris Processionibus refutaui calumnias Ho-
spiniiani, Prædicantis Turegiensis, seu, ut nunc appel-
lari volunt, Tigurini, in Zuuinglÿ & Caluini schola nati
& educati. Sensit refutationem meam Hæreticus Spermolo-
gus. Quocirca in altera Centonis sui de festis editione
verbosissimam & inaniloquio undique diffluentem pro se
Apologiam instituit: quam hac lucubratione ad examen vo-
co. Vale.



FACULTAS R. P. PRO- VINCIALIS.

Librum hunc pro sacratissimo corporis Christi fe-
sto à P. Iacobo Grefero aduersus Calvinianum,
quendam conscriptum, & à Theologis ad id
deputatis recensitum probatumq; Ego Theo-
dorus Buseus Societatis IESV per Germaniam,
superiorem Prouincialis, potestate mihi facta
ab admodum R. P. N. Claudio Aquauina Preposito
Generali eiusdem Societatis, in lucem exire per-
mitto. Monachij 22. Iunij. 1612.

THEODORVS BVSEVS.





INDEX CAPITVM

HVIVSAVCTARII.

- C**AP. I. *Causa, cur festum corporis Christi ab Urbano IV. Pontif. Max. institutum fuerit?*
- II. *An huius festi institutio sit contra praeceptum divinum?*
- III. *An Equus in festo corporis Christi venerabile sacramentum portet?*
- IV. *An Calvinista mentitus fuerit, quando scripsit, Pontificios in processione corporis Christi nihil omnino habere, cuius vel tantillum in sacris literis extet.?*
- V. *Excutiuntur reliqua discrimina processionis Davidica & Eucharistica ab Hospiniano allata.*
- VI. *Utrum processio corporis Christi sit similis illi, qua describitur lib. 1. Regum cap. 4.*
- VII. *Num festum corporis Christi sit simile festo vituli aurei, Exodi 32.*
- VIII. *Utrum Catholici caeremonias & ritus huius festi ab Ethnicis acceperint.*
- IX. *Defenduntur & explicantur dicta sanctorum Patrum de adoratione sacrae Eucharistiae.*
- X. *De elevatione & ostensione Eucharistiae.*
- XI. *De asseruatione Eucharistiae.*
- XII. *De Bulla Urbani IV. qua festum corporis Christi indictum & promulgatum fuit; & num processio in ea contineatur.*
- XIII. *De pietate veterum Vngarorum in observandis diebus Dominicis, alijsq. festis.*



DE
SACRATISSIMO
CORPORIS CHRIS-
TI FESTO,

DISSERTATIO,

CAPVT PRIMVM.

*Causa, cur Festum corporis Christi ab Vr-
bano IV. Pontif. Max. institutū fuerit.*



As recenset ipsemet Pontifex
in suo Diplomate, quo festi huius in-
stitutionem promulgauit, & toti Ca-
tholicæ Ecclesiæ annunciauit. Quod
integrum exstat in Clementina de
Reliquiis & Veneratione Sanctorum lib. 3. tit. 16. Præter
cætera, ita loquitur Pontifex. *Intelleximus autem olim,*
dum in minori essemus officio constituti, quod fuerat quibus-
dam Catholicis diuinitus reuelatum festum huiusmodi ge-
neraliter in Ecclesia celebrandum. Qui fuerint isti Catho-
lici, viri an scemina, non exprimit Pontifex. Hospi-
nianus dicit, fuisse sceminam, nomine Euan. Ac
Pontifex de pluribus personis Catholicis loquitur,

A non

non de vna solùm. Sed vnde Calvinistæ huic notū, Euam fuisse vnam ex illis, de quibus Pontifici sermo est? Ex Balæo; hunc enim nobis testem laudat. Iam assentior. Iam acquiesco. Balæus Pontificum Romanorum, & omnis pietatis iuratissimus & pertinacissimus hostis adeò in Centuriis suis veridicus est, vt vix inuenire sit pagellam, cui mendaciloquætiæ suæ manifesta vestigia non impresserit; & quisquam erit, qui tam probatum & spectatum testem fide & assensione dignari abnuat?

Nec moueor, quòd Balæus pro se adducit Arnoldum Bostium & Petrum Præmonstratensem: quia neminem vel mediocriter in Centuriis huius Balææ versatum fugit, quo candore & qua religione Nouator iste inedita veterum scripta producere, & quàm multa Auctoribus affingere consueuerit, de quibus ipsi nunquam vllam cogitationem susceperunt: Vt proinde, si hæc res solius Balæi auctoritate, vel potius futilitate, niteretur, non iniuria fabulis accenseretur. Sed quia, vt postea dicam, aliunde constat, sanctis quibusdam mulieribus futuram huius festi institutionem diuinitus patefactam esse; non refragabor, vero consonare, quod de Eva fertur, recisis tamen conuiciis & mēdaciis, quæ huic narrationi Balæus, Hospinianus & alij Sectarij interspergunt.

Illud nego, Reuelationes mulieribus Deo famulatibus factas, Pontifici vnam & *adequatam* causam fuisse, vt hoc festum institueret, institutumque publicè celebrandum indiceret: nam ipsemet Pontifex plures causas in sua Bulla enumerat; & ex Onuphrio Hospinianus quoque aliam recenset; aliam
itidem

Itidem ex Ptolemæo Lucensi; qui Urbanum IV. rogatu S. Thomæ Aquinatis ad hanc solennitatem instituendam permotum scribit. At Balæus, & huius imitator, seruum pecus, Hospinianus, ita rem proponunt, quasi, si absq; Eua fuisset, Festum Corporis Christi nunquam exstiturum fuisset: quod à vero quàm longissimè abit, ut, qui Bullam institutionis legerit, haud grauatè fatebitur. Et hoc, prout ab istis Lectori proponitur, vocaui libro primo de Processionibus & etiamnum voco, *fabulam & fabulosum*.

Obiicit Calvinista. *Ego ex tribus sententiis nullam approbaui, sed iudicium lectori relinqui*. Itane nullam ex tribus sententiis de causa institutionis huius Festi approbasti? Quanquam facile mihi persuadeo, te nō approbasse sententiam Onuphrij, quia eiusmodi miraculum continet, quod omnium Capharnaitarum, Berengarianorum, Wiclephistarum, Zvinglianismarum, & Calvinistarum intelligentiam superat. Audiamus Onuphrium in Annotationibus ad Platinam in Urbano IV. *In ea postremò Vrbe (veteri) Anno Domini M.CC.LXIV. sacratissimi corporis Christi solennitas quinta Feria post octauam Pentecostes, ab eadem Pontifice perpetuis temporibus cum solenni supplicatione, qua nunc etiam celebratur, instituta est, cum eius solennitatis officium S. Thomas Aquinas, qui eo tempore publicè Theologiam in ea ciuitate profitebatur, composuisset. Id verò factum fuit propter miraculum, quod hoc tempore Vulsini in diocesi & ditione Vrbeuetana in Ecclesia sancta Christina accidit. Nam dum sacerdos quispiam sacra Missarum solennia celebraret, sacramento iam confecto, de panis & vini transsubstantiatione, & Christi corpore dubitauit. Unde statim, (dictu & auditu mirum) ex sanctissima, quam*

in manibus tenebat hostia, viuis sanguis manare cepit, & totam mappam, quam Corporale vocant, tinxit. Quo miraculo attonitus Pontifex Urbanus IV. Corporale primum ad se ab Episcopo loci cum processione Urbem veterem transferri voluit, & illud solennitate instituta, in Ecclesia Vrbenetana recondidit. Quæ omnia ex eiusdem Pontificis Bulla, quæ adhuc extat, intelliguntur. Hæc Onuphrius. Quæ quàm Sacramentario palato & stomacho iucunda sint, nemo ignorat.

Eadem insuper facilitate credo, te non probare sententiam Ptolemæi Lucensis, quæ originem huius Festi precibus S. Thomæ Aquinatis, Urbano Pontifici oblati, adscribit.

Cæterum, quod ais, te non approbasse Balæi tui sententiam, id vt tibi assentiar, hodie ab animo meo impetrare nequeo, & si bene me & te noui, arbitror eandem difficultatem crastino, perendino, & omnibus consequentibus vitæ meæ diebus futuram. Tunc non approbasti sententiam, quàm cum tuo Balæo cæteris certiore nominas? Tunc non approbasti sententiam; quam Pontifici & Pontificiis ignominiosam, vel certè parū honorificam existimas; cuius causa totam narrationem de Eua ab Onuphrio figmentis annumeratam ais? Turpe enim & valde ignominiosum fore putauit Onuphrius, agnosces, opinor, tua verba, si hoc Festum, quo Pontificij non habent maius, in vnius mulierculæ gratiam institutū diceretur. Num fieri potest, vt ex variis sententiis non probes & amplectaris eam, quæ Pontificiis notam turpitudinis & ignominia, tuo iudicio, inuritur? Et quis, vnquam, præter te, & tibi similes simios dixit aut scripsit; Festum hoc in vnius mulierculæ gratiam institutum esse?

Num

Num Catholici, qui Eux huic & alijs de Festo hoc diuinas reuelationes obtigisse non inficiantur, ideo concedunt, festum istud in *vnus muliercule gratiam* in Ecclesiam introductum fuisse? Num hoc Pontifex in sua constitutione asserit? Cui, obsecro, sani capitis fidem facies, te non probasse sententiam, quæ mentem tuam adeò titillauit, vt ad ista verba Pontificis Urbani; *Intelleximus autem olim, dum in minori officio essemus constituti, quod fuerat quibusdam Catholicis, &c.* adieceris hanc glossulam, vel potius prægrandem calumniam: *Imò mulierculus mihi familiariter notus*; idque non tantum in Centone tuo de Festis; sed etiam in *Sacramentaria Farraginis* libro quarto? Idem indicant illæ tuæ Phrascs. *Cuius in suo scripto ad Euam suam Urbanus meminit: Et, quia viderunt oculi tui salutare tuum: Tu per parenthesin (horrendum idolum) Non disputabo de fide Epistolæ ad Euam, quam tu ex Balæo tuo sub Urbani nomine venditas: scripta & missa fuerit ab Urbano ad Euam illam in ditione Leodiensi Sanctimonialem; duo dixerim: Alterum est; Balæum apertè sibi contradicere, vt monui etiam lib. 1. de sacris Processionibus cap. vlt. Nam cap. 38. Centuriæ Quartæ disertè scribit, Festū corporis Christi ab Urbano institutum esse Anno Redemptoris M. CC. LXII. Et tamen in eadem Centuria c. 2. dicit, Eux huic Anno M. CC. LXIV. reuelationem factam esse de Festo corporis Christi instituendo & celebrando; hocque viso cœlesti impulsam, ad Urbanum literas dedisse, & vt Festum, corporis, *Papali auctoritate solennizandum ordinaret, (ita loquitur Balæus) submisit supplicasse; & ad hanc Eux supplicationem Epistolam, quam Balæus recitat,**

monitis tandem impulsam rem Canonico cuidam patefecisse; hunc autem eundem retulisse ad Iacobum de Trevis tunc Archidiaconum Leodiensem, qui postea ad summi Pontificatus apicem euectus, Urbani IV. nomen tulit. de quo legi potest Serarius libr. 2. de Processionibus cap. 9. vel ipse Diestemij libellus, qui Anno salutis M. DC. III. Duaci euulgatus est, ad calcem eius Operis, quod *Magnum Speculum Exemplorum* inscribitur.

Quibus valde concordant Urbani prius memorata verba. *Intelleximus autem olim dum in minori essamus officio constituti, quod fuerat quibusdam Catholicis dininitus reuelatum, festum huiusmodi generaliter in Ecclesia celebrandum, &c.* Nam minus illud officium, in quo tunc constitutum dicitur, erat Archidiaconatus Ecclesie Leodiensis. Inde ad Virdunensem Episcopatum, postea ad Hierosolymitanum Patriarchatum, & tandem ad sedis Apostolicæ supremum culmen vocatus est. Nec mirabitur, Deum in huius Festi institutione uti voluisse mulierum ministerio, qui cogitauerit tres *Marias* à Deo delectas fuisse, ut Resurrectioni Saluatoris nostri testimonium perhiberent, etiam apud ipsos Apostolos, prout liquet ex verbis Angeli Marci 16. *Ne, dicite discipulis eius*

& Petro, quia præcedet vos in Galileam.



CAPVT II.

An huius Festi institutio sit contra præceptum diuinum.



Egavi, & adhuc nego, institutionem huius solemnitatis vlli præcepto diuino repugnare: causas negationis attuli lib. 1. de Process. cap. 19. Quas cum Hæreticus refutare non posset, ad calumnias & Pseudologias dilapsus est: Clamat enim; *Monachum mutare conuerfissimum. Non n. quari, an Christus festis diebus sit colendus, sed an talis festo; & quidem tali circumgestatione, ostensione & adoratione sacramenti.* At Monachus recinit Caluinicola hunc, more sibi solenni, oïa miscere ac confundere. Nam alia quæstio est; num fas sit Christo, seu corpori Christi festum instituere; alia, num corporis Christi seu sacramenti circumgestatio, ostensio, & adoratio in hac festiuitate piè & licitè vsurpetur. Prioris partem affirmantem probauit Gretserus statim in vestibulo capitis XIX. Posteriores, in ipso capitis decursu, vbi & illud demonstratum; nihil idololatriæ & Ethnicismi festo huic admisceri; vt calumniatur Caluinista. An vis, vt te imiter, tenebrasque luci, non autem tenebris lucem inferam, quod fieri necesse, quando omnia indistinctè & indigestè vnum in cumulum congeruntur.

Ait Caluinista. Si *Papista hoc Festum in libertate Christiana hunc in usum celebrarent, vt quotannis certo die populus erudiretur, de vero vsu huius sacramenti, & præmuniretur contra omnes hæreses & abusus, quemadmodum alias per circulum anni in reliquis Festis Christi, articuli*
B
Christiana

*Christiana fidei populo ordine proponuntur & explicantur, tunc parū referret, siue ab Urbano, siue ab alio hic festus dies institutus esset; neque Orthodoxi (sic Calvinistas indigitat) cum Papistis de hoc die odiosè contenderent. Si hac ratione & cautione Festum Corporis Christi ritè & legitimè instituitur; cur ergo vos Calvinistæ & Lutheristæ tale festum è vestigio vestris non indicitis? An non interest vestra, ut grex vester de vsu legitimo huius sacramenti contra abusus & hæreses erudiatur & præmuniatur? Quanquam quid ego Calviniculis de nouo Festo introducendo concioner; cum plerique vetera omnia ita sustulerint, ut vix Dominicus dies sua in statione remanserit? Nec ignotum est, qua pertinacia rigidiores & cerebrosiiores Lutherani Festo Corporis Christi sese opposuerint, cum illis à Libro, quem *Interim seu Interreligionem* vocitant, præciperetur, non quidem eo fine, ut Catholicorum ritu, Processiones instituerent, & sacramentum circumferrent, sed tantum, ut ab operibus externis abstinerent, & id agerent, quod alijs Festis diebus acitare solent, Domo potius & patria, migrare voluerunt, quàm Festum hoc, etiam cum hac conditione & restrictione admittere.*

At cedo, Calvinista; num tu censes institutione, huius Festi Christianos de legitimo vsu Eucharistiæ non informari, & aduersus Hæreses non præmuniiri? An non ipsemet Pontifex Urbanus in sua Bulla palam profiteretur, Festum hoc institui debuisse, ad confundendam specialiter Hæreticorum perfidiam, & insaniam? Idem Pontifex in eadem Bulla. Nos itaque ad corroborationem & exaltationem Catholica fidei, dignè ac rationabiliter duximus statuendū, ut de tanto sacramento,
præter

præter quotidianam memoriam, quam de ipso facit Ecclesia, solennior & specialior annuatim memoria celebretur. An non vides hic, ô Calvinista, præmunitionem & præmonitionem fidelium aduersus Hæreticos Berengarianos, Albigeneses, & id genus alios, auos & proauos vestros? An non tibi videtur vsus huius sacramenti illis Pontificis verbis contineri? vt in hoc Festo tam clerici, quàm populi gaudentes in cantica laudum surgant, tuncque omnium corda & vota, ora & labia, hymnos persoluant latitibus salutaris: tunc psallat fides, spectripudiet, exultet charitas, deuotio plaudat, inibilet chorus, puritas inuenietur.

Vis habere etiam instructionem de huius sacramenti vsu? Audi Pontificem Vrbani. *Vniuersitatem vestram monemus & hortamur in Domino, &c. quatenus tam excelsum & tam gloriosum Festum, prædicta quintæ Feriæ singulis annis deuotè ac solenniter celebretis, &c. subditos vestros in Dominica, dictam quintam Feriam proximè præcedente, salutaribus monitis sollicitè per vos & per alios exhortantes, ut per veram & puram confessionem, &c. taliter se studeant preparare, quod huius pretiosissimi sacramenti mereantur fieri participes illa die, possintque ipsum suscipere reuerenter, ac eius virtute augmentum consequi gratiarum. Ecce tibi instructionem de hoc sacramento, & vsum sumptionis, quem vos vnicunt agnoscitis & vrgetis. Nec Dñica duntaxat hoc festum antegrediente; sed & toto anno, vbi se dat occasio, populus ad sacrosancti huius sacramenti mysteria obeunda à Catholicis Ecclesiasticis excitatur: Et nonnullis in locis, nominatim Augustæ Vindelicorum, sub vespertinas preces, quotidie per totam Octauam Corporis Christi concio, ad populum de hoc Augustissimo Sacramento instituitur.*

*Christiana fidei populo ordine proponuntur & explicantur, tunc parū referret siue ab Urbano, siue ab alio hic festus dies institutus esset; neque Orthodoxi (sic Calvinistas indigitat) cum Papistis de hoc die odiosè contenderent. Si hac ratione & cautione Festum Corporis Christi ritè & legitime instituitur; cur ergo vos Calvinistæ & Lutheristæ tale festum è vestigio vestris non indicitis? An non interest vestra, ut grex vester de usu legitimo huius sacramenti contra abusus & hæreses erudiatur & præmuniatur? Quanquam quid ego Calviniculis de nouo Festo introducendo concioner; cum plerique vetera omnia ita sustulerint, ut vix Dominicus dies sua in statione remanserit? Nec ignotum est, qua pertinacia rigidiores & cerebrosiiores Lutherani Festo Corporis Christi sese opposuerint, cum illis à Libro, quem *Interim seu Interreligionem* vocitant, præciperetur, non quidem eo fine, ut Catholicorum ritu, Processiones instituerent, & sacramentum circumferrent, sed tantum, ut ab operibus externis abstinere, & id agerent, quod alijs Festis diebus acquirere solent, Domo potius & patria, migrare voluerunt, quàm Festum hoc, etiam cum hac conditione & restrictione admittere.*

Atcedo, Calvinista; num tu censens institutione, huius Festi Christianos de legitimo usu Eucharistiæ non informari, & aduersus Hæreses non præmuniri? An non ipsemet Pontifex Urbanus in sua Bulla palam profiteretur, Festum hoc institui debuisse, ad confundendam specialiter Hæreticorum perfidiam, & insaniam? Idem Pontifex in eadem Bulla. Nos itaque ad corroborationem & exaltationem Catholica fidei, dignè ac rationabiliter duximus statuendū, ut de tanto sacramento,
præter

præter quotidianam memoriam, quam de ipso facit Ecclesia, solennior & specialior annuatim memoria celebretur. An non vides hic, ô Calvinista, præmunitionem & præmonitionem fidelium aduersus Hæreticos Berengarianos, Albigenes, & id genus alios, auos & proauos vestros? An non tibi videtur vsus huius sacramenti illis Pontificis verbis contineri? vt in hoc Festo tam clerici, quàm populi gaudentes in cantica laudum surgant, tuncque omnium corda & vota, ora & labia, hymnos persoluant latitiæ salutaris: tunc psallat fides, spectripundiet, exultet charitas, deuotio plaudat, iubilet chorus, puritas ineundetur.

Vis habere etiam instructionem de huius sacramenti vsu? Audi Pontificem Vrbani. *Vniuersitatem vestram mōnemus & hortamur in Domino, & c. quatenus tam excelsum & tam gloriosum Festum, prædicta quinta Feria singulis annis deuotè ac solenniter celebretis, & c. subditos vestros in Dominica, dictam quintam Feriam proximè præcedente, salutaribus monitis sollicitè per vos & per alios exhortantes, vt per veram & puram confessionem, & c. taliter se studeant præparare, quòd huius pretiosissimi sacramenti mereantur fieri participes illa die, possintque ipsum suscipere reuerenter, ac eius virtute augmentum consequi gratiarum. Ecce tibi instructionem de hoc sacramento, & vsum sumptionis, quem vos vnicum agnoscitis & vrgetis. Nec Dñica duntaxat hoc festū antegrediente; sed & toto anno, vbi se dat occasio, populus ad sacrosancti huius sacramenti mysteria, obeunda à Catholicis Ecclesiasticis excitatur: Et nonnullis in locis, nominatim Augustæ Vindelicorum, sub vespertinas preces, quotidie per totam Octauam Corporis Christi concio, ad populum de hoc Augustissimo Sacramento instituitur.*

*Christiana fidei populo ordine proponuntur & explicantur, tunc parū referret, siue ab Urbano, siue ab alio hic festus dies institutus esset; neque Orthodoxi (sic Calvinistas indigitat) cum Papistis de hoc die odiosè contenderent. Si hac ratione & cautione Festum Corporis Christi ritè & legitimè instituitur; cur ergo vos Calvinistæ & Lutheristæ tale festum è vestigio vestris non indicitis? An non interest vestra, ut grex vester de vsu legitimo huius sacramenti contra abusus & hæreses erudiatur & præmuniatur? Quanquam quid ego Calviniculis de nouo Festo introducendo concioner; cum plerique vetera omnia ita sustulerint, ut vix Dominicus dies sua in statione remanserit? Nec ignotum est, qua pertinacia rigidiores & cerebrosiiores Lutherani Festo Corporis Christi sese opposuerint, cum illis à Libro, quem *Interim seu Interreligionem* vocitant, præciperetur, non quidem eo fine, ut Catholicorum ritu, Processiones instituerent, & sacramentum circumferrent, sed tantum, ut ab operibus externis abstinerent, & id agerent, quod alij Festis diebus aditare solent, Domo potius & patria, migrare voluerunt, quàm Festum hoc, etiam cum hac conditione & restrictione admittere.*

At cedo, Calvinistæ, num tuceses institutione, huius Festi Christianos de legitimo vsu Eucharistiæ non informari, & aduersus Hæreses non præmuniiri? An non ipsemet Pontifex Urbanus in sua Bulla palam profiteretur, Festum hoc institui debuisse, ad confundendam specialiter Hæreticorum perfidiam, & insaniam? Idem Pontifex in eadem Bulla. Nos itaque ad corroborationem & exaltationem Catholica fidei, dignè ac rationabiliter duximus statuendū, ut de tanto sacramento,

præter

præter quotidianam memoriam, quam de ipso facit Ecclesia, solennior & specialior annuatim memoria celebretur. An non vides hic, ô Calvinista, præmunitionem & præmonitionem fidelium aduersus Hæreticos Berengarianos, Albigenes, & id genus alios, auos & proauos vestros? An non tibi videtur vsus huius sacramenti illis Pontificis verbis contineri? vt in hoc Festo tam clerici, quàm populi gaudentes in cantica laudum surgant, tuncque omnium corda & vota, ora & labia, hymnos persoluant latitæ salutari: tunc psallat fides, spectripundiet, exultet charitas, deuotio plaudat, iubilet chorus, puritas inuindetur.

Vis habere etiam instructionem de huius sacramenti vsu? Audi Pontificem Vrbani. *Vniuersitatem vestram mōnemus & hortamur in Domino, & c. quatenus tam excelsum & tam gloriosum Festum, prædicta quintæ Feriæ singulis annis deuotè ac solenniter celebretis, & c. subditos vestros in Dominica, dictam quintam Feriam proximè præcedente, salutaribus monitis sollicitè per vos & per alios exhortantes, vt per veram & puram confessionem, & c. taliter se studeant præparare, quòd huius pretiosissimi sacramenti mereantur fieri participes illa die, possintque ipsum suscipere reuerenter, ac eius virtute augmentum consequi gratiarum. Ecce tibi instructionem de hoc sacramento, & vsum sumptionis, quem vos vnicum agnoscitis & vrgetis. Nec Dñica duntaxat hoc festū antegrediente; sed & toto anno, vbi se dat occasio, populus ad sacrosancti huius sacramenti mysteria, obeunda à Catholicis Ecclesiasticis excitatur: Et nonnullis in locis, nominatim Augustæ Vindelicorum, sub vespertinas preces, quotidie per totam Octauam Corporis Christi concio, ad populum de hoc Augustissimo Sacramento instituitur.*

in manibus tenebat hostia, viuis sanguis manare cepit, & totam mappam, quam Corporale vocant, tinxit. Quo miraculo attonitus Pontifex Urbanus IV. Corporale primum ad se ab Episcopo loci cum processione Urbem veterem transferri voluit, & illud solennitate instituta, in Ecclesia Urbenetana recondidit. Quæ omnia ex eiusdem Pontificis Bulla, quæ adhuc extat, intelliguntur. Hæc Onuphrius. Quæ quàm Sacramentario palato & stomacho iucunda sint, nemo ignorat.

Eadem insuper facilitate credo, te non probare sententiam Ptolemæi Lucensis, quæ originem huius Festi precibus S. Thomæ Aquinatis, Urbano Pontifici oblati, adscribit.

Cæterum, quod ais, te non approbasse Balæi tui sententiam, id vt tibi assentiatur, hodie ab animo meo impetrare nequeo, & si bene me & te noui, arbitror eandem difficultatem crastino, perendino, & omnibus consequentibus vitæ meæ diebus futuram. Tunc non approbasti sententiam, quàm cum tuo Balæo cæteris certiorē nominas? Tunc non approbasti sententiam; quam Pontifici & Pontificiis ignominiosam, vel certè parū honorificam existimas; cuius causa totam narrationem de Eua ab Onuphrio figmentis annumeratam ais? Turpe enim & valde ignominiosum fore putauit Onuphrius, agnoscis, opinor, tua verba, si hoc Festum, quo Pontificij non habent maius, in vnius muliercula gratiam institutū diceretur. Num fieri potest, vt ex variis sententiis non probes & amplectaris eam, quæ Pontificiis notam turpitudinis & ignominia, tuo iudicio, inurit? Et quis, vnquam, præter te, & tibi similes simios dixit aut scripsit; Festum hoc in vnius muliercula gratiam institutum esse?

Num

Num Catholici, qui Eux huic & alijs de Festo hoc diuinas reuelationes obtigisse non inficiantur, ideo concedunt, festum istud in *vnus muliercule gratiam* in Ecclesiam introductum fuisse? Num hoc Pontifex in sua constitutione asserit? Cui, obsecro, sani capitis fidem facies, te non probasse sententiam, quæ mentem tuam adeo titillauit, vt ad ista verba Pontificis Urbani; *Intelleximus autem olim, dum in minori officio essemus constituti, quod fuerat quibusdam Catholicis, &c.* adieceris hanc glossulam, vel potius prægrandem calumniam: *Imò mulierculus mihi familiariter notus*; idque non tantum in Centone tuo de Festis; sed etiam in *Sacramentaria Farraginis* libro quarto? Idem indicant illæ tuæ Phrascs. *Cuius in suo scripto ad Euam suam Urbanus meminit: Et, quia viderunt oculis tui salutare tuum: Tu per parenthesin (horrendum idolum)* Non disputabo de fide Epistolæ ad Euam, quam tu ex Balæo tuo sub Urbani nomine venditas: scripta & missa fuerit ab Urbano ad Euam illam ipse Leodiensi Sanctimonialem; duo dixerim: Alterum est; Balæum apertè sibi contradicere, vt monui etiam lib. 1. de sacris Processionibus cap. vlt. Nam cap. 38. Centuriæ Quartæ disertè scribit, Festum corporis Christi ab Urbano institutum esse Anno Redemptoris M. CC. LXII. Et tamen in eadem Centuria c. 2. dicit, Eux huic Anno M. CC. LXIV. reuelationem factam esse de Festo corporis Christi instituendo & celebrando; hocque viso cœlesti impulsam, ad Urbanum literas dedisse, & vt Festum corporis, *Papali auctoritate solennizandum ordinaret*, (ita loquitur Balæus) *submisit supplicasse*; & ad hanc Eux supplicationem Epistolam, quam Balæus reci-

tat, rescripisse. Si Anno M. CC. LXII. Festum Corporis Christi ab Urbano iam institutum & promulgatum fuerat, ut dicit Balæus cap. 38. Centuriæ quartæ; quomodo fieri potuit, ut Anno M. CC. LXIV. Eua huic de Festo corporis Christi instituendo cælestis visio offerretur, eoq; viso adacta Eua Pontifici supplex fieret; ut celebritatem illâ corporis Christi auctoritate sua in mores & usum Christianæ Ecclesiæ induceret ut scribit idem Balæus in eiusdem quartæ Centuriæ cap. 2. Sed Balæus non præter solitum ipse sibi crura secunda præbet. Nil vilitatis, quàm ut amentia ex præcipiti odio cæci in antilogias varias incurrant.

Deinde aduersatur hoc diplomati Urbani, qui palam ait; reuelationes istas nonnullis Catholicis obtigisse, cum ipse adhuc in minoribus officiis versaretur; hoc est, ante pontificatum adeptum. Quæ ergo fronte scribit Balæus Eua hanc visionem oblatam, Anno M. CC. LXIV. quando iam Urbanus in Pontificatu tertium annum agebat?

Alterum, quod supra me dicturum aiebam, est istud: Prædicantes Lutheranos & Calvinianos ex suo ingenio & affectu alios æstimare: Quia enim ipsi vix, ac ne vix quidem, cum vlla scemina honestam, & legibus pietatis, ac pudicitie consentaneam amicitiam colere norunt; cæteros quoque licet integros vitæ scelerisque puros sibi similes equos, & mulos, quibus non est intellectus, hircosque libidinosos esse autumant; à quorum suspicaci petulantia, vix ipse Ioannes Apostolus tutus erit; vix ipse Paulus, quorum ille ad *Electam Dominam*, natosque eius tam dulcem & amabilem Epistolam dedit, pollicens

se plura coram acturum & tractaturum; *ut gaudium vestrum plenum sit*: Iste autem toties suis in Epistolis mulieres tam familiariter & amice saluere iubet. Nam de sanctissimis viris Hieronymo & Augustino non est quod quidquam dicā: Prædicantibus n. nulla erit religio culpæ, & in suspensionem vocare istos, præsertim S. Hieronymum, quod literas tam prolixas & crebras ad variæ conditionis fœminas missicarint. Sed valeant isti amatores, sermone dixeram, adoratores *Euarum, Elfarum, Ketharum, Gretarum & Costarum* (his enim blandidicis dictis passim vitur Lutherus in Epistolis suis Latinis, Tomo secundo) qui quàm sanctè viuant, suspensionibus suis, dictis & factis passim testatum reddunt.

Obijcit Calvinista. Serarium lib. 2. de Processionibus cap. 9. non improbare sententiam de Eua, quam Gretserus rejicit. *Nam licet non totaliter*, (audis elegantiam Scholasticam Hospiniani, cui alioqui Scholastici nil aliud sūt, quàm nautea & nausea) *tamen ex parte ad Euam Reclusam refert*. Ita est: sed ex meliore & fideliore scriptore, quàm sit Balæus, nempe ex Diestemio. At nunquam dixit Serarius, reuelationem Eux factam, Urbano Pontifici causam vnicam & integram fuisse huius Festi instituendi, ut vos fabulamini cum Balæo vestro. Nec Diestemius soli Eux reuelationem obtigisse scribit; sed etiam duabus alijs virginibus, nimirum Iulianæ, quæ iuxta ciuitatem Leodiensem in *Hospitali leproforum* vitam religiosam agebat: Et in eodem stadio decurrendo sodali eius Isabellæ; & Eux, quæ secretam ab omnibus reclusamque vitam Leodij in Ecclesia S. Martini vivebat; & Iulianam cœlestibus
moni-

monitis tandem impulsam rem Canonico cuidam patefecisse; hunc autem eundem retulisse ad Iacobum de Trevis tunc Archidiaconum Leodiensem, qui postea ad summi Pontificatus apicem euectus, Urbani IV. nomen tulit. de quo legi potest Serarius libr. 2. de Processionibus cap. 9. vel ipse Diestemij libellus, qui Anno salutis M. DC. III. Duaci euulgatus est, ad calcem eius Operis, quod *Magnum Speculum Exemplorum* inscribitur.

Quibus valde concordant Urbani prius memorata verba. *Intelleximus autem olim dum in minori esse-
mus officio constituti, quod fuerat quibusdam Catholicis di-
ninitus reuelatum, festum huiusmodi generaliter in Ecclesia
celebrandum, &c.* Nam minus illud officium, in quo tunc se
constitutum dicitur, erat Archidiaconatus Ecclesiæ
Leodiensis. Inde ad Virdunensem Episcopatum, postea ad Hierosolymitanum Patriarchatum, & tandem ad sedis Apostolicæ supremum culmen vocatus est. Nec mirabitur, Deum in huius Festi institutione uti voluisse mulierum ministerio, qui cogitauerit tres *Marias* à Deo delectas fuisse, ut Resurrectioni Saluatoris nostri testimonium perhiberent, etiam apud ipsos Apostolos, prout liquet ex verbis Angeli Marci 16. *Ite, dicite discipulis eius & Petro, quia præcedet vos in Galilaam.*



CAPVT

CAPVT II.

An huius Festi institutio sit contra præceptum diuinum.



Egavi, & adhuc nego, institutionem huius solemnitatis vlli præcepto diuino repugnare: cauſſas negationis attuli lib. i. de Proceſſ. cap. 19. Quas cum Hæreticus refutare non poſſet, ad calumnias & Pſeudologias dilapſus eſt: Clamat enim; *Monachum mutare contrauerſi ſtatum. Non n. quari, an Chriſtus feſtus diebus ſit colendus, ſed an tali feſto; & quidem tali circumgeſtatione, oſtentione & adoratione ſacramenti.* At Monachus recinit Caluinicola hunc, more ſibi ſolenni, oſa miſcere ac confundere. Nam alia quæſtio eſt; num ſas ſit Chriſto, ſeu corpori Chriſti feſtū inſtituere; alia, num corporis Chriſti ſeu ſacramenti circumgeſtatio, oſtentio, & adoratio in hac feſtiuitate piè & licitè uſurpetur. Prioris partem affirmantem probauit Greſſerus ſtatim in veſtibulo capitis XIX. Poſteriore, in ipſo capitis decurſu, ubi & illud demonſtratum; nihil idololatriæ & Ethnicismi feſto huic admiſceri; ut calumniatur Caluiniſta. An vis, ut te imiter, tenebrasque luci, non autem tenebris lucem inferam; quod fieri neceſſe, quando omnia indiſtinctè & indigeſtè vnum in cumulum congeruntur.

Ait Caluiniſta. Si Papiſta hoc Feſtum in libertate Chriſtiana hunc in uſum celebrarent, ut quotannis certo die populus erudiretur, de vero uſu huius ſacramenti, & pramuniſſetur contra omnes hæreſes & abuſus, quemadmodum alias per circulum anni in reliquis Feſtis Chriſti, articuli

B

Chriſtiana

*Christiana fidei populo ordine proponuntur & explicantur, tunc parū referret, siue ab Urbano, siue ab alio hic festus dies institutus esset; neque Orthodoxi (sic Calvinistas indigitat) cum Papistis de hoc die odiosè contenderent. Si hac ratione & cautione Festum Corporis Christi ritè & legitimè instituitur; cur ergo vos Calvinistæ & Lutheristæ tale festum è vestigio vestris non indicitis? An non interest vestra, ut grex vester de vsu legitimo huius sacramenti contra abusus & hæreses erudiatur & præmuniatur? Quanquam quid ego Calviniculis de nouo Festo introducendo concioner; cum plerique vetera omnia ita sustulerint, ut vix Dominicus dies sua in statione remanserit? Nec ignotum est, qua pertinacia rigidiores & cerebrofiores Lutherani Festo Corporis Christi sese opposuerint, cum illis à Libro, quem *Interim seu Interreligionem* vocitant, præciperetur, non quidem eo fine, ut Catholicorum ritu, Processiones instituerent, & sacramentum circumferrent, sed tantum, ut ab operibus externis abstinerent, & id agerent, quod alijs Festis diebus acitare solent, Domo potius & patria, migrare voluerunt, quàm Festum hoc, etiam cum hac conditione & restrictione admittere.*

At cedo, Calvinista, num tu censens institutione, huius Festi Christianos de legitimo vsu Eucharistiæ non informari, & aduersus Hæreses non præmuniiri? An non ipsemet Pontifex Urbanus in sua Bulla palam profitetur, Festum hoc institui debuisse, *ad confundendam specialiter Hæreticorum perfidiam, & insaniam*? Idem Pontifex in eadem Bulla. Nos itaque ad *corroborationem & exaltationem Catholica fidei, dignè ac rationabiliter duximus statuendū, ut de tanto sacramento,*
præter

præter quotidianam memoriam, quam de ipso facit Ecclesia, solennior & specialior annuatim memoria celebretur. An non vides hic, ô Calvinista, præmunitionem & præmonitionem fidelium aduersus Hæreticos Berengarianos, Albigeneses, & id genus alios, auos & proauos vestros? An non tibi videtur vsus huius sacramenti illis Pontificis verbis contineri? vt in hoc Festo tam clerici, quàm populi gaudentes in cantica laudum surgant, tuncque omnium corda & vota, ora & labia, hymnos persoluant latitia salutaris: tunc psallat fides, spectripundiet, exultet charitas, deuotio plaudat, iubilet chorus, puritas inenudetur.

Vis habere etiam instructionem de huius sacramenti vsu? Audi Pontificem Vrbani. *Vniuersitatem vestram moneamus & hortamur in Domino, & c. quatenus tam excelsum & tam gloriosum Festum, prædicta quintæ Feriæ singulis annis deuotè ac solenniter celebretis, & c. subditos vestros in Dominica, dictam quintam Feriam proximè præcedente, salutaribus monitis sollicitè per vos & per alios exhortantes, vt per veram & puram confessionem, & c. taliter se studeant præparare, quòd huius pretiosissimi sacramenti mereantur fieri participes illa die, possintque ipsum suscipere reuerenter, ac eius virtute augmentum consequi gratiarum.* Ecce tibi instructionem de hoc sacramento, & vsu sumptionis, quem vos vnicum agnoscitis & vrgetis. Nec Dñica duntaxat hoc festum antegrediente; sed & toto anno, vbi se dat occasio, populus ad sacrosancti huius sacramenti mysteria obeunda à Catholicis Ecclesiasticis excitatur: Et nonnullis in locis, nominatim Augusta Vindelicorum, sub vespertinas preces, quotidie per totam Octauam Corporis Christi concio, ad populum de hoc Augustissimo Sacramento instituitur.

Reliqua, quæ Hospinianus blaterat, mera sunt conuicia & mendacia, furentis animi iuculentâ testimonio; Vt I. *Papistas in hoc Festo nihil de Sacramento concionari.* II. *sed id tantum Ethnica pompa circumgestare, ostentare, adorare.* III. *Et sic eo impie abuti.* IV. *Papistas hoc die frequentius & horribilius, quàm aliis diebus, exercere abusus & idolomanias,* V. *Nihil hic esse, nisi mutam actionem sine ulla annunciatione mortis Dominicæ, & distributione inter populum.* Hæc & huius generis alia, quæ ex Caluinianis faucibus Hospinianus eructat, eo habeantur & reponantur loco, quo digna sunt. Quis ille? Quid rogas? An nescis, quæ statio debeatur Iædorijs & Pseudologijs?

CAPVT III.

An equus in Festo corporis Christi venerabile Sacramentum portet?

Impudens suum mendacium, quod in Festo corporis Christi equus albus, mansuetus & phaleratus, non longè ante Pontificem portet sacramentum, cum tintinnabulo benè tinniente ad collum; Baldachino supra expanso sum insignibus Papa; noua nunc impudentia & mendaciloquentia Caluinista exornat. Respondeo, inquit, me ex Caremoniali Romano addidisse: equum candidissimum portare hoc sacramentum etiam in puluino ornato, & hierotheca inclusum in processione coronati Pontificis ad Lateranum, &c. Non extricaste, ô Nouator, ex pedicis, in quas ipsuste induisti. Non quæritur, quid fiat alibi & alias, & quando Pontifex ex vrbe abiens iter facit. Hoc quæritur,

cur, vtrum in Festo Corporis Christi, quod ex institutione Urbani IV. celebratur proxima Feria Quinta post Octauam Petrecostes, vtrum, inquam, in hoc festo equus albus, mansuetus & phaleratus sacramentum portet. Tu in prima editione Centonistui de Festis pag. 75. b. apertissimis hisce verbis affirmasti. *Roma in hoc Festo (Corporis Christi) in medio Pontificali pompa, non longè ante pontificem, ducitur equus albus, mansuetus, phaleratus, portans sacramentum, quod ipsi in puluino ornato & Hierotheca inclusum Sacrista imposuit.* Videsne tua verba; In Hoc Festo? Cedo, de quo Festo intelliguntur? An non de Festo Corporis Christi? An non de illo, quod proximè antea putidissimis & sordidissimis foedissimi Poëtastri; & totius Heliconis excrementi, Naogeorgi blasphemè insectatus fueras? Omnino de hoc Festo locutus es. At ego te mentiri in libris de Processionibus dixi; & nunc iterum dico; quia Pontifex eo die fert propriis manibus venerabile sacramentum, cuius tot testes tibi dare possum, quos sunt vel aliquando fuerunt Romæ processionis in hac solennitate spectatores.

Quanquam quid opus alios testes producere? Te ipsum ad testimonium dicendum voco. An non agnouisti tacitè tuum mendacium? Etsi hanc cognitionem ore nequaquam confessus fueris: attamen opere eam confessus. Nam in secunda editione Faraginis tuæ de Festis; pro his verbis: *Roma in hoc Festo.* Supposuisti ista: *Roma in aliquibus Processionibus.* Vnde ista mutatio, nisi quia vidisti, iure tibi à me dicam mendacij scriptam fuisse? Nimis fatuus es, si nos tam fatuos arbitraris, vt has tuas artes non animaduertamus. Nec tibi vsque adeo mirum accidere debet, si

non in Corporis Christi Festo, sed in aliis nonnullis processionibus venerabile Sacramentum, seu Christum in hoc sacramento equus portat. An nescis cum in terris inter homines degeret, asino vectatum esse, & quidem ingenti pompa & populi in processionem coacti applausu?

CAPVT IV.

An Calvinista mentitus fuerit, quando scripsit, Pontificios in processione Corporis Christi nihil omnino habere, cuius vel tantillum in sacris literis exstet.

Calvinistam mentiri affirmavi lib. I. de sacris processionibus, cuius affirmationis me necdum poenitet. Et ne tantum affirmarem, vanitatem Nouatoris redargui cum aliis argumentis & exemplis, tum tribus processionibus olim in veteri Testamento in reductione & translatione Arcæ fœderis institutis à Davide & Salomone, 2. Reg. 6. 1. Paralip. 15. 3. Reg. 8. 2. Paralip. 5. Nam si Arcæ fœderis sine vlllo idololatriæ crimine, tanto apparatu, tantoque triumpho transferri & deduci potuit, cur venerabile sacramentum Eucharistiæ, tali Pompa & celebritate, salvis religionis legibus, honorari non posset? Hospinianus varia adhæc oggerit.

I. Arcam fœderis non esse Eucharistiam; hanc enim in actione positam esse: Arcam verò fuisse sacramentum præsentis maiestatis & opis diuina. Eucharistiam à Christo institutam, ut sit mortis suæ monimentum, quod percipientes eam in memoriam reuocet, quod Christus propter mortuum sit:

fit:

sit: hoc totum in Papatu negligi, puppimque ac proram religionis Pontificia in circumgestatione, in pompa & aspectu Eucharistia collocari.

Quam recondita mysteria promit nobis Calvinianus iste Hospes? Quis nostrum hactenus novit Arcam fœderis non esse Eucharistiam? & vice versa, Eucharistiam non esse Arcam fœderis? At dic, Calvinista, num id, à cuius similitudine, ad aliquid aliud comprobandum argumentatio ducitur, oportet idem esse cum illo, ad quod comprobandum argumentatio ducitur? certè aded non debet idem esse; vt nec possit quidem idem esse; quia si idem sit, iam non erit similitudo, sed *identitas*. Ergo licet aliud quid sit Eucharistiæ sacramentum; aliud; Arca fœderis; à solennitate tamen, qua Arca fœderis deducta & translata est, rectissimè argumētatur ad pompam & celebritatem, quā quotannis Eucharistia, frequentissimo populi concursu circumfertur & deducitur: nisi fortè Calvinista hoc suò diuerticulo, ipsi etiam S. Paulo obstrepere cogitet, argumentum pro Resurrectione corporum adducenti ex seminibus in terram sparsis; 1. Cor. 15. *Inspiens, inquit Apostolus, tu quod seminas nō viuificatur, nisi prius moriatur: & quod seminas, non corpus, quod futurum est, seminas, sed nudum granum, ut pote tritici, aut alicuius cæterorum. Deus autem dat illi corpus sicut vult, & unicuique seminum proprium corpus.* Quibus verbis innuit Apostolus hanc Conclusionem: Ergo diuina vi & potestate poterit etiam fieri, vt corpus humanum, licet putrefactum, & in cineres resolutum, denuo coagmentatum reflorescat & reuiuiscat. An hic quoque exclamabit Calvinista? *Exemplum dissimilimum.* Aliud

est granum seu sementritici, auene, hordei, siliginis, aliud corporis humani fabrica: ut vel ipsis oculis liquet. Frustra igitur à seminibus terra mandatis, argumentum sumitur ad stabiliendam à similem corporum Resurrectionem. Imo Hospinianus hac sua falce non tantum hanc diui Pauli argumentationem; sed & omnes simpliciter à similitudine petitas succidere poterit; cum similitudo propriè dicta semper sit inter diuersa.

Quod verò Eucharistia solum in actione seu sumptione sit posita; ita ut extra hanc nec nomen suum retinere queat, ut Calvinista scribit, vetus est Geneuensis scholæ & millicies repetita cantilena: sed repetita tantum, nunquam demonstrata. Iam quid obstat, quo minus Eucharistia sit monumentum mortis Christi tam intra, quam extra sumptionem? An si quis tibi in memoriam sui Testamenti esculenta, vel poculenta vel vestimenta legasset; ea monumentum defuncti amici non essent; nisi quando esculenta & poculenta re ipsa sumeres, aut vestimenta indueres? An viso venerabili Eucharistiæ sacramento, siue in Ecclesia, siue in processione publica, non commouetur homo passionis & mortis Dominicæ? An non hæc est natura signorum instrumentalium, ut, præter se, aliud menti offerant? Nobis profectò æquè extra vsum, ac in ipso usu, Eucharistia signum instrumentale est passionis & mortis Dominicæ, atque adeò immensa illius charitatis, qua Christus nos in finem vsque dilexit.

Mentiris autem, O Calvinicola, cum scribis, *Papistas hanc mortis Dominicæ commemorationem negligere, proramq; ac puppim religionis suæ in circumgestatione, pompa & aspectu collocare.* Non est ita, Proram & puppim

pim in omnibus illis ponimus; quæ & ad consecrationem, & ad venerationem, & ad legitimam huius sacramenti sumptionem, ex divina institutione, & Ecclesiasticæ traditionis canone requiruntur.

Occinit Caluinista. *Arcam non fuisse translata ob circumgestionem & ostentationem, sed ut deduceretur in eum locum, quem Dominus ad id elegerat.* Non quæritur, cur Arca translata fuerit; sed quomodo; hoc est, quo apparatu; quo ritu, quo populi accursu, iubilo, tripudio. Hæc si Israelitis licita erant in translatione Arcæ, cur Christianis non liceret similia agere in circumgestionem Corporis Christi; Cum hac autem Arcæ translatione & deductione, necessariò coniuncta fuit seu gestatio, seu circumgestatio per loca, per quæ Arca deferebatur, & ostensio, seu, ut loquitur Caluinista, *ostentatio*. Nec dubito, populum incredibili voluptate ex intuitu Arcæ perfusum esse.

Nec quæritur, vtrum Arca ex loco, ad quem translata est, rursuseducta aliquando fuerit, *ad superstitiosos usus*, qua phrasi Caluinista utitur; quia certum est. I. Eductam fuisse ex domo Obededom, in quâ, percusso Oza, inducta fuerat: nam post tres menses deportata est in ciuitatem David. Certum est II. Ex hoc ipso loco tandem in Templum à Salomone constructum, illatam fuisse, ut scriptum est 3. Reg. 8. & 2. Paralip. cap. 5. Certum est III. Arcam aliquando, urgente necessitate, eductam esse ad alios usus & fines, ut ad auertendas calamitates imminentes, vel ad debellandos & profligandos hostes: id enim clare testatur oppugnatio & expugnatio Urbis Iericho, Iosue cap. 7. & factum Israelitarum 1. Reg. 4. vbi legimus, quomodo Arca fœderis ex Silo in Castra

C

addu-

adducta fuerit, præsidij & subsidij causa. *Afferamus ad nos de Silo Arcam fœderis Domini, & veniat in medium nostri, ut saluet nos de manu inimicorum nostrorum.* Cuius aduentu Philistæi mirificè perterriti & consternati sunt; nec arma Philistæis prosperè cessissent, nisi Dominus Israeli ob tot perpetrata scelera iratus, pœnas ab illis per Philistæos reposcere statuisset.

Secundum effugium Hospiniani est istud: *Dauidem expressum & præscriptum mandatum à Deo habuisse, ut hoc faceret.* Vbi verò hoc expressum & præscriptum mandatum? Eruit illud Calvinista ex cap. 13. libri primi Paralip. vbi Dauid Tribunos, Centuriones, vniuersos principes & omnem cœtum Israël ita affatur: *Si placet vobis, & à Domino Deo egreditur sermo, quem loquor, mittamui ad fratres nostros reliquos, &c.* En perspicuum textum, ex quo luce dilucidius liquet, Dauidem, quidquid in illa Arcæ translatione fecit, peculiari & speciali mandato Dei fecisse. Sed apage, ô Calvinistice nugator: quia verba illa, nihil aliud indicant, quàm Arcam transferri debere, si ita videatur Tribunis, Centurionibus, aliisque de gente Israëlita; & si etiam id, quod Dauid loquebatur, & meditabatur, consonum sit & conforme diuinæ voluntati, ut autem aliquid diuinæ voluntati consentaneum, & à Domino Deo egredi censetur, non oportet, ut speciali aliquo præcepto præcipiatur; satis est, quòd per se sit honestum, pium, laudabile, cultuique diuino congruum: nam Calvinistæ quoque sermonem, quo iubent, ut populus diebus Dominicis ad conciones, & ad verbum Geneuense audientium congregetur; utique à Domino egressum, & etiamnum egredi opinantur: & tamen nullum mōstrare

strare possunt speciale præceptum Dei, quo illis iniungatur, vt die Dominico ab operibus manuariis & seruilibus abstineant; & audiendis concionibus operam impendant.

Sed ecce tibi luculentius adhuc testimonium ex cap. 15. lib. 1. Paralip. vbi Dauid dicit: *Illicitum est, vt à quocunque portetur Arca Dei, nisi à Leuitis quos elegit Dominus ad portandum eam, & ad ministrandum sibi vsq; in æternum.* Quid inferes ex hoc testimonio? Certè istud. Ergo Dauid expressum & præscriptum à Deo mandatum habuit, vt hoc faceret; hoc est, vt de Domino Abinadab, qui erat in Gabaa; Arcam Dei adduceret; & omnia illa ageret, quæ sacra Scriptura Dauidem in translatione illa egisse memorat. At quistam obtuso pectore est, qui non aduertat, hanc consecutionem esse amentis & deliri capitis? cum verba illa nihil aliud significant, quàm Arcam, si aliquò portanda, vel alicunde absportanda sit, portandam esse à Leuitis, prout disertè Dominus cap. 4. libri Numerorum præceperat.

Si quis ergo stultitiam Hospiniani ad viuum refecare velit; & omnia inuolucra, quibus operitur, amouere, hanc tandem delirationem conspiciet. *Deus præcepit Numerorum cap. 4. vt Arca non nisi à Leuitis portetur, idemque repetiuit Dauid. Paralip. 15.* Ergo Dauid expressum mandatum habuit de Arca fœderis transferenda, & omnibus illis agendis, quæ sacraliter à B. Dauide in hac solennitate factitata referunt.

In processione, Hierichuntina septendiali, qua Arca fœderis circumferebatur, Deus non tantum ipsam circuitiorem ciuitatis; sed & forniam & modum eius minutatim præscripsit. *Circuite urbem, aie-*

bat Deus ad Iosue cap 6. cūcti bellatores semel per diem: sic facietis sex diebus. Septimo autem die sacerdotes tollent septem buccinas, quarum usus est in Iubilao, & præcedent Arcam fæderis, septiesque circuibitis ciuitatem, & sacerdotes clangent buccinis. En quàm omnia sigillatim & enucleatè Deus in ista militari, vt sic vocem, processione præscribat: A cuius iussu Iosue etiam non discessit. Vocauit enim Iosue Sacerdotes, & dixit ad eos: Tollite Arcam fæderis, & septem alij sacerdotes tollant septem Iubilaorum buccinas; & incedant ante Arcam Domini. Ad populum quoque ait: Ite & circuite ciuitatem, armati præcedentes Arcam Domini, &c. Reliquum vulgus Arcam sequebatur, &c. Si Hospinianus Caluinigena nobis simile quid de translatione Arcæ ostenderit, tum fidè apud nos inueniet. Si, inquam, ostenderit. I. Dauidi sigillatim diuinitus præceptum esse, vt Arcam primitus quidem ex domo Abinadab deduceret; postea ex domo Obed Edom. II. Si ostenderit mandatum ei esse, vt percuteret in organis armigatis, saltaretque totis viribus ante Dominum: & vt accingeretur Ephod lineo: & vt septem choros haberet, & victimam vituli, cumque transcendissent, qui portabant Arcam Domini; immolaret bouem, & ouem, & arietem; & vt Dauid, & omnis Israel ducerent Arcam Testamenti Domini in iubilo & in clangore buccina. Vbi item speciatim Dauidi mandatum est dicere Principibus Leuitarum, vt, quod lib. 1. Paralip. cap. 15, legimus, constituerent de fratribus suis cantores in organis Muscorum, nablis videlicet, & tyris, & cymbalis, vt resonaret in excelsis sonitus letitiæ? Vbi mandata cætera, quæ eodem loco Dauidem & Israëlitas fecisse Scriptura memorat? Vbi præceptum, vt, quod cap. 16. proditum est, Dauid constitueret coram Arcam

Domi-

Domini de Leuitis, qui ministrarent, & recordarentur operum eius, & glorificarent atq; laudarent Dominum Deum Israel, &c. & ut derelinqueret ibi coram Arca fœderis Domini Asaph & fratres eius, ut ministrarent in conspectu Arce iugiter per singulos dies, & vices suas. Horum & similium nullum vnquam speciale præceptum Dauidi à Deo datum producet Calvinista. Si igitur tanta pompâ, tanta paratura, tanto iubilo & tripudio Dauid Arcam fœderis bis transtulit; quid mirum, si Christiani, sacramentum illud in quo Christus corpore, anima & diuinitate sua verè præsens est, summa celebritate palam circumferant, idque ad redarguendam Hæreticorum perfidiam, & ad stabilendam in animis fidelium rectam fidem?

Porro Dauidem nec de ritu, nec de translatione Arce speciale præceptum à Deo accepisse, manifestum euadit ex modo loquendi Dauidis, quo in Concilio de Arca transferenda habito, vsus est. Ita enim Scriptura lib. 1. Paralip. cap. 13. *Inijt autem consilium Dauid cum Tribunis & Centurionibus, &c. & ait, &c. Si placet vobis, & à Domino Deo nostro egreditur sermo, quem loquor: mittamus ad fratres nostros reliquos in vniuersas regiones Israël, &c.* Nam si, vt Calvinista dicit, habuisset Dauid *expressum & præscriptum mandatum*; non opus erat cum suis Consiliarijs inire consilium; neque: *Si placet vobis: sed absolutè dixisset: Hoc præcipit Dominus: hoc iubet Dominus; vt scilicet Arcam Domini transferamus, & vt talibus cæremonijs ac ritibus transferamus: quemadmodum Iosua, vbi à Domino mandatum acceperat, vt Iericho circuiretur cum Arca; non diu cum suis deliberauit; neq; dixit: Si placet vobis: sed præcisè, vocatis sacerdoti-*

bus hoc præcepit: *Tollite Arcam fœderis, &c. Et populo
Ite & circuite ciuitatem.*

Quod de Dauidis Proceſſionibus aſſero, id multò magis aſſertum volo, de proceſſione quàm inſtituit Rex Salomon, quando exſtructo templo tranſtulit Arcam *de ciuitate Dauid quæ eſt Sion* 2. Paralip. 5. & 3. Reg. 8. Quod enim, & ubi, & quando mandatum diuinitus acceperat Salomon, *ut congregati ante Arcam immolarent arietes & boves abſque ullo numero?* ſeu ut lib. 3. Regum ſcribitur, *ut Rex Salomon & omnis multitudo Iſraël, quæ conuenerat ad eum, graderetur cum eo ante Arcam, & immolarent oues & boves abſque æſtimatione & numero?* Certè ſi quis rem penitius inſpiciat, Chriſtiani in Feſto corporis Chriſti minus adhuc facere videntur, quàm Dauid & Salomon egerint in translatione Arcæ. Et tamen quæ pretioſior & diuinior? Arca an Euchariftia? *In Arca nihil erat aliud niſi duæ tabule lapideæ, quas poſuerat in ea Moſes in Horeb, quando pepigit Dominus fœdus cum filiis Iſraël, &c.* ut dicitur 3. Reg. 8. Et 2. Paralip. 5. quibus addit Apoſtolus Hebr. 9. *urnam auream habentem manna, & virgam Aaronis, quæ fronduerat.* At quid Euchariftia, cœleſtis iſta Arca, continet? Ringaris & rumparis licet *Sacramentum* perda. Corpus & ſanguinem Domini noſtri Ieſu Chriſti, *verè, realiter, & ſubſtantialiter.* Quod igitur honoris, cultus, reuerentiæ & obſeruantix argumentum nimium eſſe poteſt? Verè pius ille Hymnographus. *Lauda Sion Salnatorem. Lauda Ducem & paſtorem, in hymnis & cantibus. Quantum potes, tantum an de, quia maior omni laude, nec laudare ſufficis.*

Imò, audi Caluinista, quod tibi forsā adhuc mirabilius eueniet. Licet hoc Sacramentum Christi corpus & animam verè & realiter non contineret, sed tantum esset memoria Dominicæ passionis, & mortis, & monumentum noui fœderis, quod Redemptor noster nobiscum iniit; posset tamen in ordine ad supremum Testamenti huius Auctorem, & conditorem non minus honorari, ac olim Arca illa, quæ symbolum erat pacti à Deo cum Israëlitis initi. Quantò magis nunc, cum Arca hæc nostra, vt ita loquar, Eucharistica, non vetus illud Manna, sed ipsissimum panem vinum, qui de cœlo descendit, in se conclusum teneat, par est, vt omni honoris genere à mortalibus efficiatur.

His addes, quamuis David habuisset speciale mandatum Dei de Arca transferenda, (quod tamen mandatum monstrare haud procliuè erit huic Caluinistæ) nihilominus semper quærere liceret, cuius iussu Arcam ijs ritibus & cæremonijs, quas scriptura commemorat, transtulerit. Quis ei præcepit, vt totis viribus saltaret ante Dominum, hoc est, ante Arcam, accinctus Ephod lineo? Idem de Salomone dictum esto.

Lubet porrò ex Caluinicola sciscitari, an peccauerint illi, qui vt Matthæi cap. 21. Marci 11. & Luc. 19. legimus; Christum *sedentem super asinam & pulum filium subingalis*, forma & schemate processionis in urbem Hierosolymitanam introduxerunt? sanè si Caluinista doctrinæ suæ conformia blaterare velit, dicere debebit, istos peccasse; nam multa fecerunt, quæ eis à Christo mandata esse ex sacris literis probari nequit. Vbi enim eis mandatum est, vt huiusmodi

iufmodi proceffionem inftituerent, qualem Euangeliftæ nobis defcribunt? Vbi mandatum eft, vt fuper afinam & pullum imponerent vefimenta fua? Quis præcepit plurimæ illi turbæ, vt veftribus viâ tranfituro domino fterneret? Quis præcepit alijs, vt ramos de arboribus cæderent; ijsdemque viam honoris & reuerentiæ cauffa operirent? Quis præcepit turbis, *qua præcedebant, & qua fequebantur, vt clamarent*, dicentes: Hofanna filio David: Benedictus, qui venit in nomine Domini? Quo mandato diuino freti illi, *qui cum audiffent, quia Iefus venit Hierofolymam, acceperunt ramos palmarum, & præcefferunt obviam ei, & clamabant: Hofanna, Benedictus, qui venit in nomine Domini*, vt fcribitur Ioan. 12. Si iſtis hæc & id genus alia in honorem Chriſti, ſine ſpeciali & expreſſo mandato diuinitus edito impunè fuit facere; cur Chriſtiani ſcelere aliquo ſe obſtringerent, quando eundem Chriſtum ſimili quodammodo proceſſione ac ritu venerantur, qui licet ſpeciale mandatum de feſto & cultu huiusmodi non habeant; habent tamen præceptum generale colendi & adorandi Deum; & Redemptorem noſtrum Ieſum Chriſtum.

Si obijciat Calviniſta; *ea, qua Hieroſolymita egerant, peculiari Spiritus ſancti motione & impulſione facta eſſe*: Haud equidem abnuo. Interim tamen quæro, vbi ſcriptura hoc diſcretè teſtetur? Adde deinde, Catholicam quoque Eccleſiam Feſtum, proceſſionem & cæremonias in hoc Feſto uſurpari ſolitas, inſtitu & afflatu Spiritus ſancti inſtituiſſe, non enim de nihilo eſt illa Saluatoris promiſſio Ioan. 14. *Et ego rogabo patrem, & alium paraſcletum dabit vobis, ut maneat vobiscum*

vobiscum in aeternum spiritum veritatis, qui, ut ibidem Christus pollicetur, docebit vos omnia, & suggeret vobis omnia, quacumque dixerō vobis: Et cap. 16. Cum autem veneris spiritus veritatis, docebit vos omnem veritatem, quæ certè promissiones non pertinent ad solos Apostolos; iam pridem ex hac militante Ecclesia ad triumphantem euocatos, sed etiam ad Apostolorum successores Episcopos, & pastores, præsertim, ad supremum pastorum pastorem, & ad columnam & firmamentum veritatis, hoc est, ad Ecclesiam, pertinent; quibus æquè ac Apostolis iste spiritus veritatis, necessarius est. Sed ad Davidis processiones reuertamur.

Obijcit Calvinista Davidem fuisse Prophetam. Quid inferis? Num hoc? Ergo quidquid in translatione Arca egit, id manifesto & expresso Dei mandato fecit. At infirma est hæc consequentia, quia necesse non est, ut quidquid agit Propheta, id peculiari & expresso mandato Dei faciat. Pro testimonio do tibi omnium Prophetarum totius veteris testamenti res gestas: Et plerumque, quando Propheta aliquid agebant vel acturi erant, ex speciali mandato Domini, aperte id in sacris literis exprimitur. *Factum est verbum Domini ad Isaiam, Hieremiam &c. dixit Dominus (Moyse, &c.*

Præterea Calvinianus cogitare debebat, Ecclesiam quoque Catholicam, id, quod instituit, sancit, & agit, instituere, sancire, & agere impulsu instinctuque sancti Spiritus, ut dictum & probatum est cap. 19. lib. 1. de Processionibus.

Occinit Calvinicola, hoc verum esse, quandiu Ecclesia verbum Dei sequitur. Eam autem in institutione & ce-

D

lebra-

lebratione Festi huius Verbo Dei nec adharere nec inhare.

Tuo scilicet iudicio; sed curuo & obstituto: Mirum sanè foret, si Ecclesia columna & firmamentum veritatis, à veritatis tramite exerrare & penitus excidere posset. Quis ab errore immuniserit, si hæc prærogatiua columnæ & firmamento veritatis non comperat? Scilicet, Veritas, ne ex consortio mortalium prorsus migrare cogeretur; quod collapsis fulcris necesse erat; derepente ex Ecclesia Romana, transuolauit ad Witebergensem, Geneuensem & Turegiensem, easque tanquam immota fulcra, & adamantinos tibicines, sibi supposuit; præcauens, ne posthac in simile discrimen incurrat.

Obstrepit Prædicans: *Scripturam testari, Dauidem in omnibus operibus suis Dominum consuluisse: ac nihil inconsulto ipso temerè incæpisse.* Quæso, ubi est hæc scriptura, hoc, quod tu dicis, vniuersim de omnibus operibus Dauidis testificans? Produce, quæso, hanc scripturam, ut & nos ipsam inspiciamus. Ne verò te & nos fallas, noueris eiusmodi testimonium scripturæ tibi proferendum esse, quo planum fiat, Dauidem in omnibus operibus suis ita speciale consilium Dei expetiisse; & peculiare idem Dei mandatum, accepisse; quemadmodum expetiit & accepit 2. Regum 2. ubi legimus: *Igitur posthac consuluit Dauid Dominum, dicens; Num ascendam in vnā de ciuitatibus Iuda? Et ait Dominus ad eum: Ascende, &c.* ut alia huius generis exempla præteream. Nam quod Dauid aliquid aggressurus, more omnium piorum, Dei quæ amantium, cœlestem opem semper implorauerit, & cœptis suis diuinum numen aspirare postularit; id nemo abnuat; sed nihil ad rem faciet; quia

ciet; quia inde tuum commentum non magis extundes ac ex pumice aquam. Singulæ propemodum pagellæ primi, secundi & tertij Regum, & primi Paralipomenon, quibus res gestæ Davidis exponuntur, exempla tibi subministrabunt, ex quibus perspicuè intelliges, quàm vanum sit, quod Caluinista de omnibus Davidis operibus effutiuit.

Sed en tibi aliud argumentum, & quidem inuitum. *Deus olim Iosue mandauit, ut Arcam circum mœnia Hierichuntina deportandam curaret, ergo etiam Davidi de transferenda arca omnibusq; translationis huius ritibus speciale mandatum dedit.* Egrege profecto. Sed ego huic delirationi tum fidem habebo, cum mihi mandatum Davidi datum tam euidenter in scripturis Caluinista demonstrarit, quam euidenter in libro Iosue cap. 6. demonstrari potest præceptum, quod Iosue à Deo accepit.

At Caluinista seipso semper fit robustior & validiora missilia mittit: Ex quibus hoc sanè perquam penetrabile, & sanguinem elicere aptum eminet. *Non licet nobis, Abrahami exemplo, nostros liberos immolare & occidere: ergo neque fas est; Davidis exemplo, sine mandato sacramentum circumgestare & ostendere.* Validius argumentum nexuisset & texuisset Hosiianus, si id ita instituisset. *Nulli fas est semetipsum suspendere exemplo Achitophelis & Iudæ, ergo nulli fas est, exemplo Petri & Ioannis Apostolorum, sine mandato, ad aliquod templum orationis gratia, sese recipere.* Ad rem.

Liberos immolare nulli concessum est, quia malum est, nisi potestas fiat ab eo, qui vitæ necisque supremus Dominus est. Si Deus tibi, ceu Abrahamo, præceperit, ut tuos liberos sacrifices, tum id facias

licet; & aut laqueo, aut vñdis Limagi tui eneces; si peculiaris immolandi modus tibi non præscribatur. At verò venerabili Sacramento Eucharistiæ festum diem consecrare, ei que hoc modo convenientem cultum & honorem deferre, adeo non est malum, vt supposito Ecclesiæ præcepto & instituto contrarium facere, sit impium. Quocirca nil opus peculiari præcepto diuino: quemadmodum neque David sua in celebritate nouum & expressum præceptum è coelo expectauit: quia satis præcepti habet, qui nouit Deum, & dilectum filium Dei Christum, Redemptorem nostrum, colendum & adorandum esse: Et ipsis quoque Angelis hoc præceptum esse datum, vt Christum, etiam qua homo est, adorent; nam, Apostolo teste ad Hebr. cap. 1. cum iterum introducit primogenitum in orbem terræ dicit: *Et adorent eum omnes Angeli Dei.* Psal. 96.

CAP V T V.

Excutiuntur reliqua discrimina Processionis Dauidicæ & Eucharistica ab Hospiniano allata.

- I. **D** Auid nullum cultum Dei hac sua translatione institutere voluit: quod tamen Pontificij cum in alijs, tum in hoc Festo suo faciunt. Satisne sanus aut sobrius es Calvinista, qui talia tam præcipitanter ne dicam amenter, effutias? Si David in translatione Arcæ nullam cultus diuini instituendi rationem habuit; cur constisnit coram Arca Domini, qui ministrarent; & recordarentur operum

rum eius, & glorificarent, atque laudaret Dominum Deum
 Israël; Asaph principem, & secundum eius Zachariam? Por-
 ro Iahiel & Semiramoth, & Iehiel, & Mathathiam, & E-
 liab, & Banaïam, & Obed Edom, & Iehiel super organa
 psalterij & lyras, Asaph autem, ut cymbalis personaret. Ba-
 naïam verò & Iaziel sacerdotes canere in ba iugiter coram
 Arca fœderis Domini. In illo die fecit Dauid principem ad
 confitendum Domino Asaph & fratres eius. An hæc & his
 similia quæ cap. i 6. lib. i. Paralip. percensentur, à Da-
 uide instituta, ad cultum Dei non spectant? Quor-
 sum igitur pertinent? An Dauid hæc dicta duntaxat
 causa constituit ac decreuit? Imò in hac sanctione
 Davidis dilucidè mihi intueri videor typum & for-
 mam Ecclesiarum Cathedralium & Collegiatarum,
 quæ postea Christianis temporibus passim condi-
 tæ, fundatæ & dotatæ sunt; tam munificè & libe-
 raliter, ut quamuis Hæreticæ rapacitati nihil suf-
 ficiat; opulencia tamen huiusmodi Ecclesiarum, si
 vniuersa in prædam simul exponeretur; saltè ali-
 quandiu, satis fore videatur.

Deinde, dic Caluinista, an B. Dauidem nihil me-
 riti agnouisse & spectasse censes, cum illa exprobra-
 trici & conuiciatrici suæ Michol reposuit 2. Reg. 6.
*Vinit Dominus, quia ludam ante Dominum, qui elegit me
 potius, quàm patrem tuum, & quàm omnem domum eius, &c.
 & vilior fiam plusquam factus sum: & ero humilis in oculis
 meis.* An Dauidem, cum hæc proferret, non credis
 in animo habuisse illud, quod postea à Domino pro-
 latum est? *Omnis qui se exaltat, humiliabitur; & omnis, qui
 se humiliat, exaltabitur:* cuius hæc est sententia: omnem
 illum, qui se exaltat, mereri, ut humilietur; & om-
 nem illum, qui se humiliat, mereri, ut exaltetur.

II. *David obeuntibus illas Processiones nullas dedit Indulgentias, ut facit Romanus Pontifex, longè igitur alia ratio est processionum Davidicarum, & nostræ Eucharistica.* Calvinisticum diuerticulum video, nihil aliud. Non agitur de Indulgentiis; sed num Christiana Ecclesia Festum Corporis Christi cum iis, quæ nunc usurpantur cæremoniis, licitè instituere potuerit; & num sic, ut institutum est, sanctè & piè obiri queat, exemplo Processionum, quas B. David occasione transferendæ Arcæ omnibus indixit. Indulgentiæ, quas Pontifex concedit, accessorium quiddam sunt. Si eas nolis, non cogeris accipere, quia inuito non datur beneficium. Tota ratio Festi & Festiuitatis absque Indulgentiis subsistere valet; nec à Pontifice Urbano, & alijs alio sine adiunctæ sunt, quàm ut ad Festi huius celebrationem, idque per totam Octauam, Christiani alacriores efficerentur. Etsi autem Calvinista Pontificis Indulgentias aspernatur, neque earum particeps fieri optat; non dubito tamen, quin placeant palato & stomacho eius Indulgentiæ, quas diuinit sua in Processione & Panegyri B. David, 2. Reg. 6. Quæ nam illæ? *Partitus est (David) uniuersæ multitudini Israel tam viro, quàm mulieri, singulis collyridam panis vnā, & assaturam bubala carnis vnā; & similam frixam oleo.* Hæ Indulgentiæ si in Processionibus Corporis Christi distribuerentur, forsàn non pauci de Calviniano grege tam ineptè supersticiosi non essent, ut Calvinum fameliço ventri, & sitienti palato anteferrent.

III. *De Eucharistia Christus nihil aliud mādauit, quàm ut in cætu sacro panem & vinum comedant & bibant. Fidem tibi haberem; si Christus dixisset; Accipite, & come-*

come-

comedite: *Hoc est panis*: Accipite & bibite: *Hoc est vinum*: sed quia dixit: Accipite & comedite: *Hoc est corpus meum*. Accipite & bibite; *Hic est sanguis meus*; non video cur tibi, nil nisi panem & vinum, ex quotidiana mensæ tuæ assuetudine somnianti assentiar: nam qui nil nisi panem & vinum appetit, is desiderio suo melius in caupona, quàm in Ecclesia satisfacere poterit.

Deinde, etiam Arca fœderis non fuit reperta eo fine, ut ex domo Abinadab, tanta pompa transferretur, & ut in domum Obed Edom, & tandem in civitatem David; & ad extremum in Templum Salomonis inferretur; & tamen hæc omnia sanctè & religiosè facta sunt.

Tertio dico; Eucharistiam non tantum esse institutam, ut nobis cibum & potum præbeat, sed insuper ad hoc, ut humano generi passionis & mortis Dominicæ & infinitæ charitatis, qua Christus nos prosequitur; sit perpetuum monumentum; & per consequens, nobis mandatū est, ut huiusmodi memosynon seu *Memoriale* grata mente veneremur, præsertim cum in illo *realiter & substantialiter* Christus Dominus contineatur; de quo colendo & adorando tam homines, quàm Angeli præceptum divinum acceperunt.

IV. *David semel tantum hoc fecit; nec instituit Anniversarium, in huius rei memoriam Festum; ergo Papista non possunt se Davidis exemplo tueri.* Inanis tergiversatio. Num si B. David quotannis pompam illam repetivisset, Festum Corporis Christi tibi arrideret? Non magis ac iam, cum B. David, non vna, ut tu inscitè dicis, sed duplici translatione Arcæ contentus fuit.

fuit. Deinde fingamus, semel vel bis solummodo celebratum esse Festum Corporis Christi, instar Processionis Dauidicæ; num tibi idcirco probaretur? Nihil minus. Num sola repetitio annua tibi displicet? Nihil minus. Friuola hæc sunt effugia. Vanæ offuciæ & præstigiæ ludicræ, quibus lectorum oculis fumus offunditur, vt veritatis aspectus eripiat. Potuisset, si voluisset, B. Dauid annum Festum Arcæ publicitus circumducendæ instituere, si voluisset; quia quod semel vel iterum in honorem Dei peractum fuerat, cur id repeti, etiam quotannis, illicitum fuisset, cum nulla super hac re interuenerit à Deo prohibitio?

V. *Dauid pedes comitatus est Arcam fœderis. At Papa in hac processione equo vehitur.* Respondeo, mentiri Prædicantē. In hac supplicatione nec Papa equo vehitur, nec Eucharistia; quod hîc iterum mendaciter Calvinista oggerit, non contentus mēdacio, eadem de re in prima Editione Centonis de Festis effusor; imò Pontifex, si non sit æger à pedibus, æquē ac alij venerabile sacramentum pedes circumfert. Si mihi fidem non habes, non deerunt huius rei oculati testes.

VI. *Arca non est habita pro ipso vero & viuente Deo; vt sacramentum Eucharistia hodie à Papistis habetur; nec propterea adorata fuit.* Si ergo Arcæ tanti & tam aliqui inusitati honores decreti & publicè exhibiti sunt à Dauide & toto Israël; quanto iustius Ecclesia Catholica Christo, Deo vero & viuenti, sub Eucharisticis speciebus intimè præsentī, cum cultum deferat; qui nouis Capharnaïtis, Zvinglianis, Calvinianis & Lutheranis non modò cordolium, sed & acutissima crux

crux est. Nam quod Caluinicola ait, ipsum sacramentum, totum scilicet & adequatum, haberi à nobis pro Deo vero & viuente, id cæteris vanissimi Sectarij commentis securus deputa, nam & species externa, & ipsa forma in verbis consecratoriis posita, ad hoc sacramentum pertinent; neque tamen ab vilo pro vero & viuente Deo habentur.

VII. *Arca veteris Testamenti cum omnibus ceremoniis Iudaicis iam abrogata est, nec in Christiana Ecclesia amplius usurpari debet. Quò tendis Nouator? Quis Christianorum Arcam illam veteris Testamenti cum ritu, quo transferebatur, instaurat aut usurpat? Quàm beilus argumentator es. Arca fæderis cum ritibus iam antiquata est; ergo ab Arca fæderis vel potius à solennitate, qua Arca ista translata est, non licet iam argumentum ducere ad Festum Corporis Christi, & ad ceremonias, quibus Festus hic dies peragitur. Perinde ac si dicas: Vetera sacrificia Mosaicæ Legis iam sublata sunt; ergo Apostolo in Epistola ad Hebræos non licuit à prisceis illis sacrificiis argumētari ad sacrificium crucis. Item, Agnus Paschalis, Manna, & his similia iam desierunt; nec sis ergo erit ista pro Eucharistiæ sacramento in subsidium aduocare, tāquam eius typos & symbola. Quæ sua Caluiniana bipenni subneruabit, vel potius funditus excidet Hospinianus omnia argumenta, quæ à typis seu figuris, ad ipsam rem figuratam & præmonstratam ducuntur.*

VIII. *Translatio Arce erat res politica, ut nimirum Arca poneretur in loco suo: nam Dauid, ut legitur 1. Paralip. 13. de transferenda Arca in domum Obed Edom consilium tantum iniit cum Tribunis suis, Centurionibus & omnibus Ducibus; Sacerdotes & Leuitæ huic deliberationi non*

E

inter-

interfuisse leguntur. Ergo hoc exemplum ad processionem hanc, de qua agimus, defendendam nihil facit. Hæc Caluista stultissimè prorsus. Translationem enim hanc non fuisse rem politicam, sed sacram, religiosam, & ad Dei cultum ordinatam, testatur omnes sacrarum literarum apices, qui de hac translatione agunt: nam si res politica erat, quid opus erat Sacerdotibus & Leuitis; quid tot sacrificiis, victimis & hostiis; quid tot Musicorum choris? Quid Sacerdotum & Leuitarum sanctificatione 1. Paralip. 15. cum hoc mandato? Vos, qui estis principes familiarum Leuitarum, sanctificamini cum fratribus vestris, & afferte Arcam Domini Dei Israel ad locum, qui ei preparatus est.

Adde, quod ipsa Arca res sacra & religiosa fuit, ergo & translatio eius: cur enim Dominus percussit Ozam, ob Arcæ contractum, si Arca res profana erat? An non Arca sacrum symbolum erat foederis à Deo cum Israëlitis initi? Si Arca non erat res sacra, cur in translatione eius tot tauri & arietes oblati sunt? Cur constituti, qui coram Arca Domini ministrarēt, & recordarentur operum eius, & glorificarent, atque laudarent Dominum Deum Israël? Si Arca non erat sacra, cur tot mirissima mira per eam patrata sunt, & maximè in terra Philistinorum?

Si Arca foederis res politica erat, mirum, quod longæuus ille Heli ad auditam captionem Arcæ de sella, in qua sedebat, corruens, cervicem fregit: nam cum audisset, fugisse Israëllem, & ruinam magnam factam in populo, insuper & duos filios suos in prælio occubuisse; haud multum commotus est: at ubi nuncius Arcam Dei in hostium manus peruenisse exponerat, enimvero, tum cecidit de sella retrorsum iuxta ostium,

offitium, & fractis cernicibus mortuus est. Et nurui, vxorē Phinees, nō tam partus, q̄ de capta Arca nuncius necem attulit; quæ infanti indidit nomen Ichabod, dicens: *Translata est gloria de Israël, quia capta est Arca Dei.* Siccine pro re profana tantum doloris suscipere vel oportebat, vel conueniebat? Quomodo Arca strauit humi Dagonem, Azotiorū Idolum; nec strauit tantū, sed etiam capite ac palmis manuum multauit & mutilauit; si non erat res sacra & religiosa, sed tantū politica? Num tu censeres Dagoni talem calamitatem obuenturam fuisse, licet in templum illud aliquot corbes panis & aliquot canthari vini de Coena Zvvingliana seu Caluiniana importati fuissent?

Nec obstat, quōd Dauid cum tribunis & Centurionibus de Arca transferenda consultauit, cui consultationi Sacerdotes & Leuitæ non videntur interfuisse; quia ibidem mox subiungitur: *Et ait (Dauid) ad omnem cætum Israël, si placet vobis, &c. Mittamus ad fratres nostros reliquos in vniuersas regiones Israël, & ad Sacerdotes & Leuitas, qui habitant in suburbanis urbium, ut congregentur ad nos, &c.*

Deinde, quidquid sit de primo Dauidis concilio & consilio, & de ipsa etiam translatione prima Arcæ, quæ casu, seu potius infortunio quodam, in domum Obed Edom facta est; facienda vtiq̄ in ciuitatem Dauid, quæ est Sion; quidquid viti; tum interuenerit; de quo videri possunt sacræ scripturæ Interpretes, nominatim Abulensis in cap. 15. lib. 1. Paralip. attamen in secunda translatione ex domo Obed Edom, Dauid diligentissimè operam dedit, vt sanctificati Sacerdotes & Leuitæ translationi Arcæ adessent, eamque humeris suis, vt Moyfi Dominus

præceperat. Num 4. gestarent, non, vt antea factum, plaustro vectarent. *Ne, vt à principio,* inquit B. Dauid, *percuſſit nos Dominus, ſic & nunc fiat, illicitum quid nobis agentibus.* Tantum ergo abeſt, vt B. Dauid in translatione Arcæ Sacerdotum & Leuitarum miniſterio vti noluerit; vt cum in prima vſus fuiſſet; & tamen nescio quid defectus interueniſſet; (ſiue is defectus in Ozæ immunditia; ſiue in hoc, quòd Arcam plauſtro à bobus ferendam impoſuiſſent, poſitus fuerit) in ſecunda translatione accuratiſſimè de ſanctificādis Sacerdotibus & Leuitis, & omnibus iuxta ritum & præſcriptum Legis Moſaicæ agendis præceperit, ne denuo illicitum aliquid committeretur. Ex quibus ſanè euidentè eluceſcit, tam ipſam Arcam, quàm hanc eius translationem fuiſſe rem ſacram & religioſam, non politicam, vt ſatis impolitè Calviniſta aſſerit.

Nec verum eſt, quod Caluinicola dicit; Daudem lib. 1. Paralip. cap. 13. iniuiſſe conſilium de Arca ex Cariath Iarim in domum Obed Edom tranſportanda: falſum eſt hoc, nam in eo conſilio & concilio de hac domo nulla cogitatio Dauidi in mentem venit: ſed totus in eo erat, vt Arca in ciuitatem Dauid, quæ eſt Sion, transferretur. Poſtea inopinato Ozæ interitu percuſſus, Arcam, prætor exſpectationem ſuam, in domum Obed Edom diuertere iuſſit: *Extimuit enim Dauid Dominum in die illa, dicens, quomodo ingreditur ad me Arca Domini? Et noluit ad ſe diuertere Arcam Domini in Ciuitatem Dauid: ſed diuertit eam in domum Obed Edom Gethai.* Erat igitur & Arca & Ipſa Arcæ translatio res ſacra, religioſa, & Eccleſiaſtica.

Oggan-

Oggannit Caluinista: Si fuit res Ecclesiastica, hoc Davidus factum contra Papistas facit, qui putant, politicum Magistratum Ecclesiastica negotia tractare non debere, ut David hoc loco fecit. Respondeo I. Prædicantem iterum extra lineam saltare: non enim quaeritur, quis sit cognitor & Iudex rerum Ecclesiasticarum, sed num Processio corporis Christi cum ritibus suis defendi queat exemplo processionis Davidicæ in Translatione Arcæ. Secundò, quod David statuit; statutumque efficere cogitavit, id non sine sacerdotibus & Levitis transactum dare voluit: ideo namque in Concilio ait: *Mittamus ad fratres nostros reliquos, &c. & ad Sacerdotes & Levitas.* Qui si decreto Regis sese opposuissent; utique Rex ad translationem ipsam minimè accessisset. Et quam ministerio sacerdotum & Levitarum Rex indigeret, ipse post exitum Ozæ clarius intellexit; ut docent hæc eius verba. 1. Paralip. 15. *Illicitum est, ut à quocumque portetur Arca Dei, nisi à Levitis, quos elegit Dominus ad portantum eam, & ad ministrandum sibi usque in æternum. &c. Vocavitque David Sadoc & Abiathar sacerdotes & Levitas Uriel, Asaiam, &c. & dixit ad eos: Vos, qui estis principes familiarum Leviticarum, sanctificamini cum fratribus vestris, &c. Et hoc eam ob causam; ne ut à principio, quia non eratis presentes, percussit nos Dominus, sic & nunc fiat illicitum quid nobis agentibus.*

Præterea, Catholici non abnuunt, posse Reges ac principes dispicere, quid nam ad religionis conservationem vel amplificationem, vel ad populi devotionem excitandam; vel ad impendentes calamitates auerendas conducatur: sunt enim rectæ fidei & veræ pietatis custodes ac vindices: Possunt ergo,

quid sibi faciendum videatur., tam Ecclesiasticis, quàm alijs exponere & proponere; & ipsam quoque operis executionem, cum assensu & approbatione Magistratus Ecclesiastici indicere ac vrgere; prout etiam hac ipsa in re factum est à B. Dauide; qui cum translationem Arcæ in Sion., ad diuinæ gloriæ incrementum cessuram arbitraretur; translationem faciendam decreuit; Decretum tamen ad sacerdotes & Leuitas retulit; neque sine illis quidquam aggredi ausus est: Præsertim in secunda translatione: tametsi primæ in idem Leuitæ interfuerint; nam, Oza & frater eius Ahio, Leuitæ erant: sed familiarum Leuitarum principes abfuisse; ideoque non omnia ex præscripto Legis tunc acta esse; & propterea Ozam perijsse, satis apertè indicant B. Davidis verba lib. 1. Paralip. cap. 16.

CAPVT VI

Vtrum Processio corporis Christi sit similis illi; qua describitur lib. 1. Reg. cap. 4.

Affirmat Caluiniſta his verbis. *Festum corporis Christi potius similitudinem habet cum Arca Domini, ut ab Israelitis tempore Helii in pugnam contra Philistinos deportata est. Quæ de causâ? Cedo, ô Caluinicola. I. Quia Israelita fecerunt hoc sine mandato Dei. II. Ex cacozelia studioque peruerso imitandi morem patrum suorum, qui ex mandato Dei Arcam in deserto, & circum muros Hiericho circumtulerant. Sic & Papista absque mandato Dei, & ex peruersa imitatione veteris illius Arcæ; Sacramentum circumgeſtant. Quapropter quem-*
modum

admodum illi Deum non placauerunt; sed potius ad vehementiorem iram adductione Arca irritauerunt; ita hac etiam atate fit cum circumgestatione Eucharistica.

Verumenimvero Caluinista hic multa, tanquam concessa sumit, quæ probatione, & quidem admodum firma & valida, egent: Negamus enim, Hebræos illos, qui Arcam in Castra adducendam curarunt, idè peccasse, quòd hoc absque expresso mandato Dei fecerint. Nihil penitus de hoc scriptura. Negamus id ab illis factum, ex *Cacozelia* vel improbo imitandi desiderio circumlationem Arcæ in deserto, & ad mœnia Hiericho: imò palam asserimus, cogitationem de Arca aduersus Philistæos in castra aduocanda, ipsamque adeo aduocationem, fuisse sanctam, salutarem & laudabilem; Arcæ enim præsentiam valuisse aduersus hostiles impetus probatur. I. ex illa ad præcatione Moyfis, qua utebatur, quando Arca eleuabatur, vt cap. 10. lib. Numer. prodictum est: *Surge Domine, & dissipentur inimici tui, & fugiant, qui oderunt te à facie tua.*

II. Arcæ præsentia ijs, qui Dominum colebant benedictionem conciliabat. Testatur id scriptura 2. Reg. 6. & 1. Paralip. 13, nam propter præsentiam Arcæ *benedixit Dominus Obed Edom, & omnem domum eius*: ita vt Dauid sancta quadam æmulatione incitatus; de Arca quamprimum ad se transferenda consilium cepit. *Nuntiatum est Regi Dauid, quod benedixisset Dominus Obed Edom, & omnia eius, propter Arcam Dei: dixitque Dauid; ibo & reducam Arcam cum benedictione in domum meam. An non igitur Arca ista benedictionem castris adferre poterat, cu-*

ius

iūs vis tanta erat, vt benedictione totam domum Obed Edom, & omnes facultates eius repletet?

III. Cum David Absalonem fugeret 2. Reg. 15. Sacerdotes & Leuitæ, qui Dauidi adhærebant, minimè oblitī sunt Arcæ, sed eam secū deduxerunt. Cur, si non Præsidij gratia? Neque enim periculum erat, vt si Hierosolymis relinqueretur, Absalon inuasor aliquid contumeliæ ei irrogaret. Quanquam David Arcam, modestiæ causâ, iussit in urbem reportari. Dixit enim ad Sadoc: *Reportate Arcam Dei in urbem: Si inuenero gratiam in oculis Domini, reducet me, & ostendet mihi eam, & tabernaculum suum.*

IV. Idem euidenter demonstratur ex bello, quod David gessit contra filios Ammon, in obsidione ciuitatis Rabba. 2. Reg. 11. nam Arca Dei tunc in castris erat: planum hoc fit ex verbis Vriæ Hethæi, qui cum ex castris ad Dauidem venisset, iubereturque, vt in domum suam se, quietis causâ, conferret; id facere, constanter recusauit; addens: *Arca Dei, & Israel, & Iuda habitant in papilionibus, & Dominus meus Ioab, & serui Domini mei super faciem terræ manent, & ego ingrediar domum meam, vt comedam & bibam, & dormiam cum uxore mea? Per salutem tuam, & per salutem animæ tuæ, non faciam rem hanc.* Erat ergo Arca in illis castris. Cur, nisi opis gratia?

V. Idem liquet ex 1. Reg. cap. 14. vbi Saul Rex Arcam secum in castris habebat: Cur nisi tutelæ & benedictionis gratia? Nec vana spes fuit, vt testatur insignis illa victoria, quam tunc Israëlita à Philistæis reportarunt.

VI. Quod Israëlita fecerunt 1. Regum 4. id ex communi consuetudine fecisse videntur; nam si Arcam

Arcam in castra educere penitus inusitatum fuisset; Heli sacerdos minimè permisisset, ut in castra deportaretur: sed potius totis viribus obstitisset. At nihil horum factum est. Imò cum ipsimet Hebræi inter se causas cladis acceptæ disquirerent, videntur damnum sibi illatum in absentiam Arcæ retulisse. Dixerunt enim maiores natu de Israel: *Quare percussit nos Dominus hodie coram Philistim? Afferamus ad nos de Silo Arcam fæderis Domini, & veniat in medium nostrum, ut salvet nos de manu inimicorum nostrorum.* Quam persuasionem de auxilio Arcæ contra hostes, ab antiquo iam imbibisse debuerunt; nam si nulla huius generis de Arca existimatio præcessisset; haud in repentino illo casu de Arca adducenda cogitationem suscipere potuissent. Quod etiam planum fit ex cap. 4. libri Numerorum ubi dicitur, Israelitis contra Amalecitas egressis, Arcam Dei mansisse in castris, hoc est, noneductam fuisse, ut pugnaturis subsidio esset, quandoquidem inuito Deo & Moyse in prælium exierant, & ideo etiam corruerant.

VII. Idem probat terror, quem aduentu suo Arca Philistæis incussit: *Timuerunt Philistim*, inquit scriptura: *dicentes: venit Deus in castra. Et ingemuerunt, dicentes: va nobis; non enim fuit tanta exultatio heri & nudius tertius. Va nobis, quis nos servabit de manu Deorum sublimium istorum?* Hæc & his similia, satis perspicuè ostendunt Arcam Domini militantibus pro scuto, clypeo, & gladio fuisse.

At occinit prædicans: *Hebræos hoc fecisse sine mandato Dei.* Esto. Num ideo peccarunt? Quod Dei præceptum secutus B. David saltavit coram Arca acinctus Ephod lineo? Quod mandatum Dei ha-

buit Ioab & exercitus, vt secum haberent Arcam Dei in expeditione, contra Ammonitas? Quo mandato Dei delata est Arca à sacerdotibus & Leuitis ad comitatû Davidis, cû Absalonem fugeret; Oggeres; *Hebraei puniti sunt à Deo ob adductam Arcam.* Falsissimû hoc esse aio: quia quæ causa huius cladis fuerit; euidenter ex cap. 2. & 3. discimus: vbi totum hoc infortunium trucidati Hebraici populi, & capta Arca adscribitur, grauissimis sceleribus & sacrilegijs, quæ filij Heli, dissimulante patre, perpetrabant: quæ etiam capite secundo speciatim enumerantur.

C A P V T VII.

Num festum corporis Christi sit simile Festo vituli aurei Exodi 32.

DAuidicis Processionibus adiunxeram illam Salomonis, quando Arca foederis ex ciuitate David, in templum solennibus ceremonijs translata est. Negat Prædicans, esse aliquam inter illam & nostras processiones similitudinem. At ego nihil aliud postulo, quàm vt lector legat cap. 5. lib. 2. Paralip. Et quæ ibi recensentur, accuratè perpendat, omnibusque expensis, oculos ad processionem corporis Christi conuertat, & conuertendo dispiciat, an in ea nullû vestigium similitudinis cuiuspiam reluceat. Quanquam cardo rei non vertitur in similitudine; sed in hoc; An Christianis ius fasq; sit in honorem venerabilis sacramenti, etiâ absq; expresso mandato Dei, solennitatem aliquam festiuo ritu & modo instituere & indicare, prout factum

Cum in translatione Arcæ à Salomone, & prius à B. Davide.

Mentitur Calvinista, *mercedius facturum fuisse, si exemplum illud. Exodi 32. de Festo vituli ab Israëlitis conflatu adduxissem: quippe quod huic Festo sacramenti quoad omnes sui causas & circumstantias, simillimum sit.* Sed calumniatur Prædicans. Nam in primis solenne illud suum extorserunt Israëlita ab inuito Aarone. Num ab inuito Pontifice Urbano festum corporis Christi per vim extortum est? II. Dies ille sacer erat vitulo. Num tu tam blasphemus eris, ut idem de nostro Festo affirmes? Scio, quā soluta sit lingua Calvinistis cum de hoc festo mentio incidit. Sunt tamen, quibus necdum omnis verecundia ex mente & fronte expuncta est. III. Vbi processio in illa idololatriæ plena Panegyri? Nisi fortè processionem tibi indicant illa: *Surgentesq; manè obtulerunt holocausta & hostias pacificas, & sedit populus manducare & bibere, & surrexerunt ludere.* Fitne hoc in Festo corporis Christi? IV. Aded inconditus fuit idololatriæ huius turbæ clamor; ut Iosue, Mosis minister, ululatum pugnæ in castris sibi audire videretur: quia ex ebrietate, & quæ hanc comitatur, inepta læticia, in vociferationes resoluebantur. Num huiusmodi ululatum aliquando in hac nostra solennitate resonare audiisti?

V. Judæi in hoc suo sacrilego Festo obliuiscuntur Deum, qui saluauit eos, qui fecit magnalia in Aegypto, mirabilia in terra Cham; terribilia in mari rubro, ut canit B. David Psal. 105. An nos in nostro Festo obliuioni tradimus Saluatorem nostrum Christum Dominum? Nam quod tu cum Caluino tuo dicis: *Israelitas in vitulo illo coluisse verum Deum; id merum figmentum*

tum est, citato Psalmistæ loco directè aduersans, vt & huic Moysis Deut. 32. *Oblitus es Domini creatoris tui.* Et, *Ipsime prouocauerunt in eo, qui non erat Deus.* Et, *Irri-
tauerunt eum in dijs alienis. Immolauerunt Dæmonijs,
& non Deo, dijs, quos ignorabant; noui recentisque vene-
runt, quos non coluerunt patres eorum. Deum, qui te ge-
nuit, dereliquisti, & oblitus es Domini creatoris tui.* Quæ
omnia apertissimè ostendunt, Hebræos vitulum il-
lum pro suo Deo habuisse, neque in eius cultu ve-
rum Deum aut coluisse, aut colere voluisse: licet
non desint, etiam ex Catholicis scriptoribus, qui ar-
bitrentur, existimasse Iudæos se verum Deum co-
lere in Idolis: nonymis hoc est, certo nomine caren-
tibus, cuiusmodi fuit idolum Michæ Iud. 17. Et fortè
etiam vitulus aureus; reuera tamen, illos verum
Deum non coluisse, sed figmenta capitis sui. De qua
opinionē plura Bellarminus libr. 2. de Sanctis cap.
13. qui eam non improbabilem iudicat.

Nec sincerè, sed fraudulentè & impostoriè a-
git Calvinista, cum ita de Bellarmino scriptitat. *Vn-
de Bellarminus quoque fatetur, non improbabiler dici, Iu-
dæos vitulum aureum pro imagine veri Dei habuisse, idque
etiam Abulensis, Caietani & aliorum auctoritate in cap. 17.
Iudicum confirmat. Et ibidem mater Micha dixit: San-
ctificaui & voui Iehouæ mille & centum argenteos,
vt faciam sculptrile atque conflatile. Et Micha, se
conduçto Lenita, Iehouam in eo colere ostendit. Hæc Cal-
uinista, prorsus veteratoriè. Nam Bellarminus dicit:
Forte vitulum aureum fuisse idolum anonymum. II. Pu-
tasse quidem Iudæos per huiusmodi simulacra no-
minis expertia, se colere verum Deum; reuera ta-
men non coluisse, nisi cerebri sui inania Phantasma-*

ta: neque cultum illum, per Idololatricam effigiem, Deo, sed figmento cordis delatum fuisse. III. Hanc Caietani & aliorum sententiam non probat absolute Bellarminus; sed habet pro *non improbabili*. Simpliciter longè verius est Iudæos, siue in Idolis nominatis, siue in innominatis, nihil aliud veneratos esse, quàm ipsa Idola; seu Dæmonia; quia non modò Dij gentium, sed etiam tales Dij Iudæorum, sunt & fuerunt Dæmonia. Nec obstat, quòd scriptura de his idolis loquēs, utitur interdum vocabulo *Iehoua*: quia scriptura indicat, quid Idololatræ illi fecerint; nam eò impietatis processerant, ut etiam *incommunicabile nomen lapidibus & lignis imponerent*, ut dicitur Sapientia 14.

CAPVT VIII.

Vtrum Catholici caremonias & ritus huius Festi ab Ethnicis acceperint.

Affirmat Caluinista. Cuius affirmationis impudentiam copiosè redargui lib. 1. de Processionibus cap. 19. Caluinista responsiones meas plerasq; dissimulat; nec tam sollicitus est, ut solide se & sua tueatur, quàm ut nouas technas & strophas obruendæ veritati, & stabiliendæ falsitati excogitet. Verbo- sè recitat ex Mercurio Gallo-Belgico processionem Vallisoleti in Hispania olim habitam in Festo Corporis Christi. Finita recitatione, exclamare incipit: *Haccine ex Verbo Dei probari possunt? Ostendat Monachus simile quid velin nouo Testamento velin tota antiquitate.*

Audi Caluinicola. Processio illa Hispaniensis, & quæcunq; alia, quæ in solennitate Corporis Christi instituitur, defendi, & ex verbo Dei probari potest: quia verbum Dei præcipit, vt Christum, Dominum & Redemptorem nostrum colamus, veneremur, & adoremus. At omnes istæ processiones, vbicumque obeantur, nihil aliud sunt, quàm cultus, veneratio & adoratio Christi Domini: & quem cultû bonum ac legitimum esse demonstrare licet, ex cultu, quem David & Salomon in Translatione Arcæ, Deo exhibuerunt; & ex illo, qui Christo Hierosolymam intranti à turbis præeuntibus & subsequenti- bus est habitus: nam modus, forma & ratio tota nostrarum processionum, maximam prorsus cum illis Processionibus similitudinem habet; vt fatebitur, quisquis processiones nostras cum præcis illis componere voluerit.

Porro, cum fusè ostendissem, Christianos ritus Festi huius nō esse ab Ethnicis desumptos, eo saltem sensu, quē isti imperitorum animis instillare conantur, somnes suas copias eò dirigit Caluinista, vt assertum suum confirmet.

In prima acie collocat auctoritatē Polydori Virgilij, qui lib. 6. cap. 11. de rerum Inuent. ritus processionum & supplicationū ab Ethnicis ad nos manasse scribit: & ne sine teste hoc asseueret, *in probationis firmamentum Asinum Apuleianum adsciscit*. Sed dabit nobis Caluinista veniam, si à Polydoro dissentiamus, credamusque, quod alibi sæpius & copiosius ostensum est, Diabolū futuri satis sagacem coniectorem, potius processionum ritus in suis & suorum Orgiis æmulatum & imitatum esse, vt postea Calumniato-

res Hæretici occasionem haberent, dicitandi, Orthodoxos Christianos cæremonias suas ab Ethnicis accepisse. Deinde, q̄ ore Polydorus hoc dixit; & quo calamo scripsit, *Christianos suas in supplicationibus cæremonias ab Ethnicis accepisse*; eodem dicere & scribere poterat, Davidem in gemina sua processione, & Salomonem in alia; & illos, qui Christum Hierosolymam ingredientem, in processione formam compositi, cantantes & ouantes, ramosque palmarum manibus ferentes, comitati sunt; ab Ethnicis edoctos hæc talia fecisse; & cum alia infidelium Festa, tum præcipuè *Lampadophoria, Oschophoria, & Thalsia* æmulatos esse: cui rei, vt maiorem fidem faciat, non obstabimus, quo minus Polydorus, & cum illo Hospinianus, Apuleij *Asinum* in subsidium aduocent.

Secundò, producit Calvinista S. Gregorium Magnum q̄ lib. 9. cap. 71. (sic citat Calvinicola) *non solum concessit, sed præcepit etiam; nempe Paganorum Festa sensim in Christiana Festa commutanda esse, & quadam ad similitudinem esse facienda.* Mox nobis denarrat, quid Rhénanus in Libellum Tertulliani de Corona militis super hac re sentiat. Respondeo, nos Rhénano paulò plus tribuere, quàm tibi. Scimus, quo ânimo & affectu in Catholicos ritus fuerit. Ad rem quod attinet, non imus inficias, Christianæ plebis Antistites, in locum & vicem quorundam gentilium festorum, consuetudinum & cæremoniarum substituisse solennitates, consuetudines & cæremonias Christianas; hoc enim cum alibi, tum in Opere de Festis perspicuè ostendi; & liquet insuper ex adducto sancti Gregorij testimonio. Hoc constanter negamus, commutationem istam in hunc solummodo modum factam

factam esse; ut nomen tantum mutaretur, eadem autem superstitiones, ritus & caeremonia impia retinerentur, prout blasphemè Hospinianus mentitur: quam suam pseudologiam Quintuplici alia fulci, dum addit; hoc ipsum ingenue fateri Durandum in Rationali; Beletius, Bernardinum de Busto, Eckium, Mefreth. Nullus horum istud asserit; imò nullus Catholicus vnquam vel in mentem suam hoc admisit, videlicet, Festum Purificationis B. Virginis nomine tantum differre à Festo, quod eodem die olim ab Ethnicis in honorem Cereris, Proserpinam filiam suam cum facibus querentis, celebrabatur, & caeremonias, quibus Catholici hoc die utuntur, esse easdem, quibus verae religionis ignari in illo Cereris Festo utebantur. Absit hæc blasphemia à quocunque Catholico pectore; Nam ipsum Cereris Festum funditus, & quoad rem, & quoad nomen, & quoad omnes caeremonias Ethnicas sublatum est; eiusque in locum & stationem subiit Festum Christianum, sanctum, pium, additis Christianis, sanctis, piis ritibus, quibus cum Ethnicismo nihil commune.

Quamquam nō diffitemur, quosdam interdum ritus, qui naturā suā peruersi & supersticiosi non erant; & à malo utentium sine abstracti ad bonum transferri poterant, fuisse aliquando reseruos; eò quod medij & indifferentes essent; quemadmodum sæpe ipsa etiam Idololatrica fana non eueriebantur, sed inanibus simulacris & Dæmonibus adempta, Deo & sanctis eius dedicabātur, prout S. Gregorius quoque iussit in Anglia fieri lib. 9. epist. 71. ad Mellitum Abbatem. *Fana idolorum destrui in eadem gente minime debent, sed ipsa, quæ in eis sunt, idola destruantur. Aqua benedicta fiat, in eisdem sanis aspergatur, altaria con-*
struant.

struantur, reliquia ponantur; quia si sana eadem bene constructa sunt, necesse est, ut à cultu Dæmonum, in obsequium veri Dei debeant commutari, ut dum gens ipsa eadem sana sua non videt destrui, de corde errorem deponat, & Deum verum cognoscens ac adorans, ad loca, qua consuevit, familiarius concurrat. Hæc S. Gregorius, cuius consilium Lutheristæ & Calvinistæ haud grauâtè amplectuntur, licet enim infinita Catholicorum templa (quæ ipsi pro Idololatricis reputant) euerterint, plurima tamen retinuerunt, & in suos hæreticos vsus conuerterunt, rati se nimis fore scrupulosos, si suæ sectæ noua delubra vbique condere yellent.

Declarat porrò ibidem S. Gregorius alio exemplo, quomodo res alioqui mediæ & adiaphoræ à sacrilegio abductæ, in religiosum morem mutari queant: subdit enim. *Et quia boues solent in sacrificio Dæmonum multos occidere, debet hic etiam hac de re aliqua solennitas immutari; ut die Dedicationis vel Natalis sanctoꝝ Martyrum, quorum illic reliquia ponuntur, tabernacula sibi circa easdem Ecclesias, qua ex sanis commutata sunt, de ramis arborum faciant, & religiosi conuiuia solennitatem celebrent; nec Diabolo iam animalia immolent, sed ad laudem Dei in esu suo animalia occidant, & donatori omnium de satietate sua gratias referant.* Itaque bouum mactationes & conuiuia, quæ antea erant impia & Idololatrica, ad hunc à S. Gregorio præscriptum finem conuersa & instituta, iam pia & religiosa fiebant: quod mox idem sanctissimus Pontifex alio exemplo illustrat, ita scribens: *Sic Israëlítico populo in Aegypto Dominus se quidem innotuit (hoc est, notum fecit) sed tamè eis sacrificiorum vsus, quos Diabolo solebant exhibere, in cultu proprio reseruauit, ut eis in sacrificio suo animalia im-*

G

molare

molare præciperet; quatenus cor mutantes aliud de sacrificio amitterent, aliud retinerent, ut et si ipsa essent animalia, quæ offerre consueverant, veruntamen Deo hæc, & non idolis immolantes, iam sacrificia ipsa non essent. Hæc pulchrè & verè sanctus Gregorius: quorum diligens inspectio & consideratio omnes à Cæcis Hæreticis sparsas nebulas facilè dispellet: præsertim crassam istam; nomina Festorum Ethnorum duntaxat mutata; rem & caeremonias impias ac idololatricas retentas esse.

Dixeram: non esse probam hanc consecutionem. Ethnici hoc vel illud fecerunt, ergo malum est & improbandum. Occurrit Caluinista. Nos non ideo Ethnorum facta improbamus, quòd ab Ethnicis simpliciter & per se proficiantur, sed quòd ab Ethnicis superstitiosis, idololatriis, & infidelibus fiant. Necessè est ergo, ut Prædicans improbet cibum, potum, somnum, matrimonium, quia his omnibus Ethnici superstitiosi, idololatræ & infideles olim vsi sunt, hodieque vtuntur, vbi Idololatria necdum penitus extincta est.

Adiungit Prædicans. Nostra mens est ista: *Hoc est Ethnicum, vel superstitiosum, & idololatricum; ergo malum & fugiendum.* Verba tua, quibus antea non semel vsus fueras, hunc sensum nequaquam præ se ferunt, sed illum, quem refutavi; nempe; hoc vel illud fecerunt Ethnici; ergo repudiandum est. Nunc, voce mutata, aliter canis. *Istud est Ethnicum, hoc est, superstitiosum seu Idololatricum, ergo respuendum:* Fatemur, respuendum esse, quia superstitiosum & idololatricum; sed addimus, illud ipsum, q. in indiuiduo est idololatricum & superstitiosum, prout fit ab isto, vel isto, hoc vel illo tempore, in huius vel illius honorem; aliquando ita institui posse, ut mutatis circumstantiis, non sit

sit superstitiosum & Idolatricū; Exemplis rem clariorem efficiam. Sacrificare Ioui, Neptuno, Plutoni, Apollini, olim actus superstitiosus & Idolatricus erat: At sacrificare vero Deo, qui fecit cælum & terram, prout fiebat in populo Dei, actus sanctissimus & Deo gratissimus erat. idem dico, de celebratione Festorum. Celebrare Festum in honorem Iouis, Martis, Dianæ, idololatria erat: celebrare Sabbatum in honorem Dei; & nunc etiam ad eundem finē die Dominica ab operibus seruilibus abstinere; pium prorsus & laudabile opus est. Eadem est similitum ratio. Quæ Nouatores, odio veræ religionis cæci, non perpendētes, instar brutorum, rationis expertium, in Catholicos irruunt; & ita fatuantur, quasi necesse sit, vt secundum suam speciem, malum & improbandum sit omne illud, quod ab Ethnicis olim in indiuiduo malè & sacrilegè actum est. Quæ amentia posita, vix quidquam in religione, vel etiam in rebus ciuilibus, saluum ac incolume persister.

Vociferatur Prædicans: *cultum externum Dei, instituendum esse conformiter verbo diuino.* Quis nescit? omnis cultus diuinus ita conformari debet, vt à verbo Dei non discordet. At necdum ostēdisti, cultum externum Ecclesiæ Catholicæ vsitatum, verbo Dei aduersari. Tu dicis aduersari; At non probas: Tantum clamitas. Nec vt verbo Dei consonet, necesse est, vt à verbo Dei præcipiatur; alioqui cultus, quem B. David Deo in Translatione Arcæ detulit, verbo Dei consonus non fuisset; quia in nullo scripturæ libro legerat David, vt Arcam iis cæremoniis transferret, quibus eam bis transtulit: idemque de Salomone intellectum volo.

Oggerit Prædicans. Tertullianum in Apologetico noluisse, ut Christiani sui temporis, festos dies, Ethnicorum more, ritibus & caremoniis supersticiosi celebrarent. Idem nobis hodie est animus; idem sensus, ô Calvini de grege præco. Nullos Ethnicorum festos dies celebramus. Nullos ritus supersticiosos adhibemus. At tu aliter iudicas. Quid nobis cum obstipo tuo iudicio? Vnde etiam processit hæc deliratio. *Fugere nunc & odisse debemus Festa Iudaica, quæ tamen Deo aliquando fuerunt grata: Ergo multo magis nunc fugere debemus Festa Ethnica, quæ Deo nunquam fuisse grata.* Quò abriperis, Calvinista? Quis ex Catholicis festa vel Iudaica vel Ethnica celebranda esse dicit? At tu festa nostra pro Iudaicis vel Ethnicis habes. Id verò susque deq; habemus; quia nec tantus es, nec tanti, ut tuum iudicium Festa nostra verè Christiana in Iudaica vel Ethnica transformare queat. Quapropter frustra obtrudis Canonem Concilij Turonensis, qui iubet, *ut ij ab Ecclesia repellantur, nec participare sancto Altari permittantur, qui gentilium observationes custodiunt.* Quid hoc interdictum ad nos? Quid insuper ad nos illa tua deliria? Deus in veteri Testamento prohibuit Iudeis, ne imitarentur ritus Gentilium; ergo eosdem imitari iam quoque nefas erit. Quis dubitat, si loquamur de ritibus gentilium, quæ Ethnici, idololatrici & supersticiosi sunt? Æquè iam ac olim fugiendi sunt. Neque iis se contaminat Christi sponsa Ecclesia: & verba illa tua (si tamen verba, & non potius insani pectoris recrementa) *Papista caremonias & ritus supersticiosos & idololatricos ab Ethnicis mutuati sunt: nil aliud sunt, quàm mendacia: ut & hæc sequentia: Papistas, hos Ethnicos & idololatricos ritus transferre & convertere non ad solius*

Dei

Dei honorem, sed ad cultum superstitiosum & idololatri-
cum, nempe ad invocationem & religiosum cultum sancto-
rum mortuorum. Trivialia hæc sunt & vana. Millies
decantata nunquam probata; quibus accense et-
iam illa: Nos omnem cultū in Festo corporis Christi exhibe-
re pani. In Monstrantia nil nisi panem esse. Nos eodem
sensu dicere: hoc vel illud esse templum B. Virginis, S. Petri,
S. Stephani, quo olim Ethnici dicebant: hoc vel illud esse
templum Iouis, Martis, Mercurij: Quæ omnium scur-
rarum & sannionum Hæreticorum ore & calamo
iam pridem trita & peruulgata sunt: Nam Ecclesiæ,
quæ consecrantur cœlitibus, non consecrantur illis
vt Dijs, sed vt Dei amicis.

De votis, quæ Calvinista garrit, friuola sunt, &
tali deliratore digna. Potuisset, si discere, nō calum-
nari lubuisset, ex Bellarmino, quem citat, discere,
aliter vota fieri Deo; aliter sanctis; & solum votum
Deo factum, actum & cultum latriæ centeri debere,
non autem votum factum Sancto; multoque minus
homini vivo, vt Prælato: vt taceam alia responsa;
quæ ad difficultates circa hæc vota Bellarminus ex
S. Thoma & Caietano adducit. Itaque Moniales
nostræ ingenti discrimine secernuntur à priscis illis
Vestalibus; quia istæ suam virginitatem vouebant
idolis: nostræ, vero Deo: interdum & B. virginis; vel
alteri Diuo; sed hic vouendi actus specie à priore illo
differt, quia ad Duliam seu Hyperduliam pertinet.

Quærit Calvinista, vndenam cæremonias & ri-
tus nostros in Festo corporis Christi vsurpari solitos
habeamus. Certè, inquit, *vel ex verbo Dei, vel ex In-
daismo, vel ex Ethnismo, vel ex vestro cerebro.* Re-
spondeo, nos ritus & cæremonias istas accepisse ab

illa, quæ est columna & firmamentum veritatis, nempe à Catholica Ecclesia; quam Spiritus sanctus inducit in omnem veritatem, neq; à verbo Dei seu scripto, seu tradito, eam abduci sinit; nam quod præterea Hospinianus adiungit, *Iudeos caeremonias suas à Deo accepisse, hoc est, à singulari & expresso mandato Dei*; quæro, ubinam Deus singulariter & expressè præceperit Dauidi & Salomoni, ut in Translatione Arcæ eas caeremonias adhiberent, quas eos adhibuisse diuina scriptura prodidit? Quælo, monstra tandem locum, toties iam desideratum.

Caluicola in Centone suo de Festis impudenter hæc verba effutiuerat *Nihil hic, (in Cereris Pompa, & amburbalibus, ambarualibusq; sacris) obseruatum ab Ethnicis legimus, in huius Deæ sacris ac Pompa, quod à Papisitis non sit ad vnguem expressum, in hac, qua de nunc agimus pompa, hoc est, in Festo corporis Christi. Quæ cum aper tissimæ vanitatis redarguissem, & conuicissem; miserabile nunc effugium quærirat, nimirum, se non absolutè & simpliciter, sed secundum quid locutum esse. Videat & iudicet lector an non, dum prius mendacium Calvinista excusare nititur, nouo sese obstringat? An non absolutè & simpliciter loquitur, qui dicit; *Nihil in Cereris sacris obseruatum ab Ethnicis, quod à Papisitis in Festo corporis Christi ad vnguem non sit expressum. An non denuo, haud secundum quid, sed absolutè & simpliciter mentitur; qui verba illa non absolutè & simpliciter, sed tantum secundum quid pronuntiata fuisse dicit? Nec iuuat te, quod ex Rufino (tu Cyprianum nominas) in explicatione symboli adfers; Exempla non in omnibus, his, quorum exempla sunt, esse similia: nam tu prædicta verba non protulisti*
*similitu-**

similitudinariè, vt ita loquar, sed absolutè. Si ego describerem coruū, & postea subijcerè: nihil in coruo obseruari posse, quod ad amullim non sit expressum in anserè vel anate: an non mentirer? An per rimulam allatæ similitudinis elabi possem? nullo modo. Simile præsidium, inane videlicet & ficulnum, petis à vocola *Nihil*, quam dicis, *non semper vniuersim capì*; item ab illa: *ad vnguem*; nam nec huius sensum *semper esse vniuersalem*. Frustrà te torques, ô Calvinista. Verba tua & mens tua, nimis sunt perspicua: Frustra fucum allinis. Est quidem quisque Interpres verborum suorum: sed num semper candidus & verax? Num vis, vt contra experientiam mihi persuadeam, vafram vulpem verba sua sincerè interpretari posse?

Fertur aliquando Eucharistia circū agros & segetes, tutelæ & præsidij causâ. *Dic obsecro Monache*, inquit Calvinisequa, *quosnam in his processionibus imitari?* Num fidem habebis, si Monachus id te doceat? Fac ergo te auritum, & vacuam mentem adfer. Nos hoc in more imitamur omnes illos Christianos, qui firma fide credunt, Christum Dominum, siue extra, siue intra sacramentum, credentibus in se, posse esse præsidio, subsidio, & adiumento, tum vt bonadiuinitus concedantur, tum vt noxia auertantur & propulsentur non tantum ab animabus & corporibus, sed etiam à rebus externis, quibus ad vitæ sustentationem egemus.

Præcedebat olim Arca Dei tutelæ causâ, castra Israelitarum: qua ad iter eleuata, clamabat Moyses, vt capite 10. Numerorum scriptum est: *Surge Domine, & dissipentur inimici tui, & fugiant, qui oderunt*
te,

te, à facie tua. Eadem Arca hæc debellandis hostibus Hierichuntinis septies circum muros gestata est. Eandem in castris secum habuit Ioab contra filios Ammon dimicans. Eandem suam in civitatem, transtulit David; cur, nisi benedictionis gratia? Eadem Arca benedictione complevit domum Obed Edom, & omnes facultates eius, qua cœlestis gratiæ vbertate permotus David, properavit, ut Arcam, quàm primum in Sion transportaret. Si ex circumlatione & præsentia Arcæ legalis, in qua erat Manna, typus sacratissimæ Eucharistiæ, tantum utilitatis nõ tantum ad ipsos homines, sed etiam ad res & facultates hominum redundabat; quis tam stupidus erit, præter stupidos Berengarianos, qui non intelligat, longè plus commodi expectandum esse ex præsentia & circumgestatione eius Arcæ, in qua Christus, verè, realiter & substantialiter præsens est?

Corruerunt muri Hierichuntini ob circumlationem Arcæ; & quando Israelitis iter facientibus, præportabatur; dissipabantur hostes & fugiebant, qui oderant Dominum, à facie Arcæ. Et nos ambigemus, num gestato circum segetes venerabili sacramento aëriæ potestates; frugibus terræ insidiantes, loco cessuræ sint, præsentia Christi fugatæ, ne ex odio erga mortales, spem anni maleficijs suis intercipient. Arca Dei benedictionem peperit domui Obed Edom, & omnibus possessionibus eius: Et Christus in Sacramento, agris, qui sunt quasi hominum nutritores, benedictionem importare non poterit?

In libro Numerorum capite 6. isthæc legimus,
Loquiturque ei Dominus ad Moysen dicens; loquere Aaron

&

& filijs eius: sic benedicetis filijs Israel, & dicetis eis: Benedicat tibi Dominus, & custodiat te: ostendat Dominus faciem suam tibi, & misereatur tui. Conuertat Dominus vultum suum ad te; & misereatur tui. Inuocabuntque nomen meum super filios Israel, & ego benedicam eis. Scilicet ad hæc verba ab Aarone & filijs eius pro populo pronuntiata, benedictionem dedit Deus; & nos benedictionis expertes esse sinet; quando ipse vnigenitus filius adest, proque nobis vel tacite, vel etiam, expresse Patri, eadem vel simili forma, tanquam summus Sacerdos supplicans ait: *Benedicat tibi Dominus & custodiat te*, &c. vel, vt olim Isaac filio suo. Genesis 27. *Det tibi Deus de rore cæli, & de pinguedine terræ abundantiam frumenti & vini.*

Satyro D. Ambrosij fratri, Eucharistia Oratio inclusa, in extremo vitæ discrimine, Præsidio & salutis fuit: qui, vt ait S. Ambrosius in Oratione, qua fratri suo parentauit: *priusquam perfectioribus esset initiatus mysterijs, in naufragio constitutus, cum ea, qua veheretur nauis, scopuloso illisa vado, & urgentibus hinc atque inde fluctibus, solueretur, non mortem metuens, sed ne vacuus mysterij exiret è vita, quos initiatos esse cognouerat, ab his diuinum illud fidelium sacramentum poposcit, non vt curiosos oculos infereret, arcanis sed vt fidei sue consequeretur auxilium. Etenim ligari fecit in Orario, & Orarium inuoluit in collo; atque ita se deiecit in mare, non requirens de nauis compage resolutam tabulam, cui supernatans, iuaretur, quoniam fidei solius arma quasierat. Itaque his se tectum atque munitum satis credens, alia auxilia non desiderauit. Simul fortitudinem eius spectare licet, qui satiscenter migro non quasi naufragus tabulam psumpsit, sed quasi fortis ex seipso adminiculum sua vir-*

H

tutis

tutis assumpserit. Nec deseruit spes, nec fefellit opinio. Denique primus servatus ex undis, & in portum terræ stationis euectus, præsulem suum, cui se crediderat, recognovit, statimque, &c. Dei Ecclesiam requisivit, ut ageret gratias liberatus, & mysteria æterna cognosceret, pronuncians nullum referenda gratia maius esse officium. Hæc S. Ambrosius.

Ex cuius relatione liquet, hunc fuisse Christianis iam baptisate tinctis morem, ut aduersus naufragij pericula Eucharistiam secum deferrent: nam Satyrus nauim ingressus, non tulerat secum hoc sacramentum: sed in discrimen vitæ cum alijs adductus, petijt illud ab ijs, qui iam baptismum susceperant; nec frustra petijt, ut ex S. Ambrosio audiuius. Si ergo Eucharistia naufragantibus salutis fuit, in primis Satyro; cur religiosè per agros gestata non posset esse tutela & benedictio frugibus, ne quid detrimenti capiant à tempestatibus, vel sceleratorum hominum veneficijs? Omitto plura huius generis exempla, quibus perspicuè ostenditur, Christianos haud inaniter multum spei ac fiduciæ in sacratissimo hoc mysterio collocare.

Dixeram. Non peccasse Ethnicos, quod sacrificauerint: sed quod sacrificauerint Cereri; Ioui, Marti. Nec peccasse quòd præsidium & tutelam frugibus quæsiuerint; sed quòd quæsiuerint à Cerere, alijsque idolis, vel potius Dæmonibus. Prædicans imperitissimè occlamat: istos etiam sacrificando peccasse; quod à forma & caremonia sacrificandi à Moysè præscripta recesserint. Et hoc simili insipientia

piencia aliquoties repetit: cum tamen certum sit, legibus & ritibus Mosaicis, quatenus tales, non obligatos fuisse, nisi Hebræos; non autem illos populos, qui extra synagogam vivebant; Isti enim lege naturali ducebantur & regebantur; Itaque secundum præscriptum legis naturalis sacrificia sua instituere ac perficere poterant; ut etiam factum, à sanctis patribus Noë, Abraham, Isaac, Jacob, alijsq; priusquam Moyses Iudæis legem daret, omnesque ritus sacrificiorum minutatim præscriberet; à quorum norma Iudæis nefas erat discedere, non autem alijs extra Hebræorum Rempublicam, quandoquidem huius decretis & institutis minimè tenebantur.

Itaque si Prisci, qui Cereri, Ioui, Neptuno, Marti, &c. sacrificabant boues & oves, ut eos placarent, vel ab eis beneficij quidpiam impetrarent; has res vero & vnico Deo immolassent, tam parum sceleris admisissent, quam parum sceleris admiserunt alij, qui sub lege naturæ huiusmodi res vero & vnico Deo immolarunt: Et quidquid Calvinianus contra detonat, id nihil est aliud, quàm merum rus, & rudissima inscitia. Neque ego vnquam aut excusavi, aut excusaturus sum Iudæos, aliter & alibi, quàm Deus per Moysen præceperat; sacrificantes; quia ipsi ad vnguem obseruare debebant, quidquid lex iubebat, neque inde vel ad dexteram, vel ad sinistram declinare licebat. Hoc dico, alios extra synagogam his legibus non fuisse subiectos. Et ipsos Iudæos, si quando Dei & legis obliuati populos extra synagogam deflecebant, non ad illos deflexisse, prout sua sacrificia, licitè in-

honorem vnius & veri Dei peragere poterant, sed vt hostias & victimas immolabant Baalim, Astaroth, Chamos, Moloch, Beelphegor, & idgenus alijs idolis, vel potius Dæmonijs. Quorum impietatem scriptura meritò toties & tam grauitè detestatur & insectatur.

C A P V T I X.

Defenduntur & explicantur dicta sanctorum Patrum de adoratione Eucharistia.

VT Calvinista chartas commaculet, verbosissimè de adoratione Eucharistiaë declamitat: & accitis ex Rhapsodia Sacramentariae suae historiae omnibus copijs, iam olim contra Bellarminum productis, easdem hic denuo recenset ac instaurat, euertere conans, sed inani conatu, quidquid Bellarminus hac de re disseruerat.

Principiò negat hanc consequentiam. *Christus est adorandus, ergo in sacramèto est adorandus.* Atq; vis huius consecutionis tã est euidens, vt tuis antecessoribus, Prædicantib; Tigurinis in Apologia contra vltimã Lutheri confessionè, veritatis hanc confessionè extorserit. *Si in cæna Christus verè & corporaliter p̃sens est, cur ibi non adoraretur? Cur id non adoraretur, quod ibi est, non sacramentaliter tantùm, sed verè etiam est corpus Christi? Cum verum Christi corpus tangeret Thomas, in genua procidit, illum adorauit & dixit: Domine mi, & Deus meus. Et discipuli Dominum ante & post Ascensionem adorarunt Matth. 28. Act. 1.* Verè si doceremus, pa-
nem

nem Domini esse naturale verum corpus Christi, vellemus id cum Papistis diligenter & fideliter adorare. Hæc Tigurini, Maiores & antecessores Hospiniani; quibus, vt vides, consecutio illa proba & probata fuit, vt & Beza, in Apologia ad Acta Conuentus Torgensis, pro ut allatis Beze verbis docui in Summula Casuum Conscientia Lutherana & Calviniana, in Quæstionibus de Eucharistia.

Quæ ex Simone Litho seu Stenio Miseno recitas, iam pridem in Panegyrico Misenico difflauit; cuius inscitia & imperitia nunquam efficiet, vt in Eucharistia habeamus non verum, reale, naturale & substantiale corpus Christi, sed *phantasma* quoddam, vt tu blasphemias. Istud nobis longè citius persuadebitis, vos nec rationem substantialem & naturalem corporis, nec quantitatis veram notionem comperitam habere, adeò insulsè & ineptè in hac disceptatione versari soletis: nam quid te iuuat Bellarminus, qui dicit, Christum in Eucharistia non existere *per modum corporum*, sed *per modum spirituum*? An ideo sequitur, in Eucharistia non esse verum, reale, & substantiale corpus Christi, quia corpus Christi in hoc sacramento nō existit per modum corporeum, hoc est, non *quantitatiuè* seu *circumscriptiuè* in loco? An corpus, saluâ suâ essentiâ & naturâ aliter existere nō potest, nisi *circumscriptiuè*? Vos quidem Zvinglicolæ & Sacramentisperdæ ita perditè sentitis. Sed hoc ipso vestro sensu satis ostenditis, quàm ab omni interiore philosophica cognitione deserti ac destituti sitis.

Nec plura de hoc: vt nec de effronte illo tuo mendacio, patres, quos magno numero, imposturæ faciendæ causâ, conglobas, docuisse; Christum *realiter*

& substantialiter non esse in sacramento: aduersus quam impudentiam Lector paratū Antipharmacum habet in instructissima officina Bellarminiana. Do- buerunt enim, Sacramentum & Christum in Sacra- mento esse adorandum; agnouerunt ergo Christi in Eucharistia praesentiam. Conatur quidem Caluinia- na sapia atramentum offundere & affundere, sed it- rito nisu.

Primum locum apud Bellarminum lib. 4. de Eu- charistia cap. 29. tenet S. Dionysius Arcopagita cap. 3. Ecclesiast. Hierarch. p. 3. qui sacramentum hoc his verbis alloquitur. ἄλλ' ὃ θεοτάτη καὶ ἱερὰ τελετή, τὰ περι- κείμενά σοι συμβολικῶς ἀμφιέσματα τῶν αἰνιγμάτων ἀποκα- λυφάμεν, τηλαυγῶς ἡμῖν ἀναδείχῃ καὶ τὰς νοεῖας ἡμῶν ὁφείας ἐννοίας καὶ ἀπεριπαλύγῃς φωτὸς ἀποπλέωσον. Verum, o diui- nissimum sacrumque mysterium (seu sacramentum) de- positis enigmatum indumentis, quibus symbolicè circumda- ris, perspicuè te nobis ostende, & mentis nostrae oculos singu- lari, & quod obtegi nequeat, lumine comple. Mirum certe foret, si θεοτάτη καὶ ἱερὰ, & ut à B. Dionysio paulò su- perius nominatur, ἱερωτάτη τελετή non esset adoran- da. An adorari non potest id, quod est diuinissimum & sanctissimum sacramentum? Nunc fraudes Caluinisti- cas videamus. Primò τελετήν vertit caeremoniam; (sycō- phanticè prorsus. Nam mysterium seu sacramentum verti debere; res ipsa loquitur. Quis enim sensus es- set; O diuinissima & sancta caeremonia, depone vestimenta enigmatum, quibus symbolicè amictis, & palam te nobis ostēde, &c. Caeeremonia actionem denotat: at id quod S. Dionysius compellat; res est permanens & con- stans, enigmatum operimentis cooperta, quam ro- gat, ut depositis istis symbolicis tegumentis, conspi- quam

eum sese nobis exhibeat. Num hæc in cæremoniam seu actionem aliquam competunt?

II. Producit Calvinista Pachymerem., B. Dionysij Commentatorem., eumq; Bellarmino opponit. Respondet pro nobis Pachymeres, inquit Calvinista, sic interpretans verba Dionysij. Affatur illam tanquam rem animatam. Et merito: quemadmodum & Theologus Magnus Gregorius ait: *O magnum & sanctum Pascha*. Hactenus rectè. Nunc audi imposturas Calvinisticas. Et eiusmodi sacrum mysterium ipse est Dominus noster Iesus Christus, ad quem loquitur sanctus. Peruersè simul & sceleratè. Nā Pachymeres ita scribit. τὸ ἡμέτερον γὰρ πᾶσχα, καὶ ἡ τοιαύτη ἐστὶν τελετὴ αὐτοῦ ἐν ᾧ κύριος ὁ ἱερός Χριστός, πρὸς ὃν ποιῶμεν τὸν λόγον ὁ ἅγιος ἵνα ἀποκαλύψῃ τὰ ἀμυστήματα, καὶ ἵνα ἀποπληρώσῃ τὴν ἐν αὐτῷ φωνήν. Quæ latine ita sonant. *Pascha enim nostrum, & hoc sanctum sacramentum, est ipse Dominus noster Iesus Christus, quem sanctus (Dionysius) alloquitur, ut opera deponat, & mentes singulari luce compleat.* Hæc Pachymeres: vbi manifestè assertit, ut Pascha nostrum est ipse Christus; ita hanc ἐστὶν τελετὴν, hoc sacratissimum sacramentum, esse ipsummet Dominum nostrum Iesum Christum, & ad hunc Dominum nostrum Iesum Christum, orationem suam instituere; ut depositis ænigmatum velamentis (hoc est, externis Eucharistiæ speciebus) palam se nobis exhibeat.

Nunc lectorem statuere volo, quid de Calviniano isto impostore statuendum sit; præsertim cum sequentia verba Pachymeri impudentissimè adscribat; quæ in Pachymere non comparent. Ad quem? (loquitur S. Dionysius) *hoc est, ad eum, qui in calis est,*

non

non ad illud, quod in mensa coram iacet. Hæc verba non sunt Pachymeris, sed ab Hospiniano sceleratè simul & imperitè conficta sunt. Sceleratè, quia impiam sententiam Pachymeri affingit. Inspiciat lector Commentarium Pachymeris Parisiis Græcè excusum Anno 1562. Si prædicta verba inuenerit; libenter Caluinistam ab impostura absoluam. Imperitè etiam verba illa confinxit; quia Christus in cælo non est reclusus obscuris ænigmatum inuolucris & indumentis, sed facie ad faciem cernitur. At Christus in hoc sacramento existens ἀμφιέσμοσι τῶν ἀινυμάτων *Operimentis ænigmatum*, hoc est, speciebus accidentalibus panis & vini symbolicè circumdatur.

Obiicit Caluinista. Paulò antè dixerat Dionysius: *Ingrediamur ab effectis ad causas*: hoc est, eodem Pachymere Interpretè, ab iis, quæ visibiliter celebrantur, ad inuisibilia & mystica. Dicat hoc B. Dionysius, cuiusque dictum, ita, ut tu dicis, Pachymeres explicet. An ideo priorem Pachymeris locum nefariè & indoctè non corrupisti? An ideo Christus non est præsens in Eucharistia seu in hoc diuinissimo & sacratissimo mysterio? Minimè verò, Hoc enim vult S. Dionysius; ut ab effectis, hoc est, à speciebus Eucharisticis externis panis & vini progrediamur ad ipsas causas, hoc est, ad inuisibilia & mystica, nempe ad ipsum Christum sub his speciebus comprehensum, non enim vult, S. Dionysius, ut, quod multi faciunt, in sola externa symbola, seu solas species Eucharisticas quæ sub sensum cadūt, intueamur, sed iubet, ut relictis *propylæis*, seu vestibulis (sic species externas appellat) in ipsa adyta, hoc est, ad ipsum Christum sub illis speciebus contentum, ingrediamur; ut facit Antistes, qui, ut ait
D. Dio-

B. Dionysius, semper fertur spirituali mentis oculo
 πρὸς τὰς ἀγίας τῶν τελευτῶν ἀρχάς. Hoc est, interprete
 Pachymere, πρὸς αὐτὸ τὸ τῷ κυρίῳ τίμιον σῶμα καὶ αἷμα,
 πισυνών, ὅτι καὶ τὰ προκείμενα εἰς ἐκείνα μεταβλήσαντες τῷ ἀγίῳ
 καὶ παντὶ ἁγίῳ πνεύματι, in ipsum Domini pretiosum corpus
 & sanguinem, credens, panem & vinum, vi sancti & omni-
 potentis spiritus in corpus & sanguinem Domini conuersa
 esse.

Eat nunc cum sua Glossa Caluinisequa, & Anti-
 stitem semper ad Deum respicere aiat; Quamquam & ad
 Deum respiciat; quia ad Christum; verum vt sub ex-
 ternis illis symbolis intimè præsentem. Quocirca in
 nebulas abit illa Caluinicola perçotatio. Si verò Chri-
 stus in signo, aut sub signorum accidentibus, cur non ad illa,
 sed alio respicit? Respicit vtique etiam ad symbola, sed
 in illis gradum non figit, quia progreditur ad Chri-
 stum sub illis symbolis intimè præsentem; vt antea
 dictum.

Transcensio Clemente Romano, quem Bellar-
 minus protulerat, confert se Caluinista ad Orige-
 nem. qui Homilia Quinta in diuersa loca Euangelij
 ita scribit: Quando sanctum cibum, illudque incorruptum
 accipis epulum, quando vitæ panem & poculo fruëris, mandu-
 cas corpus & sanguinem Domini; tunc Dominus sub testum
 tuum ingreditur. Et tu ergo humilians temetipsum imitare
 hunc Centurionem, & dicito; Domine, non sum dignus,
 vt intres sub testum meum.

Respondet Caluinista: In his verbis Origenes nul-
 lam prorsus mentionem, vel adorationis Sacramenti, vel
 realis & corporalis præsentia Christi, facit. Quid ergo vo-
 lunt sibi ista verba? Manducas corpus & sanguinem Do-
 mini. Num absentis corpus manducari, & sanguis bi-

bi potest? Num potest manducari & bibi corpus & sanguis absens? Quid item sibi volunt illa verba? *Tunc Dominus sub tectum tuum ingreditur.* Num Dominus absens sub tectum tuum ingredi potest? At tu *Tropista*, ad Tropum confugies. Verum nos verbis Origenis, prout sonant, constanter inhaerebimus, & te cum tuis tropis ad *Tropicū Capricorni* abire iubebim?; praesertim cum Origenes, clarè dicat, eum Dominum in communione sub pectoris tui penetralia intrare, quem olim Centurio deprecabatur, ne domum suam subiret, quod se hoc tanto honore indignum reputaret.

Deinde, quid verba illa sibi volunt? *Et tu ergo humilians te metipsum, imitare hunc Centurionem, & dicito: Domine non sum dignus, &c.* Obsecro, quid est adorare, nisi se coram Christo deiicere, submittere, & interius exteriusq; humiliare, illius maiestatem extollendo & praedicando; nostram verò vilitatem & abiectam conditionem agnoscendo?

Occidit Calvinista. Ex Origenis sententia, *Christū ita in cōmunionē sub tectū nostrū intrare, sicuti intrat, quando Antistes Ecclesiae domū nostram ingreditur; at in hoc casu Christus non ingreditur domū nostram realiter; ergo nec in cōmunionē.* Respondeo, Maiorē esse fatuam, & apertè contra Origenis mentē: nam ipsemet modum, quo intrat Christus per antistites, & vicarios suos, distinguit à modo, quo intrat in Eucharistia; & priorem illum indicat esse Metaphoricū; posteriorē verò proprium & realem: subdit enim; *ubi ad indignum ingreditur, per summptionem scilicet Eucharistiae; ibi ad iudicium intrare accipienti.* At Origenes nuspiam dixit, quando Christus per antistites & sacerdotes ingreditur

ditur ad indignum, ingressum illum ei, ad quem ingressus sit, cedere in iudicium & exitium. Cur, nisi quia hic ingressus est tantum metaphoricus; Ille autem in Eucharistia realis & substantialis? Nec nisi de Eucharistico ingressu monuit Origenes, ut nos, exemplo Centurionis, humiliemus & abiiciamus: dicentes; *Domine non sum dignus, &c.*

S. Cyrillum Hierosolymitanum à Bellarmino adductum transilit Caluinicola, hoc saltem loco, & eo, quo à Bellarmino positus fuerat, fortè quia videbat verba eius clariora esse, quàm ut vlllo glossemate assuto eludi possent. Itaq; ad S. Ambrosium se confert: qui lib. 3. de Spiritu sancto cap. 12. tractans illud Psalmi; Adorate scabellum pedum eius, dicit: *Scabellum caro Christi est, quam hodie quoque in mysteriis adoramus, & quam Apostoli in Domino Iesu adorarunt.*

Respondet Caluinista: *Ambrosium non dicere; nos mysteria, aut carnem Christi substantialiter presentem, & realiter comprehensam seu contentam in mysteriis adorare; sed Christi, inquit, carnem adoramus in mysteriis, nimirum in celebratione mysteriorum, fidei oculos & corda sursum erigentes, ubi Christus sedet ad dexteram Patris. Quæ responsio nihil aliud est, quàm putida cauillatio: Nam S. Ambrosius docet, Christum seu carnem Christi in mysteriis, hoc est, in Eucharistia, peculiari quodam modo adorari, qui extra mysteria non sit vilitatus; At ut quis mente ad Christum assurgat, eumque per fidem veneretur ac colat, id in cuiusvis rei usu, & tã in pane & vino vulgari, quàm in Caluiniano locum habere potest; & eò magis, quò panis est delicatior, vinumque sapidius. Neque illud; in mysteriis: ad homines referri debet; sed ad carnem Christi, in myste-*

riis illis *existentem*; vt patet cum ex aliis S. Ambrosij locis, quibus realem carnis Christi in Eucharistia præsentiam euidenter adstruit, prout videre est apud Bellarminum lib. 2. de Eucharistia cap. 14. tum quia S. Ambrosius peculiari quodam modo carnē Christi in Eucharistia adorari significat: qui peculiaris modus in eo consistit, vt caro Christi in *mysterio* adoretur præsens, quemadmodum olim ab Apostolis præsens adorata est; nam vt adoretur absens, per eleuationem mentis in cælum, id vbique fieri potest.

Obstrepit Calvinista: *Hieronymum scribere*; *Paulam adorasse Christum in præsepi: se verò in sepulchro*. Addit Chrysostomum homil. 14. in Marcum, vbi dicit: *Nos corpus Christi in baptismo adorare*. Nec tamen sequitur, *corpus Christi tum vel in præsepi vel in sepulchro substantialiter & realiter præsens fuisse, vel nunc in baptis- mi Sacramento substantialiter præsens adesse*.

Respondeo, fieri quidem posse, vt Christus in signo seu ipsano aliquo suo, etiam absens, adoretur, vt prædicta exempla ostendunt, & liquet id etiam in cultu ciuili, Regum ac Principum, quos sæpe veneramur audito vel nomine, vel visa eorum effigie; sed hoc responsum, vel potius effugium, hic non habet locum: quia S. Ambrosius docet, carnem Christi in Eucharistia sic adorari, prout adorata est ab Apostolis Matth. 28. Et a Maria Magdalena; his enim exemplis vtitur, sed isti adorarunt carnem Christi, vt præsentem; ergo in Eucharistia adoratur quoq; eadem caro, vt præsens, non tantum, vt in signo seu symbolo, præsertim cum alibi S. Ambrosius apertissime affirmet; Christum in Eucharistia realiter præsentem esse,

esse, vt pluribus testimonijs allatis docet Bellarminus loc. cit.

Quod autem Ambrosius disertè non dicit, *ipsa mysteria esse adoranda*: non obstat: nam qui dicit, Christum *in mysterijs* esse adorandum, is etiam tacitè indicat, ipsa mysteria, sub quibus Christus continetur, esse adoranda: sicut qui dicit Regem sub purpura, & corona colendum, is etiam dicit coronam & purpuram Regis esse colendam, licet per accidens. Hactenus de S. Ambrosio.

Eusebium Emislenum tacitus præterit Caluiniſta. Ad Theodoretum properat; qui Dialogo secundo ita scribit. *Neque enim signa mystica post sanctificationem recedunt à sua natura. Manent enim in prior substantia, & figura, & forma; & videri & tangi possunt, sicut & prius; intelliguntur autem ea esse, quæ facta sunt, & creduntur, & adorantur, vt quæ illa sunt, quæ creduntur.* Respondet Caluiniſta. *Non posse ex verbis Theodoreti colligi ullam præsentiam corporis Christi in Eucharistia; multò minus conuersionem substantiæ panis & vini in corpus & sanguinem Domini.* Respondeo, hic iterum Crassus noster ipsa vocabula *Transselementationis, Transsubstantiationis, & conuersionis* desiderat, desideraturus fortè etiam vocem *Trinitatis*, in scripturis; vt Trinitatem esse, sibi persuadeat. An non vides rem ipsam in Theodoreti verbis? In illis, inquam, verbis: *Intelliguntur autem* (symbola externa, seu species Eucharisticæ) *ea esse* (quoad substratam scilicet substantiam) *quæ facta sunt; & creduntur, & adorantur, vt quæ illa sunt, quæ credantur*: hoc est; sub externis illis symbolis intelligimus ea esse, nempe corpus & sanguinem Domini; in quæ conuersa sunt;

& hoc credunt fideles; & quia credunt esse illa, nempe corpus & sanguinem Domini, ideo adorant.

Occidit Calvinista. *Prædicta verba in Theodoret's Dialogo, esse verba collocutoris Hæretici, cum quo Theodoretus disputat.* Respondeo, si sunt verba Hæretici, cur ergo priorem illorum partem adeo frequenter, & insolenter Calviniani inculcant? Secundò licet sint verba Hæretici, non tamen sunt hæretica; nec à Theodoro, tanquam hæretica, refutata fuere, quia ex cominuni omnium orthodoxorum de hoc Sacramento sententia, desumpta erant: neque necesse est, ut quidquid loquitur hæreticus, hæreticum sit; alioqui etià hæc propositio: *Deus est trinus & unus*; hæretica foret, quia non semel ab Hæreticis? Luthero, Caluino, & Beza asserta est. Neque Belarminus verbis Theodoret's quidquam assuit, ut calumniatur Calvinicola; sed mentem Theodoret's explicat, tam clarè, ut veritatis perspicuitas, miserum Calvinistam à posterioribus verbis ad priora repulerit, & ut hunc claudicantem syllogismum texeret, impulerit. *Oportet Typum similem esse veritati. At mystica symbola corporis & sanguinis Christi post sanctificationem à propria sua essentia non recedunt. Ergo nec corpus ipsum assumptum à Deitate à propria essentia recessit.*

Respondeo, multos fore, quibus maior propositio, generatim, ut à te profertur, admodum difficilis creditu futura sit; dicent enim mirabilia *corollaria* seu *confectaria* inde sequi: nam hirci, boues, oves, arietes qui in veteri Testamento immolabantur, erant typi Christi Redemptoris nostri labentibus annis in ara Crucis immolandi. Num isti simili-

les

Ies Christo? sed dissimulemus hanc similitudinem, eamque in analogia & proportionem quadam non in vniuoca parilitate consistentem, non tecum qui eam non intelligis sed cum Theodoretō, agnoscamus: Ad minorem Respondeo; eam esse veram, de mysticis symbolis Eucharisticis accidentalibus, vt de quantitate, colore, & id genus alijs externis speciebus panis & vini quæ post consecrationem non mutantur, quia quoad substantiam hoc est, essentiam & naturam suam; item quoad formam & figuram suam externā non variantur, sed videri & tangi possunt, sicut & prius: nō autem verā esse, si sensus sit, nullā penitus mutationē, etiam inuisibilē, circa hæc externa symbola accidere; nam antea verē inhærebant substantiæ panis, & vini, cum ea habitudine, quam accidentia ad subiectum inhæſionis habere solent. At post consecrationem hæc inhæſio desijt, & noua habitudo, ad Christum, sub illis speciebus intimē iam existentem, quamuis non vt ad subiectum inhæſionis accessit: quam mutationem adeo non negauit Theodoretus, vt eam apertē indicauerit, cum ait; *Intelliguntur autem symbola (ista externa) ea esse, quæ facta sunt, nempe per consecrationē.* Aliquid ergo iam sunt, quod antea non erant, ergo aliquam mutationem subierunt. Et creduntur symbola ista aliud facta esse; & propterea adorantur; & quare adorantur? *Quia creduntur esse illa. Quæ? Corpus & sanguis Christi. Nam post sanctificationem appellantur illa symbola corpus & sanguis Christi,* inquit Theodoretus, sicuti ante consecrationem propriē vocabantur panis & vinum. Neque reprehendit Theodoretus Eranisten, persona interlocutoris in illo

illo Dialogo fungentem; quod dixisset; *symbola post consecrationem mutari*; sed quod ea mutari; contra manifestam experientiam, vniuersaliter asseruisset; vt inde errorem suum de mutatione humanæ naturæ Christi in diuinam stabiliret.

Vide autem, quàm frigide & friuolè adorationem eludere tenter Calvinista. Theodoretus vtitur verbo προσκυνῆται, non λατρεύεται. Quid rum? An προσκυνῆν non est adorare, sumpta etiam adoratione propriè & strictè pro cultu soli Deo debito? An Magi Matth. 2. non adorarunt Christum? Quam adorationem audi quo vocabulo exprimat Euangelista. καὶ προσκύνησαν αὐτῷ. Et ad Hebr. cap. 1. καὶ προσκυνήσάτωσαν αὐτῷ πάντες ἄγγελοι θεοῦ. Et adorent eum omnes Angeli Dei.

Secundo dicit Calvinista: *In sacramentis non esse attendendum quid sint, sed quid significant.* Vnde iste nobis cum nouo hoc suo axioma prodit? Siccine, in Baptismo & Eucharistia considerandum non est, quid sint, sed tantum quid significant? Tollantur ergo omnes definitiones & descriptiones Sacramentorum; Nil disputetur de sacramentorum materia & forma. Quod si *essentia* sacramentorum in sola significatione consisteret, non tamen id quod effusi uisti, effundere debebas; quia fieri nequit, vt qui sacramenti significationem considerat, non consideret simul sacramenti essentiam, si essentia sacramenti sit significatio.

Perge Calvinista. Quid ex hoc tuo delirio concludis? Sacramenta, adorari, vt *Antitypa, ratione prototypi, vt signa ad rem signatam relata*, καὶ ὡς non λατρεύονται. Honor igitur ille non residet in eis, sed ab ijs ad res,

quæ

qua significantur, transfertur. Calvinista, more suo, diuerticula quærit. Nō est sermo, qua ratione sacramenta alia colantur; de sola Eucharistia nobis sermo est, idque occasione Theodoretī; cuius cultus & veneratio peculiaris est, eò quòd Christus in hoc sacramento realiter & substantialiter sit præsens. Intra Eucharistiæ ergo terminos maneamus, & non extra ad alia euagemur, nullo fructu, nisi ut veritas obseuretur.

Dicit ergo Theodoretus: symbola Eucharistica intelligi ea, quæ facta sunt, per consecrationem: & credi, & adorari. Si symbola præcisè sumamus; non inuitus Calvinianolargior ea adorari $\chi\epsilon\lambda\kappa\omega\varsigma$, hoc est, cum habitudine ad Christum, quem sub se continent, at non solum $\chi\epsilon\lambda\kappa\omega\varsigma$, sed $\chi\epsilon\lambda\kappa\omega\varsigma$ $\lambda\alpha\tau\epsilon\iota\nu\kappa\omega$. hoc est, Latrīa habituali seu analogica: neq; enim hæc duo opponuntur, ut iste imperitè existimat; quia eodem honore honoratur signum, & res significata, quamuis non eodem modo. Si autem sacramentum sumamus adæquatè, prout ipsum etiam Christum, complectitur, tunc absolutè, & sine habitudine seu relatione ad aliud; verbum *adorandi* apud Theodoretum accipi debet: nam Christus filius Dei, præsens in illo sacramento absolutè & sine relatione ad aliud adoratur: quemadmodum etiam Rex coronatus & purpuratus, absolutè colitur; licet sola corona & purpura, non nisi cum respectu ad Regem honoretur.

Oggrunnit Calvinista. Adorare Theodoro nihil aliud esse, quàm honorare, venerari & reuerenter suscipere; Intellige: p̄ subiecta materia. Cū ergo materia, de qua Theodoretus agit, sit Sacramentū Eucharis-

K

stia,

stia, in quo, ex Theodoretī sententia, realiter est
Christus Dominus, oportet, ut ista veneratio sit la-
tria; καὶ οὕτως quidem, seu respectiva ratione ipsarum,
specierum Eucharisticarum: Absoluta autem si sa-
cramentum adæquatè consideremus, quia in illo
Christus comprehenditur, cui tanq̃ filio Dei, & vero
Deo latria cōmpetit. Quàm verū sit autem, quod hic
fabulatur Hospinianus, se & suos libenter concede-
re, sacramenta esse honoranda, veneranda, & reueren-
ter suscipienda, satis testatur istorū mos; qui ita habet,
ut si quid de pane vel vino Calviniano in terram de-
cidat, id nec tollere quidem dignentur.

Sequitur S. Gregorius Nazianzenus, cuius O-
ratio in S. Gorgoniam, sororem suam, luculentis-
simum testimonium pro adoratione Eucharistia
nobis suppeditat: loquens enim de pietate sororis
suae ægrotantis ita scribit. *Desperatū omnibus alijs auxi-
lijs, ad mortaliū omnīū medicum confugit, atque in tempesta
nocte captata, cū morbo nonnihil remisisset, ad altare cū fide
procumbit; cumq; qui super ipso honoratur, cū ingenti cla-
more inuocans, &c.* Quid est, quod super altare honoratur,
nisi Eucharistia, vel Christ⁹ in Eucharistia? Calvinista
accusat versionē. Sed iudicet, quisquis iudicare po-
test, an prædicta verba latina, non respondeant his?
Græcis: ὅς θυσιαστέριον προσκύνῃ, καὶ τὰς μυσίας, καὶ τὸν
ἐν αὐτῷ ὑμῶμενον ἐκκαθαρεύειν. Nam quod Calvinicola
garrit; illud ἐν αὐτῷ vertendum; in illo; non super
ipso; aut, super illud; id imprimis inanis simula est,
per quam nonnihil vim huius testimonij sese decli-
naturum sperat. Deinde res eodem rediret, nisi
Nouator sub illo suo: In illo: pessimum sensum oc-
culeret: nam Eucharistia & super, &, in altari honora-
tur:

tur: quemadmodum eadem & super altari, & in altari conficitur & tractatur: sed longè aliud vult Caluista; nempe Gorgoniam accessisse ad altare, tanquam ad signum & symbolum Christi, primum enim, & quasi Prototypum altare nostrum esse Christum; Et in eo altari, tanquam in signo, Christum, honorasse, & inuocasse. Quæ cauillatio non multum differt ab illa quam olim Petro Pseudomartyri Diabolus inspirauerat: de qua Bellarminus lib. 2. de Eucharistia cap. 18. sed valenter repugnat Phrasis illa Gregorij: τοῦτ' αὐτῷ ὑμῶν εἶναι. Quis enim de symbolo seu signo loquens, dicit: Prototypum, ἡ αὐτῷ ὑμῶν εἶναι? Aduersantur quoque hæc D. Gregorij verba: cum caput suum pari cum clamore lachrymisq̃, quibus abundabat, altari admonisset, nec se prius illud dimissuram esse denunciasset, quam sanitatem obtinisset, atque deinde hoc suo pharmaco (lacrymarum) corpus totum persudisset, & si quid vspiam antityporum pretiosi corporis aut sanguinis manus recondiderat, id lacrymis admixisset, (o rem admirandam) statim liberatam se morbo sentit, &c.

Mentitur autem & calumniatur Calvinus sequens, quando dicit; Bellarminum fingere, pyxidem positam fuisse super altari, in quo frustulum panis seruatum fuerit, & Gorgoniam hoc adorasse. Nihil Bellarminus de pyxide. Nihil de panis frustulo, vt impius iste loquitur. Tantum dicit, id, quod verum est, Gorgoniam nocte quadam in templum sese proripuisse, ac procumbentem ante altare coram venerabili sacramento, ita orasse, vt statim conualuerit. In quibus verbis nihil est, quod non examussim cum S. Gregorij narratione concinat.

Fatetur Calvinista; Gorgoniam secum habuisse Eucharistiam, *verum non in altari positam, sed vel in veste vel in sudario*: Et hoc colligi ex ipso Gregorio. Respondeo, I. absolute rem spectando, satis nobis est, Gorgoniam, tutelæ & medicaminis gratia, Eucharistiam secum habuisse, & ad eum, qui in Eucharistia præsens inerat; sanitatis recuperandæ gratia ingenti pietatis, cultus & reuerentiæ affectu confugisse. Secundò Eucharistiam in altari positam fuisse; manifestum euadit ex verbis S. Gregorij. Ait enim Gorgoniam cum vbertim manantibus lacrymis caput altari admouisse, nec se prius illud dimittere statuisse, quàm sanitatem obtineret: Et si quid vspiciam *antityporum* pretiosi corporis aut sanguinis manus reseruasset, id lacrymis admiscuisset: vel, ut Calvinista ait; lacrymis Eucharistiam perfudisset, Oportet igitur Eucharistiam in altari fuisse, quomodo enim alioqui eam lacrymis perfundere, vel lacrymis suis admiscere potuisset, cum, ut ait S. Gregorius, caput altari admotum haberet? Nam stulta est Calvinicolæ sciscitatio: *Si ad altare procubuit, & Eucharistia in vel super altare posita fuit, quomodo potuit eam lacrymis perfundere?* Si altare copiosis lacrymis rigare potuit, ut factum testatur S. Gregorius, cur non potuisset quoque positam in vel super altare Eucharistiam lacrymis perfundere, vel admiscere, ut habent Græca verba?

Oblatrat Calvinista. *Hac noctu accidisse. Sit ita. Nec esse credibile, Eucharistiam noctu in altari fuisse positam; Cur non credibile? Antibi id certius notum, quàm ipsi Nazianzeno? Nec dicit S. Gregorius, Gorgoniam, capite in altare inclinato, pedes Christi lavasse: ut comminiscitur Calvinista; non alio consilio, quàm*

quàm, vt inde suum commercium stabiliat, quod scilicet altare sit symbolum Christi; Gorgoniamque in altari, tanquam in suo signo seu typo Christum honorasse; sed ait; eam, capite altari admoto, lacrymas profudisse, instar eius mulieris, quæ olim pedes Christi, lacrymis rigauit. Addamus hoc obiter. Si altare est symbolum Christi; cur Caluinistæ omnia altaria euerterunt? Cur ne nomen quidem ferre volunt? Præterea Gorgonia ante altare & Eucharistiam in genua procidit, Christum in illo & hac, saltem, vt in signo, honorauit & inuocauit: cur idem facere Sectarij abnuunt?

Post S. Gregorium Nazianzenum, sequitur sanctus Ioannes Chrysostomus: qui Homil. 61. ad populum Antiochenum, *Si pura, inquit, sunt vestimenta, adora & communica.* Respondet Caluinista: *Chrysostomum non velle, vt prius adoretur sacramentum, sed vt adoretur Christus corpore suo vero in calo existens, deinde communicio sumatur.* Caluiniannu cauillatorem audis. Sanctus Chrysostomus iubet, vt ille, qui in hoc conuiuio præsens est, adoretur. *Considera, inquit, mensa regalis est apposita; Angeli mensa ministrantes; Ipse Rex adest, &c.* Igitur adora; Quem? Regem præsentem; hoc est, Christum: & communica.

Idem S. Chrysostomus Homil. 24. in cap. 10. epist. 1. ad Corinth. *Hoc corpus cum Magis adorare debemus.* Respondet Caluinista; *Christum à Magis non adoratum, vt Deum; sed, vt Regem; sed hoc nec cum pietate nec cum placitis veterum concinit, qui thus, vt Deo; aurum, vt Regi; Myrrham, vt homini à Magis oblatam tradunt.* Scilicet Magi illi ob vnius Regis, adhuc infantis, caussam, tantum itineris & periculi

susceperunt, neque aliquid sublimius in infantulo illo agnouerunt, oculisque sitientibus contemplati sunt.

Secundò respondet Calvinista; Chrysostomum iubere, ut adoremus Christum iam in calo existentem; id liquere ex antecedentibus & consequentibus verbis. Sed syn-cophantatur hæreticus: nam expressè dicit, Christum, qui à Magis in præsepi visus & adoratus est, videri nunc atque adeo adorari debere, in altari. Illi, inquit, cum præsepe, & tugurium tantummodo, neque eorum quidquam, quæ tu nunc intueris, viderent, summa accesserunt reuerentia & horrore: Tu verò, non in præsepi, sed IN ALTARI, nõ mulierem, quæ vlnis teneat, sed sacerdotem præsentem, & spiritum abundè super proposito diffusum sacrificio vides, &c. Quid clarius non nõtuinis, sed rectis oculis? Expressè enim dicit, Christum, qui realiter & substantialiter in præsepi erat; realiter quoq; & substantialiter in altari esse; ac proinde ea pietate, & reuerentia, (vel potius maiore) accedendum esse ad Christum in altari, qua accesserunt Magi ad Christum in præsepio. Excitemur igitur, inquit S. Chrysostomus, horrescamusque, & maiorem, quàm barbari illi præ nobis seramus pietatem, ut non simpliciter, neque frigide accedentes, vehementiori igni caput obiciamus.

Homilia tertia in cap. I. Epistolæ ad Ephesios ita scribit S. Chrysostomus. Quot quot in corpore Christi communicamus, quot quot sanguinem illius gustamus, cogitemus, quod illius corpus & sanguinem gustamus, qui in celestibus sedet, qui ab Angelis adoratur, &c. Vbi perspicuè indicat, nos in Eucharistia illud ipsum corpus sumere, quod in cælis ab Angelis adoratur. Oggannit Calvinista. Vitisam esse hanc consequentiã à Bellarmino con-

sectam.

festam. Angeli adorant Christi corpus in cælis existens: ergo Christiani idem corpus in Eucharistia existens, adorare debent. Atqui quidquid contra blateres, optima est hæc consequentia, & planè ex sensu & mente S. Chrysostomi: qui cum eundem in Eucharistia, qui in cælo ab Angelis adoratur, præsentem esse dicat; an non simul indicat, eum ab hominibus quoque adorandum esse? si enim adoratur ab Angelis, cur non adoraretur ab hominibus? Vt magis obligati sunt Christo? Angeli an homines? Mitto dicere, quòd S. Chrysostomus in extrema Homiliæ illius parte, totus in eo occupatur, vt auditores suos ad cultum & venerationem Christi excitet. Mendacium autem est, verba illa; *In istis vasis non est verum corpus Christi, sed mysterium corporis eius continetur*; esse S. Chrysostomi: sunt enim Auctoris Operis Imperfecti super Matthæum. Et forsàn nec illius, sed alicuius Berengariani impostoris. De qua relegatur Bellarminus lib. 2. de Eucharist. cap. 22.

S. Chrysostomo subiungitur S. Augustinus, qui in Psalmum 98. *Nemo illam carnem manducat, nisi prius adorauerit.* Occinit Caluini ista: Hoc intelligendum de carne, prout existit in cælo; sed hoc absurdum est; nam homo non manducat carnem Christi, prout existit in cælo; sed prout existit in Eucharistia. Loquitur ergo sanctus Augustinus de adoratione carnis Christi, prout existit in Eucharistia, quandoquidem loquitur de manducatione carnis Christi, non nisi prout in Eucharistia existit; nā prout caro Christi existit in cælo; non propriè manducatur; sed impropriè duntaxat; per fidem scilicet, piumque affectum.

Obser-

Obserua autem, Caluinistam, hic rursus Eucharistiæ nihilo plus tribuere, quàm vulgari cibo & potui: nam nemo, cui pietas & gratitudo erga Deum non penitus ex animo exciderit, quoridianos quoq; & communes cibos prius manducat, quàm Christum in cælis regnantem adoret, eique pro concessis donis gratias agat.

S. Augustino iungit Caluinista S. Basilium, libro de Spiritu sancto cap. 27. quem tamen Bellarminus pro adoratione sacramenti lib. 4. de Eucharistia cap. 29. non citat: ideo non immoror. Tandem per negotiorum viros prodit S. Cyrillus Hierosolymitanus, qui fideles monet, *ut accedant ad calicem & sanguinem Domini prout adorationis in modum & venerationis.* Respondet Caluinista, Cyrillum non hortari fideles, *ut sacramentum, sed ut Christum adorent.* At Christum in Eucharistia præsentem. Quo ipso etiam iubet, ut ipsum sacramentum adoretur, quemadmodum qui iubet, ut regem purpura indutum veneremur, is simul iubet, ut purpuram quoque, tanquam Regis amictum, veneremur.

Tres fraudes, quas Caluinista à Bellarmino commissas fingit, sunt totidem Caluinicola mendacia: nam scripta S. Dionysio Areopagitæ adscripta, & Constitutiones Clementis Romani nomine vulgatas in spuriiis numerari non debere, ostendunt Vindiciæ Areopagiticæ Delrionis, & tam Græcæ, quàm Latinæ lucubrationes Turriani in Clementem.

Nec attulit Bellarminus vllum patrem, qui locutus tantum sit de Spirituali, & metaphorica, hoc est, Caluiniana, præsentia Christi in Eucharistia; honoreque ei hunc in modum præsentem habendo; sed omnes,

omnes, quos testes produxit, loquuntur de vera & reali Saluatoris nostri in hoc sacramento praesentia, eumque, ut verè & realiter praesentem, adorandum esse tradunt. Nec ullus sanctorum Patrum dixit aut scripsit, Sacramentum hoc civili solummodo honore, efficiendum esse; quando tractatur aut suscipitur, ut Caluinicola iste, nimium quantum incivilliter, comminiscitur. Nam, ut ex omnibus S. Cyrillum paulò ante nominatum, denuò nominem; an is tibi de civili duntaxat honore locutus videtur, quando catech. §. Mystagogica haec monita auditoribus suis dedit? *Accedens ad communionem, non expansis manuum volis accede, neque cum disjunctis digitis, sed sinistram, veluti sedem quandam subiicias dextrae; qua tantum Regem susceptura est* (en veram & realem praesentiam Christi in Eucharistia) & *concaua manu suscipe corpus Christi, dicens: Amen. Sanctificatis ergo diligenter oculis, tam sancti corporis contactu, communica. Caue autem, ne quid tibi inde excidat; quod enim amiseris, hoc tanquam ex proprio membro amiseris: nam si quis tibi ramenta aurea daret, nonne magna cum diligentia illa teneres, cauens, ne quid ex illis perires, damnumque sustineres? Et non multò magis, & diligentius de hoc, quod auro, gemmisque preciosius est, ne mica aliqua ex illo cadat, providebis? Tum verò post communionem corporis Christi, accede & ad calicem sanguinis illius, non extendens manus, sed pronus adorationis in modum, & venerationis, dicens, Amen. Sanctificeris eo sanguine Christi, quem assumis; Et cum adhuc est humiditas in labiis tuis, manibus attingens, & oculos, & frontem, & reliqua sensuum organa consecra.*

Hæcine de civili tantum honore symbolis Eucharisticis deferendo loquuntur? Nam quod Calui-

nicola iterum *artolatria* nos postulat; surda aure, tanquam criminationem, præteruolamus. Si autem, ve dicis, *sola natura Deitatis adoranda est*; quomodo tu toties iam affirmasti, Christum Dominum, etiam vt hominem, seu secundum humanam naturam, adorandum esse? An posthac militare statuisti in castris Danæi, qui blasphemum suum os tam lato rictu diducere non erubuit, vt palam dictitaret & scriptitaret; *Christum Dominum secundum naturam humanam non esse adorandum?*

CAPVT X.

De Eleuatione & ostensione Eucharistiæ.

Sicut antea pleraque, quæ de adoratione sacramenti Sacramentarius effutiuerat, ex sua Rhapsodia Historiæ Sacramentariæ transcripsit; ita & nunc ex eadem farragine hunc quoque suum centonem farcit, & quæ prius de Venerabilis Eucharistiæ priuata deportatione ad ædes priuatas, deque eiusdem eleuatione & ostensione garriuerat, nunc denuo repetit; mentiturque effronte vultu, in ipso Iure Pontificio de Consecratione Distinct. 2. ca. *Tribus gradibus prohibitum esse, mox domum deportandi & asseruandi Eucharistiam.* Nam quod ad deportationem attinet, nullum penitus in eo Canone, qui ex Epistola secunda Clementis Romani, desumptus est, verbum exstat; siue per deportationem eam intelligas, quæ fit per Ministros Ecclesiæ ad ægrotos, lectosque affixos; nam hæc in Ecclesia Dei semper visitata fuit, & semper etiam usurpabitur; siue illam intelligas, qua priuati quique Eucharistiam secum

cum domum deferrebant, vt eam, data commoda occasione, fumerent; vel etiam, tutelæ & præsidij caussa, retineret; vt ex Tertulliano lib. 2. ad vxorem, aliisque præcis Patribus manifestum est; & perspicue id docent exempla Satyri, Gorgoniæ, & aliorum, de quibus Bellarminus lib. 4. de Eucharistia, cap. 4. nam si hæc à Clemente Romano; tali ac tanto Pontifice, vetita fuisset, nemo vtiq; tanti Martyris mandato obfistendum censuisset, posterioribus tamen sæculis, decrefcente mortalium pietate, non iniuria hæc consuetudo abrogata est, vt ostendit Bellarmin. loc. cit. c. 5.

De asseruatione Sacramenti postea fufius agetur. Hic tantum monco; Calvinistam Canonem ex Clemente decurtasse, more sui Magistri, scripturas mutilantis, quando cum Christo in pinnaculo Templi Hierosolymitani disputabat: nam si paucula quædam verba Canonis adiecisset, iam mendacium suum de interdicto asseruandæ Eucharistiæ, nimis clara in luce omnibus conspicuum collocasset. Ita enim Canon. *Tribus gradibus commissæ sunt sacramenta diuinorum secretorum, id est, Presbytero, Diacono, & Ministro; hoc est, vt aliqui explicant, Subdiacono: qui cum timore & tremore reliquias fragmentorum Corporis Domini custodire debent.* Et in Epistola ipsa additur caussa, cur corpus Domini tam diligenter custodiri debeat. *Ne qua putredo in sacrario inueniatur, ne cum negligenter agitur, portioni corporis Domini grauis inferatur iniuria.* Quid apertius pro asseruatione Eucharistiæ?

Nec obstant sequentia verba Canonis. *Tanta in altario certè holocausta offerantur, quanta populo sufficere debeant: quod si remanserint, in crastinum non reseruentur, sed cum timore & tremore, clericorum diligentia consumantur.*

sur. Iam enim Nouatoribus respondit Bellarminus loc. cit. hūc locum intelligi debere, exceptis his partibus, quæ seruandæ erant pro communione infirmorum; nolebat enim nimis multum Eucharistiæ conseruari.

Hefychium vel Isichium imperitè facit Caluini-
anus discipulum S. Gregorij Nazianzeni, cūm vixerit
temporibus S. Gregorij Magni, vt rectè ostēdit Bel-
larminus lib. 2. de Eucharist. cap. 32. qui quod lib. 2.
in Leuiticum cap. 8. dicit; id, quod ex sacramento
Eucharistiæ superest, comburi debere, intelligen-
dum est, de illis partibus, quæ ob vel putrefactionem
diuturnitate temporis cōtractam, vel aliam ob caus-
sam, manducari nequeunt, vt ex ipso Hefychio Bel-
larminus manifestè docet lib. 4. de Eucharistia cap. 5.

Ad eleuationem sacramenti quod attinet, de ea
sanè illustrissimum testimonium suppeditat nobis
S. Dionysius Areopagita lib. de Ecclesiastica Hierar-
chia, cuius en tibi verba ex cap. 3. καὶ τὰς ἱερὰς θειότητας
ὁ ἱερεὺς ἁγίους ὑμνῶσας, ἱερουργεῖ τὰ θείατατα καὶ ὑπὸ τῶν ἁγίων
νυμμένων διὰ τῶν ἱερῶς προκαμένων συμβόλων, καὶ τὰς δωρεάς τῶν
θειουργῶν ὑποδείξας, εἰς κοινωνίαν αὐτῶν ἱερὰν αὐτοῖς ἐξέχεται,
καὶ τὸς ἄλλους προτείπεται. Quorum verborum partem
Caluinianus flagitiosissimè vertit, vel potius peruer-
tit. *Sancta diuina opera Pontifex postquam celebrauit, ad-
ministrat diuinissima, & sub aspectum producit ea, qua ce-
lebrauit per sanctè proposita symbola.*

Versioni peruersæ adiungit explicationem lon-
gè peruersiorem. *Beneficia Christi, qua prius per voca-
lem prädicationem, auribus Ecclesiæ percipienda annuncia-
uit, nunc etiam repræsentat, & oculis quodammodo spectan-
da subiicit, per visibilia eorundem symbola, idem significan-
tia,*

tia, promittentia, & confirmantia fidelibus quod significant verba Evangelica promissionis. Eadem beneficia nomine Christi promittit credentibus per verbum & Sacramenta.

O technas Calvinianas, non alio animo, quàm, veritati obnubilandæ excogitatas: Certissimum, n. est, ex singulis ferè apicibus verborum D. Dionysij, cum Liturgiæ, seu, vt nos appellamus, Missæ Formulam percensere; & postea cæremoniarum in ea vsitatarum explicationem adferre. Inter cætera, autem, quæ in hac Liturgia fiunt, est etiam grata commemoratio beneficiorum, quæ Christus Dominus in nos contulit, præsertim illius, quod hominibus impertiuic in vltima cœna, in qua Eucharistiæ sacramentum instituit; cum hoc mandato: *Hoc facite in meam commemorationem*, animo recolentes cum alia à me vobis præstita beneficia, tū præcipuè hoc, quia iam iam vobis præstiti; & illud, quod paulò post in ara Crucis præstiturus sum. Hanc ergo beneficiorum & sacrificij inuenti in vltima cœna, & cruenti in cruce replicationem seu commemorationem, quam facit in Liturgia Antistes, indicat S. Dionysius illis verbis: *ὕψι τὰς ἱεράς λειτουργίας ὁ ἱερεὺς Χρὶς ὑμνήσας*, postquam Hierarcha, seu Pontifex, seu sacerdos Liturgiam celebrans grata mente & debita cum laude Dei, reuoluit diuina Christi in nos opera (vt fit etiam in Liturgia seu Missa Latina, vbi sacerdos proximè ante consecrationem his verbis vtitur: *Qui pridie, quàm pateretur, accepit in sacras ac venerabiles manus suas, &c.*) tunc Hierarcha *ἱερουργεῖ τὰ θεότατα*, sacrificat, seu cõficit diuinissima mysteria, quæ panem & vinum cõsecrat, & consecrando in corpus & sanguinem Christi conuertit: & per symbola proposita, hoc est, per species panis & vini, aspectui subi-

cit ea, pro laudibus prosecutus fuerat; hoc est, corpus & sanguinem Domini; & ostensis diuinarum operationum muneribus, hoc est, ostensis speciebus panis & vini, tam ipse ad communionem accedit, quàm alios ad eandem inuitat.

Quid est illud: ὁπὶν ἄρα, aspectui subijcit; nisi, ostēdit, monstrat; hoc est, eleuat; quia eleuatio nihil aliud est, quàm ostensio & monstratio; & ipse S. Dionysius per voculam ἀναδείξας, ostendens, demonstrans, satis ostendit & demonstrat, quid per illud ὁπὶν ἄρα intelligi velit.

Oclamat Calvinista: Illud ὁπὶν ἄρα, non ad symbola tantum, sed præcipuè ad significata referri. Estor verum non ad significata, quæ tu fingis, sed ad illa, quæ veritas, & cum veritate S. Dionysius symbolis illis subijcit: nempe ad corpus & sanguinem Dñi nostri Iesu Christi. Quæris. Quæ nam sint illa ὑμνημένα, hoc est, laudibus à Pontifice decantata? Respondes: Non certè alia quàm θεογία Christi. Cæterum ex istis Theurgiis vna etiam, & quidem potissima est conuersio panis in corpus, & vini in sanguinem Christi; quæ Theurgia, & diuina operatio fidelibus spectanda in symbolis Eucharisticis proponitur, quoties Hierurgia, seu Liturgia, seu λειτουργία, vel, ut nos loquimur, Missa celebratur.

Et si autem Calvinianus iste planè plumbeus est, animaduertit tamen hanc S. Dionysij deprauationem & peruersionem, apertiores esse, quàm vt in vilius intelligentioris animùm illabi posset; Quocirca alteram explicationem addit; nimirum eo tempore consuetudinem fuisse, ut sacramentum in vno pane integro in mensa poneretur, (horret Caluini-

sta

ita altare). mundo linteo opertum; donec populo distribueretur. Esto. Id S. Dionysij verba, eiusque Commentatores S. Maximus & Pachymeres disertè docent. Quid inde inferis? Hanc igitur veteris Ecclesie consuetudinem, si diligenter consideres, verba Dionysij clara erunt. Iam pridem ritum hunc perpendi; qui sanè S. Dionysij verba tam clara mihi efficit, ut nullæ nebulæ Calvinianæ ea mihi obfuscare queant.

Ais. Commonstrare hoc modo & in conspectum proferre, nihil aliud tum erat, quàm linteo subducto aperire, & præsentium oculis subijcere mysteria. Etiam eleuatio sacramenti, de qua disceptamus, nihil est aliud, quàm sacramenti commonstratio, & in conspectum prolatio, mysteriorumque apertio & oculis præsentium subiectio. Quid est eleuare, nisi sacramentum ὡς ἱερὸν ἄγαν, seu vt idem S. Dionysius loquitur, ὡς τὸ ἱερὸν ἄγαν monstrare, ostendere, oculis subijcere?

Vociferatur Calvinista. Nihil prorsus Dionysius dicit de ostentatione Eucharistia, adorationis causa. Tu tibi tuam ostentationem habe. Ostensionem nobis relinque. De ostensione apertissimè S. Dionysius his verbis, quæ Calvinista nunquam ausus est recitare, aut attingere: ἡ δὲ τὰς δυνάμεις τῶν θεῶν ἡμεῖς ὑποδείξας; &c. En ὑποδείξιν, en ostensionem Sacramenti. Cui ostensioni omnes propemodum Liturgiæ testimonium, perhibent, S. Iacobi Apostoli, S. Basilij, S. Chrysostomi, Liturgia Æthiopum, & Mozarabum; Nicolaus Cabasila; Germanus, S. Maximus, & alij Liturgiarum Interpretes, quæ olim non fiebat dicis solummodo, sed cultus & adorationis causa; mirum enim foret si sacramentum, quod S. Dionysius stories

660. imò etiam θάοτατον, *diuinum & diuinissimum* appellat, fideles non adorassent; vel illud adorare nefas duxissent.

At cauillatur Calvinista, non posse monstrari ex Dionysio, *sacramenti eleuationem supra capitis verticem*. Scilicet hoc agitur, vt lux sparsis tenebris obsecuretur. De ostensione sacramenti quæstio est: siue ea fiat sacramento supra capitis verticem elato; qui mos Latinis receptus statim ab ipsa consecratione; siue supra humerum dextrum, vt fit apud Latinos in Parasceue, quod indies etiam nonnullis vsitatum est, quando diuisa sacrosancta hostia populo appreciatur illud: *Pax Domini sit semper vobiscum*: siue alio quopiam modo: Parum enim refert de modo, dummodo constet de re ipsa, vt sanè constat: nam quando in Liturgia paulò ante communionem, publicè exclamatur: *Sancta, sanctis*: sacramentum eleuatur & ostenditur; quocumque modo id fiat, neque enim ostensio in sola eleuatione sacramenti supra verticem consistit. Quàm autem sacramento ostenso præsens populus in vota præcesque, & in tanti mysterij adorationem effundi consueuerit; docent cum aliæ Liturgiæ Formulæ, tum præsertim per antiqua illa Æthiopum. *Sacerdos enim eleuans sacramentum alta voce dicit. Domine Iesu Christe miserere nostri, populus iterat eadem verba, &c. Hoc est corpus sanctum, honoratum, & vitale Domini & seruatoris nostri Iesu Christi, quod datum est in remissionem peccatorum, &c. Hic est sanguis Domini nostri Iesu Christi sanctus, honoratus ac viuificans, &c. Verè hoc est corpus, & hic est sanguis Emmanuel Dei nostri, Amen. Credo, credo, credo ex nunc & vsque in sæculum Amen, &c.*

De Afferuatione Eucharistia.

CVM vetera mendacia Prædicans à se amoliri nititur, nouis sese miserè contaminat: neque enim alio, quàm Pseudologiæ nomine indigitare licet, quod scribit. *De afferuanda Eucharistia, & ad agros deferenda; ego ne verbum quidem dixi:* cuius ergo sunt illa verba, quibus commemoras, quomodo Romani Episcopi hospitibus Eucharistiam mittere consueuerint; & quomodo Presbyter puerò cuidam dederit Eucharistiam ad Serapionem deferendam? Insuper quomodo Exuperius Tolosanus in canistro vimineo, & in vitro portauerit corpus & sanguinem Domini; & quomodo olim etiam, *non tantum mulierculis*, vt tu cauillaris, sed etiam alijs fidelibus domum deportanda data, fuerit. Num qui hæc & similia ex Eusebio, Tertuliano, Cypriano, alijsque retulit; nullum verbum, de afferuatione & deportatione ad infirmos fecit? Quæso num sine afferuatione & deportatione Eucharistia ad ægros peruenire potuit? Nam quod solennis illa pompa non fuit adhibita; quæ hodie in festo corporis Christi adhibetur; obstitit, partim temporum ratio, tyrannorum imperio, & Ethnicorum furore in Christianos infesta; partim, quia cultus Dei, labentibus annis, crescere potest ac debet: Nam & ante Dauidem nullus penitus aut Pontificum, aut Ducum, Iudicū & Regum Israeliticorū tanta pompa & solennitate Arcam detulit & transtulit. Et tamen nemo repertus est, qui Dauidi, & toti illi supplicantium agmini obijceret; nihil vnquam simile anteaclis temporibus factum fuisse:

M

Arcam

Arcam tanto iubilo & tot reuerentiæ ac honoris argumentis nunquam fuisse loco motam: ac proinde factum Davidis, tanquam novum & insuetum, repudiari debere: omnibus cultus ille Arcæ & Deo in Arca exhibitus, gratus fuit, acceptusq; excepta Michol, obtrepatrice & criminatrice Davidis, quæ nihili typum Calvinianæ & Lutheranæ hæresis gessisse viderur.

Mentitur autem Prædicans, cum dicit *quæstionem esse, num Eucharistia in omnibus templis, seu Ecclesiis olim asseruata fuerit*: non est hæc Quæstio, quia quis tam hebes & rudis est, qui dicat, aut credat in omnibus Templis, aut sacellis olim asseruatam, cum ne hodiè quidem in omnibus asseruetur, ut omnibus orthodoxis constat? Neque Quæstio est, ut iam, mentitur Prædicans, *quandònam edificari cæperint tabernacula illa, quæ hodie passim cernuntur in Ecclesiis, quæ à sacramento Germanicè appellantur Sacramenthäuser*, quasi dicas: *Aediculas sacramenti*; quocunque enim tempore talia tabernacula parari & construì cœpta sint, id parum ad præsentem disputationem facit: quia etiam sine huiusmodi tabernaculis potuit Eucharistia asseruari. Nec tamen firmo aliquo testimonio Calvinista probare valet, huiusmodi tabernacula non nisi post Innocentium III. introducta fuisse: nec illud à mendacio excusabile est: *Ante Innocentij tempora in plerisque locis prorsus non asseruatam fuisse Eucharistiam*. Quo auctore hoc doces Calvinista? Quo teste? Nam ut tu te ipsum nobis pro auctore & teste ingeras, haud sinemus.

Quis sensus sit Hesychij, ut quod de Eucharistia reliquum est, incendatur, iam supra exposuimus; ut

& alia, quæ ex Nicephoro, Euagrio, & Gregorio Turonensi blateras. Nam Eucharistiam pro communione infirmorum, & pro tutela quoque asseruatam fuisse, testantur Canones & exempla Innocentio III. longè vetustiora. de quibus dixi libro I. de processionibus cap. 19.

Sed tu semper paratum habes tuum *Panchrestum*, & omnia vulnera, quæ tibi infliguntur, sanas ynica panacæa, longè, vè videtur, efficaciorè, quàm fuerit decantata illa panacea Amvvaldina. Nam ex Canonibus ajs, *non liquere, ubi nam presbyteri Eucharistiâ asseruare debuerint; num in Ecclesiis, an in adibus priuatis.* Item, *non posse inde evinci, Eucharistiâ positam fuisse in adiculis & tabernaculis, prout hodie moris est.* Sci licet hoc agitur, & non illud: Vtrum Eucharistia olim asseruata fuerit. Fuisse testantur Canones apud Gratianum de consecrat. Dist. 2. cap. 161. & cap. 94. Et Canon Concilij Turonensis apud Burchardum, quem ipse Calvinista recitat, quo iubetur, *ut omnis presbyter habeat pixidem aut vas tanto sacramento dignum; ubi corpus Dominicum diligenter recondatur ad viaticum recedentibus à saculo.*

Constat ergo de asseruatione. Iam quæ cauillandi libido est, obiectare; canones nihil dicere de loco; & nihil de tabernaculis? An sacramentum, nisi in huiusmodi tabernaculis asseruari nequit? Et quis tam obtuso pectore est, qui non è vestigio intelligat, Eucharistiâ in loco decentissimo & honorificentissimo, quantum fieri potuit, positam fuisse? Quis autem locus decentior, profanus an sacer? priuata domus an Ecclesia; siue posita Eucharistia fuerit in altari, vel supra altare, vel ad latus altaris, siue in sa-

crario, siue in alio Ecclesiæ loco; siue sub sera & clauī, siue sine sera & clauī: nam certum est ita Eucharistiam custoditam & munitam fuisse ne qua irreuerentia vel ab impijs hominibus, vel a brutis animantibus ei irrogari posset.

Similibus diuerticulis eludere nititur alia pro asseruatione Eucharistiæ testimonia & exempla: nam si proferas Clementem Romanum, qui lib. 8. constitut. cap. 20. vel 16. iuxta aliam diuisionem, mandat, ut postquam omnes communicarunt, Diaconi portent Eucharistiæ reliquias in *pastophoria*: de repente obstrepet Prædicans, *libros illos Clementis esse Apocryphos*. Sed defensionē Clemētis iam pridē Turrianus suscepit. Et ut nūci in illis exstent, an idē & hic de *pastophorijs* ex eorum numero vnus?

Secundò occinet; *esse Aedes præpositi Ecclesiæ & ed Eucharistiæ reliquias delatas fuisse, non ut asseruarentur, sed ut consumerentur*. Vnde hoc compertū habet Calvinicola? Profecto nō ex Clemēte; sed ex apoerypho & spurio suo cerebro: nihil n. de cōsumptione Clemens. Et si in ædib⁹ Præpositi Ecclesiæ statim cōsumi debuissent, & nō in vsum infirmorū asseruari, longè commodius in ipsa Ecclesia consumi potuissent. Ad hæc non aduertit Calvinista veram notionem vocabuli *Pastophoria*, quā eo Clemētis loco habet: nā Clemens non loquitur de ædibus Præpositi; sed *Pastophoria* per similitudinem nominat locum illum; in quo Eucharistia asseruabatur, quia per præsentiam Eucharistiæ habitabat in eo loco Christus, tanquam verus & genuinus Ecclesiæ præpositus.

Si proferas exēpla S. Gorgoniæ, S. Satyri & aliorum, qui Eucharistiam in orarijs, arcib⁹ & cistis asser-

uabant,

uabant, & secum domi non modò retinebant, sed & iter facientes pro comite itineris secum deferrebant; mox recinet Caluinista: *Esse particularia & paucorum hominum exempla.* At ut id ita esset; hinc tamen intelligimus, olim Eucharistiam asseruatam fuisse, idque non modò nemini vitio datum, sed etiam pro insigni pietatis argumento reputatum esse. Præterea, quod ab istis factum, id ex communi consuetudine cui illius factum esse, ex libro Tertulliani ad uxorem discimus; neque vel Gorgonia, vel Satyrus, vel Satyri in navigatione sodales Eucharistiam secum tulissent, nisi id ex recepto tunc Christianorum more licuisset.

Protuleram Canonem vndecimum Nicænum ex prima editione Alphonsi Pisani, & 63. ex editione Turriani de asseruanda Eucharistia. Occlamat Prædicans: *Canonem hunc non reperiri apud Ruffinum lib. 10. hist. cap. 6.* Quid tum? An ideo in Nicænis numerandus non erit? An non dilucidè constat, plures Canones à Concilio Nicæno conditos, quàm Ruffinus suæ historiæ intexuerit? Vbi est Canon de scripturis Canoniceis? Vbi Canon de Paschate? Vbi Canon de literis formatis? Vbi Canon de Bigamis non ordinandis? Vbi Canon, ut non nisi à ieiunis sacrificium offeratur? Vbi Canon ille, quo decretum est, ut res cognitæ in minori synodo, in maiore denuò examinari & cognosci possint? De quibus, qui plura cupit, Baronium adeat Tom. 3. Anno Redemptoris 325.

Sed quia Canonem ex Ruffino desideras, eosque, quos ipse commemorat, genuinos & legitimos esse confiteris; en tibi Canonem XX. ex Catalogo

Ruffini, ex quo aperte colligitur, quàm verè affirmaverit Concilium Tridentinum sess. 13. cap. 6. asseruationem Eucharistiæ à sæculo quoque Nicænæ Synodi agnitam fuisse. Exporrige ergo aures, Prædicans. *Ne Diaconi Presbyteris præferantur, neque sedent in confessu Presbyterorum, aut illis presentibus Eucharistiam diuidant, sed illis agentibus solum ministrent. Si verò Presbyter nullus sit in presenti, tunc demum etiam ipsis licere diuidere; aliter verò agentes abici iubent.* Si ergo in absentia Presbyterorum poterant Diaconi Eucharistiam aliis distribuere; manifestè sequitur, Eucharistiam consueuisse asseruari; nam à Diacono consecrari & confici non poterat. Erat ergo præsens & in promptu Eucharistia, ut etiam, absente Presbytero, à Diaconis administrari posset, si ita necessitas postularet.

Idem non obscure colligitur ex Canone XIV. qui est iste: *De his verò, qui vita excedunt, penitentibus, decernunt, vacuum nullum debere dimitti.* Ad hoc fieri non poterat, nisi Eucharistia asseruaretur. Quid enim, si quis in periculum mortis incurrisset, absentibus Presbyteris, præsentibus solis Diaconis? Quid si ex improviso? Quid si in tempesta nocte? Quid si extra tempora Liturgiæ celebrandæ præstituta? Quis tam fatuus sit, qui sibi persuadeat, omnes agrotos potuisse ad Ecclesiam venire, & quidem illo ipso tempore, vel temporis puncto, quo Liturgia peragebatur, & *sancta sanctis* diuidebantur. Videatur Bellarminus lib. 4. de Eucharist. cap. 4. Prorsus enim stultum ac ridiculum est, quod Calvinista in sua Sacramentaria Rhapsodia deblaterat; *Diaconos, absentibus Presbyteris, potuisse Eucharistiam non modo diuidere; sed*

& consecrare. Crederem, si Eucharistia Catholicorū vel fuisset vel esset similis Cœnæ Lutheranae vel Calvinianae, quam non modò Prædicantes, sed & Prædicantissima probè norunt coquere ac instruere.

Nec exiguum flagitium admittit, cum verba S. Laurentij Diaconi ad S. Sixtum Pontificem prolata, prout recitantur à S. Ambrosio lib. 1. Officiorū cap. 41. ex deprauatis editionibus, præsertim Erasmiāna, deprauat: nam pro vocabulo *Dispensationem*; substituit voculam; *Consecrationis*: quasi S. Laurētius dixerit; *Experire utrum idoneum ministrum elegeris, cui commiseris Domini sanguinis consecrationem*: cum res ipsa & sententia, & castigatiores editiones deposcāt & præferant: *Dominici sanguinis dispensationem*; Diaconorum enim erat communicantibus sanguinem Domini administrare; ita vt error ille quorundam Codicum nullo mantelo, ne Calvinistico quidem, obtegi queat.

Nec re iuuat Concilij Ancyranī caput secundum, vbi iubetur, vt Diaconi in Idololatriam lapsi, ab omni sacro ministerio cessent, ita vt nec panem, nec calicem offerant; quia offerre hic non est consecrare, sed panem & calicem fidelibus sumendā porrigere; nam calicem quidem ordinariè, corpus autem saltem absentibus Presbyteris Diaconi distribuere poterant. Idem respondeo ad dictum Iustiniani ex Nouella de diuersis Capitulis.

Alterum Canonem Concilij Nicæni Calvinista simpliciter reiecit: & causā addidit, quod non exstet apud Ruffinum. At exstat in omnibus editionibus Concilij Nicæni, in quibus decimotertio loco legitur iste Canon. *De iis, qui excedunt, antiqua & Canonica lex*

*lex nunc quoque seruabitur, ut si quis vita excedat, ultimo
& maximè necessario viatico ne priuetur. Idem prorsus
Canon in compendium redactus recitatur à Ruffi-
no, & quidem loco decimoquarto. De his verò, qui vi-
ta excedunt, pœnitentibus, decernunt (nempe Patres sy-
nodi Nicænæ) vacuum nullum debere dimitti. Quæso,
quid verba hæc Ruffiniana sensu à prioribus diuer-
tunt? Sed de his satis: nam quæ præterea garrit de lu-
stino Martyre, & Exuperio Tolosano, plena sunt in-
sipientiæ: scilicet ex cœna, Caluinianum in morem,
publico in cœtu instituta, mittebatur agris frustil-
lum panis, & pocillum vini; quemadmodum Ger-
mani ex conuiujs paulò lautioribus, sibi mutuò,
amicitiæ & beneuolentiæ testandæ causâ, portio-
nes aliquas missitare solent.*

CAPVT XII.

*De Bulla Urbani IV. qua Festum Corpo-
ris Christi indictum & promulgatum
fuit; & num processio in ea contineatur;
& de cometa, qui apparuit ante obitum
Urbani Pontificis.*



*Glossa in Clementina vnica de Reliquiis
& Veneratione Sanctorum ita scribit:
Quia Constitutio Urbani non fuit recepta ab
omnibus, ideo Clemens Papa Quintus, inno-
uit illam Constitutionem, & illam præcepit ab omnibus ob-
seruari. Hæc Glossa. Ex cuius verbis Hospinianus ca-
lumniandi anſam arripens, dixerat, ne ipsis quidem
Ponti-*

Pontificis huius Festi institutionem & promulgationē placuisse. Respondi; istud, ex Glossæ dicto euinci non posse; ideo enim Constitutionem Urbani IV. à nonnullis non fuisse receptam, quòd ad eorum notitiam non peruenisset; non autem, quod Festi huius institutionem *superfluum, inutilem, vel profanum* existimarent, quam eorum fuisse mentem, satis apertè Calvinista inquit: sed prorsus Caluinisticè, hoc est, *impossibile*: neque enim verè & sincerè Catholicus censeri potuisset, cui hæc tam impia persuasio animo sedisset: Quis enim ex rectè sentientium numero est, qui toto pectore & ore non fateatur, venerabile hoc Sacramentum, & Christum in eo præsentem, non tantum isto, in huius diei obseruatione posito cultus; sed & alia quacunq; veneratione longè dignissimū esse; seque ipso ad honorem debitum exhibendum excitet odario illo S. Thomæ Aquinatis? *Quantum potes, tantum aude, quia maior omni laude, nec laudare sufficit.*

Oggerit Calvinista. *Quod tam districtè præcipitur obseruatio huius Festi à Clemente, satis magno indicio est, id non ab omnibus receptum, vel saltem negligenter, ut non admodum necessarium; obseruatum esse.* Perinde ac si diceret Calvinista. Synodus Tridentina sess. 13. cap. 5. & Can. 6. longè adhuc districtius & seuerius præcipit annuam obseruationem huius solennitatis, anathema enim dicit, omnibus illis, qui docent, Christum in sancto Eucharistia sacramento festina peculiari celebritate non esse venerandum, neque in processionibus, secundum laudabilem & vniuersalem Ecclesiæ sanctarum & consuetudinem, solenniter circum gestandum, nec publicè, ut adoretur, populo proponendum. En quam graui de-

N

creto

creto synodus celebritatem istam sanciat. An ideo concludes: *Ante Concilium Tridentinum in Ecclesia Catholica hoc Festum non fuisse ubique receptum?* Cur ergo Concilium de integro festum hoc indixit & sanxit? Non quia non fuerat receptum, sed quia impiè & sacrilegè à Nouatorum perfidia in nonnullis locis fuerat abrogatum: & quia, ut idòlolatricum, ab iisdem clam palàm, dictisq; & scriptis sceleratè oppugnabatur. Quæ fortassis causa, ipsi etiam Clementi V. Constitutionis de hoc Festo renouandæ occasio, nem dedit; quia tunc Calvinianorum atque Albigenes, Waldenses, & Berengarianorū haud pauci, multorum corda Sacramentario suo veneno infecerant; & à cultu augustissimi huius sacramenti auerterant. Mitto dicere Clementem in Concilio Generali Viennensi hanc constitutionem instaurare voluisse, ut maius auctoritatis pondus acquireret; quandoquidem non defuere, illis præsertim temporibus, qui sanctionibus à Pontifice & OEcumenica synodo profectis plus tribuerint, quàm quæ à solo Pontifice manassent; Rectè an secus, non disputo. Dere & multorum tunc persuasione liquet.

Dixeram, in opere de Processionibus, aliquando renouari Constitutiones, non quòd vsù receptæ non fuerint, sed ut earum observatio retineatur, vel diligentius custodiatur; id forsàn & hic accidisse. Quæ responsio tantopere Hospiniano probata est, ut ipse eam commemoradam, & de hac huius Constitutionis Clementinæ innouatione sciscitanti, reddendam censuerit, ut testatur Calvinistæ verba, quæ supra recitavi; & hic repeto. Dicit enim; tam seueram Clementis præceptionem testari; Festum hoc,

saltem

saltem negligenter, ut non admodum necessarium, obseruatum esse. Non diffiteor, per negligentiam sæpius dari legislatoribus occasionem, ut vetera edicta, promulgatione & iussione noua, renouent.

Nec quisquam dicit, Festum hoc simpliciter esse necessarium, quandoquidem sine illo tot annis Ecclesia Dei durauit; at si quis existisset, qui post Pontificis promulgationem & mandatum, hanc celebritatem non admodum necessariam existimasset, is certè largiter errasset; quandoquidem ea est natura rerum, alioqui liberarum, ut quando à legitimo Magistratu imperantur, necessitatem quandam imponant, atque adeo necessariae fiant. Quod si qui siue ex simplicitate, siue ex hæreticorum peruersa institutione, in hanc opinionem venissent, haud abs re Clemens V. instauratione huius sanctionis eos in rectam viam reducere tentasset.

Cæterum Casuiniſta acrius nunc instat & vrget, postquam vidit libellum Diestemij Anno Christi M. DC. III. Duaci cum magno Speculo Exemplorum euulgatum, & Anno 1496. conscriptum, si tamen vidit, & non potius, quidquid huius Auctoris citat, ex Serarij de Processionibus libro exscripsit. Quid igitur iste libellus? Solam Leodiensem Ecclesiam & Diœcesin Bullæ Urbani IV. morem gessisse, & solennitatem Corporis Christi celebrasse. Omnes autem alias Ecclesias obsequium detrectasse, & que ad Tempora Ioannis 22. Papæ, & ab hoc demum tempore festum istud cum Processione ab omnibus Ecclesiis obitum esse. Graue testimonium; quod tamen credibile est huic Auctori extortum nimio amore in Ecclesiam Leodiensem, cuius erga Vrba-

num IV. olim huius Ecclesiæ Archidiaconum, obseruantiam singularem, & præ cæteris omnibus parendi studium, hunc in modum commendare studuerit. Quis enim sibi persuadeat, nullas, præter Leodiensem, Ecclesias, summo pastori ad rem tam piam & salutarem suscipiendam, subditos, auctoritate Pontificia, commonefacienti, obtemperasse. Non ipsas Ecclesias Italicas. Non ipsam Vrbeuetanam? In hac enim hoc Festum ab Urbano institutum esse, scribit ad Platinam Onuphrius.

Vidit hunc nodum ipsemet Diestemius; itaque Articulo decimo sui libelli eum soluere tentauit; nescio tamen num soluerit. Accipe eius verba: *Posses querere aliquis: cum dicatur in superioribus, quod ante tempus Domini Ioannis Papa XXII, nullibi celebrabatur de institutione venerabilis Sacramentifestum, præterquam in Diœcesi Leodiensi, quomodo non saltem in Romana Ecclesia solennizabatur, cum id Papa de cōsensu Cardinalium mandasset. Respondetur, quod Papa Urbanus IV. in Pontificatu Apostolico sedit duntaxat annis tribus, mense uno, diebus septem, & Epistola missa Domina Eua scripta est Anno Pontificatus sui Quarto, VI. Idus Septembris, ac per hoc in fine vitæ eius, & sic eo mortuo, omnis eius iussio mortuum eo videbatur, cū executio nulla ante eius obitum facta fuisset. Hæc Diestemius.*

Quæ non videntur satisfacere; nam licet Urbanus sub postremum vitæ suæ tempus ad Euam scripserit, non tamen sequitur, Festum corporis Christi non fuisse citius institutum ac promulgatum; imo ante datam illam epistolam institutum & passim indictum promulgatumque fuisse, planum apertumque fit ex illis ipsis literis Urbani, prout Articulo 8. à

Dieste-

Dieſtemio recitantur; dicit enim Pontifex, ſe literas inſtitutionis per vniuerſum orbem direxiſſe: qui mox iſta ſubiungit. *Et ſcias, quod nos huiusmodi Feſtum cum omnibus fratribus noſtris ſancta Romana Eccleſia Cardinalibus, nec non cum omnibus Archiepiſcopis & Episcopis, caterisque Eccleſiarum Prælatiſ tunc apud Apoſtolicam Sedem commorantibus (ad hoc, vt videntibus & audientibus de tanti feſti celebritate ſalubre præberetur exemplum) duximus celebrandum.*

Ex quibus dilucidè apparet, Feſtum hoc non modo ſatis diu ante miſſas ad Euam literas inſtitutum, ſed & reipſa ſolenniter ab Urbano celebratum fuiſſe; vt quotquot tunc in Curia degebant, exemplum huius feſti colendi inde ſumerent. Quocirca licet Urbanus poſt literas ad Euam ſcriptas, vix menſem vnum ſuperuixerit, non tamen neceſſe erat, vt cum moriente conſtitutio de hoc feſto intermoreretur, cum iam, vt teſtatur ipſemet Urbanus; literæ Apoſtolicæ de feſti huius inſtitutione quoquo verſus miſſæ, & in omnes Chriſtiani orbis partes diſperſæ fuerint.

Denique, licet verum eſſet, quod Ioannes Dieſtemius ſcriptum reliquit, non tamen idè Caluſtinius à mendacio liber euaderet: quia apertè indicauit, feſtū hoc eam ob cauſſam ab Eccleſiis reiectum eſſe, quod illud, ſi non omninò friuolum & vanum; at certè inutile ac ſupernacuum exiſtimarent; quaſi de culu & veneratione huius ſacramenti non ſenſiſſent id quod hodie orthodoxi ſentiunt. Quod à veritate alieniſſimum eſſe aio. Genebrardus te parum iuuat. Nam quod ex Chronicis Boſſij memorat; hæc ad circumgeſtationem Sacramenti, etiam extra Corporis Chriſti ſolen-

solenne usurpatam, prout hoc quoque æuo alicubi usurpatur,) referri potest. Quid, quod ipsemet Calvinista in Farragine sua sacramentaria, ex eo, quòd Genebrardus in sua Chronologia scribit, proprium & distinctum festum procudit? Nam postquàm de festo corporis Christi, & circumgestatione Eucharistiæ in ea adhiberi consueta, non paucas Pseudologias & lœdorias effutiuiisset, tandem facta noua Epigraphe, & quidem grandioribus literis, DE LVSTRATIONE SACRAMENTI; ex Genebrardo, tanquam de peculiari solennitate scribere ingreditur.

Negat Hospinianus, *Processionem corporis Christi & sacramenti circumgestationem ab Urbano IV. institutam esse.* O malè & inconsideratè factum; quia si Urbanus huic festo processionem & circumgestationem venerabilis sacramenti adiecisset, iam Calvinicola iste cum suis in Zvvinglianis vinetis seu potius spinetis, *collaboratoribus*, festum corporis Christi omnibus locis vnde expulsum est, restitueret, & ipse forsàn nudipes, supplicationem hanc obire non refugeret. Nunc cū ista à posterioribus Pontificibus accesserint, nauseat Prædicans, festumque vna cum vniuersis ritibus repudiat. Et si autem scio, etiam ex Catholicis esse qui processionem ad Ioannem, XXII. velut ad Auctorem reuocent; mihi tamen, vrantea in libro de Processionibus, ita & nunc vero propius videtur, Urbanum IV. Festum hoc non sine processione & sacramenti circumgestatione instituisse & indixisse. Rationes sententiæ meæ exposui in opere de processionibus. Contra quas quidquid Calvinista vociferatur, id tandem huc recidit.

Vocabu-

Vocabula processionis & circumgestationis nō comparent in Bulla Urbani IV. ergo Urbanus IV. non est auctor processionis & circumgestationis. Item. Urbanus IV. in sua constitutione non mandat, ut hostia per octo dies Monstrantia inclusa populo monstretur; ergo hoc fit contra primariam huius festi institutionem.

Verumenimvero fatuum & funginum est, vocabula requirere, ubi res ipsa in promptu est: ut sanè est in Bulla Urbani IV. si quis mentem advertere velit, quemadmodum in opere de processionibus demonstraui: nam inter cæteras causas, quibus Pontifex impulsus, Festiuitatem hanc indixit, hæc quoque vna fuit; & quidem specialis, ut hæreticorum perfidia & insania confundatur; hinc statuit, ut in ipsa quinta feria post octauam Pêtecostesturba fidelium ad Ecclesias affectuosè concurrant & tam clerici, quàm populi gaudentes in canticis laudum surgant: ita ut omnium corda & vota, ora & labia, hymnos persoluant letitia singularis. fidesq; tunc psallat, spes tripudiet, exultet charitas, deuotio plaudat, iubilet chorus, puritas incundetur. At hoc potissimum fit in processione & circumgestatione sacramenti; neque est ad hæc etiam præstanda aptius & conuenientius medium quàm processio & venerabilis sacramenti circumgestatio: nā tunc Hæretici velint, nolint, pompā sacram, & publicam confessionem orthodoxæ fidei palam, spectare vel audire, coguntur, non sine animi cruciatu, dum quod ipsi impiè & blasphemè aspernantur; tanto honore & cultu palam à fidelibus affici conspiciunt; qui si omnia intra templorum spatia, duntaxat peragerentur; haud tanto rubore perfunderentur, quia ab aditu Ecclesiarum abstinere, & se domi

domi suæ continere possent. Nunc cum cultus iste augustissimo sacramento dedicatus, per plateas & compita urbium & oppidorum summa cum celebritate & populi frequentia omnium oculis subiiciatur, necesse est, ut hæreticus videat, & irascatur, dentibusque suis fremat, & tabescat.

Quid insuper accommodatius est ad pietatem plebis excitandam, hymnosque diuinæ in mortaliū genus clementiæ alacriter decantandos, quam si sacratissima hostia, octo illis diebus, huic solennitati consecratis, oculis fidelium pateat: ut tantum mysterium non modò mente recolant, sed & ipso visu vsurpent?

Cæterum de hoc ipso festo pulchrè admodum & piè scribit synodus Tridentina sess. 13. cap. 5. cuius verba cum Urbani Papæ dictis concinnè concinentia in gratiam sectariorum huc transferbere lubet: *Declarat præterea sancta synodus, piè & religiosè admodum in Dei Ecclesiam inductum fuisse hunc morem, ut singulis annis peculiari quodam, & festo die præcelsum hoc, & venerabile sacramentum singulari veneratione, ac solennitate celebraretur; utque in processionibus reuerenter, & honorificè illud per vias & loca publica circumferretur, Aequissimum est enim sacros aliquos statutos esse dies, cum Christiani omnes singulari, ac rara quadam significatione, grates & memores testentur animos erga communem Dominum & Redemptorem pro tam ineffabili, & planè diuino beneficio, quo mortis eius victoria, & triumphus representatur. Atque sic quidem oportuit victtricem veritatem de mendacio & hærestri triumphum agere: ut etius aduersarii in conspectu tanti splendoris, & in tanta vniuersa Ecclesia latitia positi, vel debilitati & fracti tabescant*

scant vel pudore affecti & confusi, aliquando respiscant.
Hæc synodus Tridentina.

Quam autē latē hæreseos venenum temporibus Urbani IV. serpsit, perspicuum fit ex alia quadam Urbani IV. constitutione, qua per Lombardiam & Marchiam inquisitores hæreticæ prauitatis instituit. Extat in Magno Bullario Romæ excuso.

Quæ Calvinianus de communione sub vtraque specie ingerit, ea protrita sunt Prædicantium pulpa-menta. Vix est vllum in omnibus controuersijs caput, in quo mendaciloquentiæ suæ Prædicantes liberius habenas laxent. Hinc non ita pridem Lutheranus quidam Logodulus, non procul hinc, in hanc disceptionem ingressus, ausus est contralijs audientibus, tum præsentē clarissimo quodam Ingolstadiensis Academiae Professore, palam iactare, se ad Papistas transiturum, si vel vnus scriptor produceretur, cuius testimonio constaret, Eucharistiam sub vna duntaxat specie laicis ante Concilium Constantiense datam esse: sed en loco vnus senos; idque ex tempore; nam si bis senos vel bis bis senos velit, non erimus in mora: Constantiense concilium inchoatū est Anno Domini 1415. Anno MCCCLVII. obiit Thomas Argentinensis; Is lib. 4. sentent. dist. 11. quæst. 2. art. 3. scribit; *Communi populo secundum consuetudinem Romanae Ecclesiae veritas corporis & sanguinis datur tantummodo sub specie panis: & hoc, propter vitandum periculum effusionis.*

Anno MCCC. floruit Nicolaus de Lyra; qui in caput VI. Ioann. *Prouidē ordinatum est, ait, ut populus non communicet sub specie vini, propter periculum effusionis.*

S. Bonaventura obiit in Concilio Lugdunensi anno M. CC. LXXIV. Is, in lib. 4. sentent. dist. 1. t. part. 2. art. 1. q. 2. *Nec oportet, inquit, quod fideles recipiant utramq; speciem, propter periculum effusionis & erroris, quia, non crederent simplices in altera specie totum se Christum recipere.*

Alexander Alensis, præceptor S. Bonaventuræ, parte 4. memb. 2. a. 4. §. 3. *Quia Christus, ait, integrè sumitur sub utraq; specie, bene licet sumere corpus Christi sub specie panis tantum sicut ferè ubiq; fit à laicis in Ecclesia.*

S. Thomas Aquinas obiit anno M. CC. LXXIV. adeoq; annis LXXI. ante Concilium Constantiense; in Opusculo de sacramento Altaris cap. 29. querit; *Quare populus non accipit sanguinem sub specie vini, sicut sacerdos? Huius triplex est ratio, &c.*

Rodolphus Abbas de S. Trudone, qui floruit CCC. annis ante Concilium Constantiense; de hoc Sacramento canit;

Hic & ibi cautela fuit, ne Presbyter agris,

Aut sanis tribuat laicis de sanguine Christi?

Namq; potest fundi leniter, simplexq; putaret,

Quod non sub specie Iesus sit totus utraq.

Quid restat, nisi ut Prædicans ille dictis manens promissâ exsoluat; & Dulologus esse desinat: quod optare magis, quàm sperare licet; quia quæ mente & religio ne plerunque talia pollicentur, eadem quoque pollicitis satisfaciunt.

Verum, ut ad Calvinianum Cauponem reuertar, valde mihi probatur quamvis verbosus, subtilis tamen, quem architectatus est, syllogismus: quem si circumcidere non nihil, & in summam redigere velis,

velis, hoc schemate prodire videbis. *Omnia sacramenta veteris & novi Testamenti consistunt in actione. Eucharistia est sacramentum. Ergo Eucharistia consistit in actione.* Tolle igitur à coena δέσιν & λήϊν, dationem & sumptionem, & non habebis veram rationem sacramenti. Subtiliter. Cui tamen hoc vnum deesse video, quod propositio Maior non probatur; nisi fortè probationis vicem supplet, quod ais: Christus dixit: *Accipite & comedite. Sed dare, accipere & comedere sunt actiones: Eucharistia igitur in actione consistit.* Iterum acutè: nisi igitur Apostoli accepissent & comedissent, verba Christi; *Hoc est corpus meum: Hic est sanguis meus:* falsa fuissent, & ita in Apostolorum potestate erat, verba veritatis efficere falsa, quia potuissent non accipere: Si ante sumptionem & manducationem Christus verè de eo, quod dabat, affirmavit; *hoc est corpus meum; & hic est sanguis meus;* verè ergo ante sumptionem sacramentum erat; hoc est, practicum signum spiritualis nutrimenti & refecutionis.

Phantasma illud inanissimum, quod Cometa ante obitum Urbani Papæ visus, institutionem huius festi portenderit, refutaui in opere de Processionibus. Quod tamen Calvinista denuo nobis ingerit, addito de Cometarum significatione non modico auctario, tempestiuè scilicet. Sed nosse debebat inscitus Prædicans, stellas crinitas non tantum infausa, sed & aliquando fausta nunciare; teste Origene l. 4. contra Celsum, ubi ait, *legimus in Charemonis Stoici commentario, quem de cometis conscripsit, quomodo interdum etiam res bonas futuras exorti cometa præsigna-*

uerint, idque declarat exemplis petitis ex historiis. Certe si quis cometa alicuius Papæ supremum diem præmonstraret, minus id quivis de Caluini schola pro sinistro omine duceret, quàm si talis stella mortem principis Turcarum denuntiaret. Licet igitur stella illa, quæ tempore Urbani IV. apparuit, festum corporis Christi præsignificasset, non illico colligere liceret, festum hoc mundo, tanquam summum malum, inuectum esse. Nam & stella, quæ Christo nato exstitit, noua fuit, nec ulli è notis illis similis, quæ vel in firmamento sunt, vel in orbibus inferioribus; sed eius generis, quales cometa visuntur temporanei, Docides, Pogonia, Pirhi, aut quomodocunq; libet Græcis variis nominibus signare horum differentes figuras; vt scribit loco cit. Origenes; & tamen præter Celsum & Celsistas, nemo tam impius erit, qui stellam illam signum infortunatæ rei fuisse dicat.

Adhæc qua fronte, nisi Calviniana, asseuerat Hospinianus, Cometam istum prænunciasse institutionem huius festi tanquam rem Ecclesiæ perniciosam, cū probare nequeat stellam hanc prius illuxisse, quàm Urbanus IV. festum corporis Christi lege lata sanciret, ac promulgaret? Nam Cometa iste apparuit Anno 1264. Et in Italia primum visus est 6. Kalendas Augusti, hoc est, 17. die Iulij; licet in Gallijs citius visus fuerit nempe 16. Kalend. Augusti, hoc est, 17. die Iulij, vt scribit, qui tunc viuebat, Thierricus Vallicolor, in libello quem ligata oratione de rebus gestis Urbani IV. edidit, ad Antherum, tituli sanctæ Praxedis Presbyterum Cardinalem, nepotem Urbani IV. quod opusculum Historiæ Pontificum inseruit Papyrius Massonus, luxitque

xitque hæc stella in Italia 70. dies, vt idem Thierri-
cus testatur, hoc est, duos dies vltra obitum Vrbani;
qui excessit altero die mensis Octobris. Si igitur
Caluinista nobis persuadere cupit, Cometam hunc
fuisse infauitum argumentum solennitatis huius in-
stituendæ, necesse erit, vt probet, Vrbani festum
hoc instituisse, nõ nisi intra 70. dierum illorum spa-
tium, quo stella hæc apparuit. Nam si prius instituit,
Cometa subsequens non potuit eius, tanquam mali
futuri, indicium esse; neque enim cometæ præteri-
ta, sed futura portendere ac nunciare censentur., vt
liquet ex illis ipsis Auctorum testimoniis, quæ Ho-
spinianus produxit. At vnde, vel cuius auctoritate
hoc nobis Caluinista probatum dabit? Instituit qui-
dem Vrbani Festum Corporis Christi Anno tertio
& vltimo sui Pontificatus, vt idem Thierricus scri-
bit, hoc est, Anno Redemptoris M. C. C. LXI V. sed
quod ante exortum Cometæ non instituerit, hoc
nimirum est, quod Hæreticus quidem affirmabit,
nunq̃ autem demonstrabit. Nam probabile est, Vr-
banū Pontificem celebrasse Festū Corporis Christi
ipsa Feria Quinta post festum SS. Trinitatis; constat
enim ex literis ad Euam *Ascetiam* datis, Pontificem
hoc Festum non tantum instituisse & indixisse, sed
etiam summa Pompa cum tota sua Curia celebrasse,
vt Ecclesia Principalis cæteris exemplo anteiret.

Adde, quod qui tum vitam agebant, longè me-
lius scierint, cuius rei hic cometa signū esset, quàm
tot annis post, Turegiensis Caluinista. Audi Thier-
ricum.

Post hæc dicenda sunt stella signa comatæ,

Quæ mortem tantis nos docuere viri.

*Eius enim morbum monstrauit visio, mortem
Defectus sicut tempora certa probant, &c.
Apparente quidem prædicta luce cometa,
Inuasit Dominum continuando dolor, &c.
Quo moriente, velut mortem cognosceret eius,
Apparens minimè stella comata fuit.
Vnde putet rectè Dominum regnasse, tacere
Cuius tot signa non potuere necem.*

Et hæc hæctenus.

C A P V T XIII.

*De pietate veterum Vngarorum in obser-
uandis diebus Dominicis, alijsq; festis.*

DE obseruantia veterum Regum ac Principum in diem Dominicum & alia festa, dixi & scripsi passim in Opere de Festis, præsertim lib. 1. cap. 13. vbi Regum & Principum quorundam Leges nonnullas de celebrando die Dominico recitavi. Interea incidi in similia statuta & edicta Regum potentissimæ Hungaricæ nationis, quorum catalogū hic texere operæpretium visum est, ut videant hodierni Vngari, qui Luthero, vel Caluino, vel Serueto sese addixerunt, quàm longè à maiorum suorum semita auj abeant. Nec debet hoc intempestiuum videri, cum lucubratio ista, quam nunc euulgamus, nihil aliud sit, quàm Librorum de Festis *Mantissa, & Auclarium.*

De Dominica igitur die hanc legem tulit sanctissimus Rex Stephanus lib. 2. Decretorum cap. 7. *Si quis Presbyter, vel Comes, siue aliqua alia persona fidelis, die*

Domi-

*Dominica inuenerit quemlibet laborantem, abigatur: si verò cum bobus, tollatur sibi bos, & ciuibus ad manducandum detur. Si autem cum equis, tollatur equus, quem Dominus boue redimat, si velit, & idem bos manducetur, ut dictum est. Si qui aliis instrumentis, tollantur instrumenta & vestimenta; qua, si velit, * cum cute redimat.*

* mit der Haut
bezahlen.

Mox cap. 8. A Sacerdotibus verò & Comitibus commendetur omnibus villicis, ita ut ipsorum iussu omnes concurrant die Dominica ad Ecclesiam, maiores & minores, viri & mulieres, exceptis illis, qui ignes custodiant. Si quis verò obstinatus remanebit, propter illorum negligentiam vapulent, & depilentur.

Quanta verò pietatis testimonium est hæc lex, quæ cap. 18. exstat. Si qui ad Ecclesiam venientes, ad audiendum diuinum officium, & ibidem hora solennitatis missarum inter se murmurant, & ceteros inquietant, exponentes fabulas ociosas, & non intendentes diuinas lectiones, cum Ecclesiastico nutrimento: si maiores sunt, increpati cum dedecore expellantur de Ecclesia: si verò minores, & vulgares, in atrio Ecclesia, pro tanta temeritate, coram omnibus ligentur, & corripiantur flagellis.

Nec minus pias eadem de re legestulit S. L. adiffilauis cum vniuersis Regni sui Pontificibus & Abbatibus, Anno Redemptoris M. XCII. Ex quibus considera istam cap. 11. lib. 1. Si quis in Dominicis diebus, aut in maioribus festiuitatibus, ad Ecclesiam non venerit parochialem, verberibus corripatur. Si verò villa remota fuerint, & ad Ecclesiam suam parochialem Villani venire non potuerint; unus tamen ex eis, nomine omnium, baculo ad Ecclesiam veniat, & tres panes, & candelam ad altare afferat.

Et

Et hanc cap. 12. Si quis in his diebus venatus fuerit canibus, equo careat, sed equum boue redimat. Si vero Presbyter aut Clericus fuerit venatus, ab ordine descendat usque ad satisfactionem.

Adde & istam cap. 15. Si quis in Dominicis diebus, vel in maioribus festiuitatibus Ecclesiam negligens mercatum frequentauerit, equo careat.

Nec silenda hæc cap. 16. si quis die Dominica mercatum constituerit, præcipit sancta Synodus, ut, sicut construxit, ita destruat. Si autem quis renuit, quinquaginta pensas soluat.

Est & hæc lex plena pietatis cap. 25. Si quis Dominicum diem non obseruauerit, & dies festos non seruauerit, aut quatuor tempora, & vigilias non ieiunauerit, aut mortuos suos ad Ecclesiam non sepelierit, duodecim dies pane & aqua pæniteat in cippo. Si Dominus serui sui corpus, aut Villicus pauperis Villani, vel hospitis, ad Ecclesiam non detulerit, tantumdem pæniteat.

Commendanda est etiam ista hæc cap. 26. Si in die Dominico, aut aliis maioribus Festiuitatibus, Iudeum laborantem aliquid inuenerit; ne, scandalizetur Christianitas, cum quibus instrumentis laborauerit, illa amittat.

Seuerius adhuc cum Iudæis actum est lib. 12. Legis Wisigothorum tit. 3. cap. 6. In nullo est dubium, illud manifestè fidei Catholica aduersari, qui reuerentiam diebus Dominicis non impendit. Vnde negatores, vel disturbatores fidei nostra iustissimè insequentes, id religiosa sanctione iubemus; ut, siue sit Iudæus, siue Iudæa, quodlibet opus ruraliter diebus Dominicis exercens, vel lanificia faciens, seu quasunque operationes in domibus, agris, vel cæteris talibus agens, extra quam nobilium honesta Christianorum consuetudo permittit, præsumptor huius rei decaluatus verberibus

beribus centenis subiaceat. Quod si forsitan serui eorum, vel ancilla in his, & talibus diebus reperiantur supradictis laboribus occupati, tunc & ipsi simili sunt sententia feriendi, Domini tamen eorum si seruos suos permiserint talia agere, centum solidos auri fisco compellendi sunt reddere. Dies tamen ipsi, qui ab iisdem Iudæis sollicita deuotione sunt seruandi, hi sunt: id est; Festum sanctæ Virginis Maria, quo gloriosa conceptio eiusdem genitricis Domini celebratur. Item, Natalis Christi, vel Circumcisionis, vel Apparitionis sue dies. Pascha quoque sanctum, vel dies sacratissimi octauarum: Inventionis quoque sanctæ Crucis Dominica festum, nec non & Ascensionis Dominica diem, vel Pentecosten, seu etiam concurrentes toto anno dies Dominicos, religiosa Christi fide venerabiles.

Ladislai in super pietatem testatur hæc de Festis sanctio cap. 38. Ista verò festiuitates seruanda sunt per annum; Natiuitas Domini, S. Stephani Protomartyris, S. Ioannis Euangelista, SS. Innocentum, Circumcisio Domini, Epiphania cum Vigilia, Purificatio S. Mariae, in Pascha quatuor dies, S. Georgij Martyris, Philippi & Iacobi cum Vigilia, Inuentio S. Crucis, Ascensio Domini, Pentecoste quatuor dies, S. Ioannis Baptista, Petri & Pauli vna die, S. Iacobi, S. Laurentij, Assumptio S. Mariae, Exaltatio S. Crucis, S. Matthæi Apostoli, S. Gerhardi Episcopi, S. Michaelis Archangeli, SS. Simonis & Iudæ, Omnium Sanctorum, S. Emerici Ducis, S. Martini, S. Andrea, S. Nicolai, S. Thomæ Apostoli. Et vnaquæque parochia suum Patronum, & Dedicationem Ecclesie celebret.

Ad peculiare Hungarorum dies festos pertinet hæc eiusdem Ladislai Regis lex cap. 37. In hac verò sancta synodo à venerabili Rege Ladislao statutum est, & vniuersis Episcopis collaudatum, & canonizatum, ut Vigilia

celebrentur B. Stephani Regis, & Gerhardi Martyrii, quo die passus est, & tres dies ad festiuitatem S. Martini: & quod patronus suus Andreas Rex cum omnibus, qui tunc erant Episcopi, vouit, & statuit, ipse Rex Christianissimus destruere noluit, sed firmus perdurauit, trium dierum Vigiliam ad festiuitatem S. Petri.

Inter Colomanni Regis Leges lib. 2. legitur ista. Si quis festo vendiderit, pretium acceptum quadruplo restituat: ipse vero pœnitentia subiaceat. Item: Si quis descriptas festiuitates non celebrauerit, sic iudicetur in eum, ut si liber est, tribus diebus pœniteat: si seruus, septem plagis mulctetur.

Inter Decreta Regis Andree Anno M. CC. XXII. promulgata reperitur etiam istud. *Ut annuatim in festo sancti Regis (Stephani) nisi arduo negotio ingruente, vel infirmitate fuerimus prohibiti, Alba teneamus solennizare: Et si nos interesse non poterimus, Palatinus proculdubio ibi erit pro nobis, & vice nostra causas audiet, & omnes seruientes, qui voluerint, liberè illic conueniant.*

Hæc dum de prisca Vngarorum pietate considero, acclamare iis, qui ab illa deflexerunt, cogor illud Isaïæ cap. 51. *Attendite ad Petram, unde excisistis, & ad cauernam laci, de qua praeisistis. Attendite ad Abraham, (ad S. Stephanum, S. Ladislaum, & alios Reges) Patrem vestrum, & ad Saram (ad Catholicam Ecclesiam) qua peperit vos; quia unum vocaui eum, & benedixi ei, & multiplicavi eum.* Quando enim maior benedictio & status florentior in Pannonia fuit, quàm cum supra dictæ Leges quàm maximè vigeabant, nullo Luthe-ro, nullo Caluino, nulloque Serueto religionem pacemque publicam & quietem funestis suis sectis inter turbante? Certè, quotquot, maiorum suorum vestigiis

stigiis neglectis, Nouatores istos affectantur, iure
 comminationem illam Hebræis olim factam Deu-
 teron. 29. metuere possunt. *Adducet Dominus super te*
gentem de longinquo, & de extremis terra finibus, in simi-
litudinem aquila volantis cum impetu, cuius linguam intel-
ligere non possis, gentem procacissimam, qua non deserat se-
ni, nec misereatur paruuli, & deuoret fructum iumentorum
tuorum, ac fruges terræ tuæ, donec intereas, & nō relinquat
tibi triticum, vinum, & oleum, armenta bouum, & greges o-
uium, donec te disperdat & conterat in cunctis urbibus tuis,
& destruantur muri tui firmi & sublimes, in quibus habe-
bas fiduciam in omni terra tua. Vtinam hæc commina-
tio in multorum capita iam reipsa non expetiisset.

In professione fidei, quæ Iudæis ad Christianam
 religionem conuersis præscribitur, lib. 12. Legum
 Wisigothorū tit. vlt. cap. 14. hæc etiam clausula con-
 tinetur: *Sed & in festinitatibus Dominicis, sine etiam in*
Martyrum festis, quas Christiana religionis pietas obser-
uandas decreuit, ita promitto eas ipsas festinitates deuotè
suscipere, & cum summo amore amplecti, & in his ipsis die-
bus semper cum Christianis honestissimis interesse: sicut ho-
nesta & pia Christianorum consuetudo id faceret, vel susci-
pere consueuit.

In iisdem Wisigothorum legibus lib. 2. tit. 1. cap.
 11. hæc sanctio exstat. *Die Dominico neminem liceat ex-*
secutione constringi, quia, omnes causas religio debet exclu-
dere. In quo nullus, ad causam dicendam, neque propter ali-
quod debitum fortasse soluendum, quenquā inquietare præ-
sumat. Diebus Paschalibus nulla patimur quemlibet execu-
tionem teneri, id est, per 15. dies, septem, qui Paschalem solem-
nitatem præcedunt, & septem alios, qui sequuntur. Natiui-
tatis quoque Domini, Circumcisionis, Epiphaniæ, Ascensio-

vis & Pentecostes, singuli dies simili reuerentiâ venerentur. Nec non & promessiuis feriis à 15. Kal. Augusti usque ad 15. Kal. Septembris. In Carthaginensi verò provincia propter locustarum vastationem assiduam, à 15. Kal. Iulij, usque ad 15. Kal. Augusti messiuas ferias, precipimus observandas. Et propter vindemias colligendas, à 15. Kal. Octobris usque ad 15. Kal. Nouembris. Omnibus hac constitutione concedimus, ut per hac tempora nullus ad causam dicendam venire cogatur; vel sub executione aliqua deputetur, nisi fortè causa, de qua compellitur, ceptam iam apud Iudicem fuisse videatur. Nam proculdubio si inchoata fuisse actio reperitur, ad peragendum negotium absque vlla feriatorum dierum obiectione cogendus est ille, qui pulsatur. Ita vt si persona est cui facile credi possit, placito districtus abscedat: Si verò sit, de cuius fide dubitetur, pro se fideiussorem adhibeat, quatenus peractis temporibus supradictis, ad finiendam cum petitor causam, ubi iudex elegerit, remota dilatione occurrat: prater, qui tale crimen admiserint, quos necesse sit sententia mortis puniri. Qui etiam in talibus omnino diebus & comprehendendi sunt, & ardua in vinculis custodiari retinendi, quousque peracto die Dominico, vel Feriis supradictis, debita subsequatur eos ultio iudicantis.

Hæc omnia satis sunt consentanea illis, quæ de cessatione iudiciorum, forensisque strepitus diebus Festis sanxit ius Canonicum Extra, de Feriis: Vbi in cap. Conquestus inter festa Ecclesiæ, & ferias, quæ messis vel vindemiæ causa indicuntur, discrimen statuitur, nam Feriis vindemialibus & messis, partes renunciare possunt; quia tales feriæ non sunt Ecclesiasticæ, sed politicæ; at feriis ab Ecclesiâ institutis, Deoque & alicui cælitum dedicatis, litigantes renunciare non possunt; quod in cap. Conquestus indicatur his verbis:

verbis: *Quibus utiq; solennibus feriis* (quæ in capite illo recensentur) *nisi necessitas urgeat vel pietas suadeat, usq; adeo cõuenit ab huiusmodi* (à iudicio & strepitu forẽ) *abstinere, ut consentientibus etiam partibus, nec processus habitus teneat, nec sententia, quam contingit diebus huiusmodi promulgari. Licet diebus feriatis, qui gratia vindemiarum vel messium ob necessitates hominum indulgentur, procedi valeat, si de partium processerit voluntate.*

De pietate Imperatorum & Regum Francicorum erga diem Dominicum & alia festa dixi libro 1. de Festis. Vide de iisdem cap. 164. lib. 1. Capitularium Francicorum, ubi per *octauas Domini*, intelligitur. Circumcisio Domini, quæ est octaua Natiuitatis. Ut & lib. 2. cap. 35. Et quamuis prædicto capite libri primi de festo Assumptionis nihil decernatur, sed tota res sub dubio relinquatur: libro tamen secundo cap. 35. festum hoc absolutè inter dies festos collocatur. Vide etiam cap. 88. libri 3. Et cap. 202. lib. 6. Et cap. 9. Additionis secundæ ad librum septimum Capitularium Francicorum. Consule insuper lib. 3. Cod. Iustiniani, Tit. 12. & lib. 2. Cod. Theodosiani Tit. 8. qui sunt *de ferijs*, & Constitutionem Emmanuelis Imp. Constantinop. *de Ferijs*, quæ existat in Nomocanone Photij.


F I N I S.

P R O L I B R I S D E F E S T I S.

- P. 111. v. 21. sic lege, seu speciali præcepto de observatione Festi.
 p. 112. v. 10. Nam præceptum diuinum & Ecclesiasticum de sanctificando festo.
 Ibid. v. 15. lex diuina Ecclesiastica de festis. (quamuis lex Ecclesiastica posituum quiddam insuper præcipiat, nimirum ut diebus festis Missa audiat.)



LECTORI.

 *Um hoc ipso Redemptoris Anno*
M. DC. XII. Monachij, quæ Bo-
riorum Metropolis est, Processio corporis
Christi splendidissime peracta sit, eiusque
sacratissima pompa diagramma seu deline-
atio quadam Latine prodierit, nihil alienum
ab instituto me facturum credidi, si descri-
ptionem illam huic lucubratiuncule appen-
dicis loco, annecterem, ut qui supplicatio-
nem illam presentes nunquam viderunt;
in charta quoquo modo verbis adumbra-
tam intueantur; & ad laudes Deo de-
cantandas inflammetur: quod ut à Catho-
licis iure spero, ita à Nouatoribus, plerisque
saltem, nihil aliud expecto, quam illud pro-
ditoris Iudæ. Ut quid perditio hæc? pote-
rat enim istud venumdari multò, & dari
pauperibus. Dixit autem hoc, non quia
de egenis pertinebat ad eum, sed
quia fur erat, &c. Ioan. 12.

POMPA

119
POMPA EVCHARISTICA.

Siue

SVMMARIVM

**CELEBRATISSI-
MÆ CATHOLICORVM
SVPPPLICATIONIS, QVÆ CER-
TIS ANNORVM INTERVALLIS, IN
HONOREM SANCTISSIMÆ EVCHARISTIÆ,
Sacratissimo Corporis Christi Festo MONA-
CHII BAVARORVM, memorabili rerum
Vtriusq; Testamenti spectacu-
lo institui solet.**

HOC ANNO M. DC. XII.

augustinus repetita.



S. Augustinus ad Psal. XGVIII.

Via Psalmus mihi dicit, ADORA-
TE SCABELLUM PEDVM EIVS.
Quaro, quid sit SCABELLUM PE-
DVM EIVS? Et dicit mihi Scriptura: TER-
RA SCABELLUM PEDVM MEORVM; fluctu-
ans conuerto me ad Christum, quia ipsum
quaro hic Et inuenio, quo modo sine impieta-
te adoretur terra, sine impietate adoretur
scabellum pedum eius. Suscepit enim de ter-
ra terram, quia caro de terra, Et de carne
MARIE carnem accepit. Et quia in ipsa car-
ne hic ambulauit Et ipsam carnem mandu-
canda nobis ad salutem dedit: nemo autem il-
lam carnem manducat, nisi prius ADORAVE-
RIT: inuentum est, quemadmodum adoretur
tale scabellum pedum Domini, Et, NON SO-
LVM NON PECCEMVS ADORANDO, SED
PECCEMVS NON ADORANDO.

S. Ambrosius lib. III. de Spiritu
Sancto Cap. XII.

Ernem, quam Apostoli in Domino
IESV ADORAVNT, hodie quoque in
mysteriis ADORAMVS.



PRÆAMBVLVM.



Ompam omnem per designatas plateas, velut ductores, præeunt duo Senatorij Ordinis.

Equitum turma Civicz.


Quaterni Tubicines, vrbis Insignia in veste ac instrumento ostentantes.

Proximus his Consul cum suo satellitio subit.

Tres Pompe Coriphæi, cum visenda magnitudinis Labaro, in quo Sacratissimæ Eucharistiæ imago descripta.

Admirandæ vastitatis Gigas edito colli insidet, præferens vmbonem, in quo compendiaria Pompe perigraphæ.

Tribus civiles magno numero cum luminari-
bus præaltis, suis singulæ vestibus, ac sertis floridis
discolores.



FIGVRÆ TESTAMENTI VETERIS.



I. Iuina Orbis ac Cœli Elementorumq; Creatio. Gen. I. *Piscatores cum
Vexillifero suo.*

II.

Adami ac Euzob vetitum pomi esum, ex paradiso deliciarum exturbatio. Gen. 3. *Pictores suorum
dolorum.*

Q

III. Caini

III.

Ratiarj. Caini Parricidium, qui fratris sui Abelis innocuum cruorem fudit. Gen. 4.

IV.

Scrimiarj. Arca Noë, in qua omne animantium ac hominum genus, veteris diluuij indices. Gen. 7.

V.

*Cementarj si-
ue fabrimura-
rj.* Sacrificium Melchisedeci Mysticum, quo sacra Missæ per Christum institutio repræsentata. Gen. 14.

VI.

Tornarj. Sanctus Abraham, qui de tribus sibi comparen-
tibus Angelis, vnicum duntaxat adorauit. Gen. 18.

VII.

Pomarj. Lothi filiarum à nefario Sodomorum scelere vindicatio. Gen. 19.

VIII.

Fabri lignarj. Magni Abrahami Patriarchæ Sacrificium, quo suum vnigenam Isaac, æterno Obedientiæ exemplo, Diuino Numini victimam stitit. Gen. 22.

IX.

Acusator. Rebecca Iacobum erudiens, quâ arte apud Isaacum Fratris sui primigenia præuertat. Gen. 27.

X.

Planstrarj. Iacob Patriarcha, dum in aperto viarum campo ex lassitudine obdormiscit, Cœlestes Olympi Genios, aspectabili ad se forma descendentes intuetur. Gen. 28.

XI.

Frumentarj. In memorabili rerum omnium annonâ ac fame, Iosephi filij sui subsidio in Ægyptum adueniēs Iacob, cum omni suo comitatu, in speratâ Pharaonis gratiâ beatur. Gen. 45. & 46.

XII.

Chirothecarj. Sanctus Iobus, è summâ rerum omnium opulentiâ,

lentiâ, ad extrema quæq; infortunia, amicorumque ludibria delapsus, æternum se mortalibus Patientiæ exemplum fecit. Iob 1. & 2.

XIII.

Mosi Patriarchæ diuinum se Numen in arden-
ti rubo ostendit, atq; Israëlitis ex Ægypto liberatio-
nem pollicetur, Exod. 3. *Stannarij & figuli.*

XIV.

Admiranda Mosaicæ Virgæ in serpentem trans-
mutatio. Exod. 4. *Balneariorum.*

XV.

Ritus ac Cæremoniæ priscæ, quibus agnus olim
paschalis absumi iussus, Exod. 12. *Pilearij.*

XVI.

Columna ignea, Israëlitarum nocturna dux,
Exod. 13. *Alutarij.*

XVII.

Ductore Mose, populus Israëliticus mare rubrū
sicco vestigio perambulat: Miles Pharaonis ab aquis
haustus interit. Exod. 14. *Laniiones infan-
riorum macelli.*

XVIII.

Famentem populum; sparso de cœlis pane Nu-
men affluenter reficit, Exod. 16.

XIX.

Idem per deserti sitienti obmurmurantiq; Moses
Virgæ percussu profluentem aperit. Exod. 17. *Coriarij.*

XX.

Moses in Monte Sinaitico geminas legum diui-
narum tabellas acceptat. Exod. 31. *Fabri Engulan-
rij & laminarij.*

XXI.

Israëlitarum Idololatriæ ad vitulum saltatio.
Exod. 32. *Laniiones fa-
riorum macelli.*

XXII.

Exploratâ promissionis terrâ, rediere quos Mo-
ses *Coqui papinarij.*

ses miserat, fertilitatis testem, vnam ingentem humeris portantes. Num. 13.

XXIII.

Calceolarij. Ex Principum Israëlitarum Virgis, per singularem Numinis dispensationem, vna Aaronica florescit. Num. 17.

XXIV.

Tindores. Mosaici serpentis aspectus omnes in deserto affectos sanat. Num. 21.

XXV.

Salicpropola. Formidabilis DEI Arca, ad cuius præsentiam, inter tubarum clangores muri Hierichuntis collapsi. Iosue 6.

XXVI.

Tenfores qui etiam Chirurgiam exercent. Post bimestrem Virginei pudoris deplorationem, Iephthæ castam filiæ suæ cervicem ferit. Iud. 11.

XXVII.

Ephippiarj & phalararj. Heroicum Davidis cum Goliathæ duellum. 1. Reg. 17.

XXVIII.

Abenarj. Elias in deserto per manus Angelicas pastus. 3. Reg. 19.

XXIX.

Cribrarj. Ionas Niniuitarum Propheta è Ceti visceribus rediit. Ion. 2.

XXX.

Cerastiarj. Iudith Bethulicæ cladis liberatrix, Holofernemense insignis & cruento capite ouans triumphat. Iud. 13.



FIGV.



FIGURÆ TESTAMENTI NOVI.

XXXI.



Ompam legis Nouæ, inter festiuos tubarum applausus, aperit Cæsar Octavianus Augustus, sub quo humani generis Assertor, suo ad mortales aduentu, vniuersum terrarum orbem beauit. Luc. 2.

*Compactores
librorū, mem-
brarūq̃ &
sheca: um orbi-
culariarum
concinuatorum.*

XXXII.

Beatissima MARIA, Virguncula Nazarea, Iosepho coelitus desponsatur. Matth. 1.

Molitores.

XXXIII.

Sacratissimam Virginem, Nuncius coelestis, felici nomine, DEI Matrem salutatur. Luc. 1.

Farinarij.

XXXIV.

Deipara visura fractam senio Elisabetham, per excelsa Palæstinæ iuga transmeat. Luc. 1.

*Sagittarum &
arcubalistarum
artifices.*

XXXV.

CHRISTVS per iniuriam ab mortalibus exclusus, inter abiecta stabuli iumenta nascitur. Luc. 2.

*Tonfores pan-
norum.*

XXXVI.

Idem in ostidiano tugurio suo, ex lege Moſis circumciditur. Luc. 2.

*Textores panni
crassioris &
villosi.*

XXXVII.

Christo Paruulo Magi è longinquis terrarum

Pellionci,

Q 3

regio.

regionibus, duce Stella profecti, aurū, thus, & myrrham supplicabundi deferunt. Matth. 2.

XXXIIX.

*Mensores an-
mona sine fin-
mentis.*

Simeon Numine impulsus templum petit, puerumque repertum in vlnis Saluatorem salutat, immortalis in Ecclesiâ cantione. Luc. 2.

XXXIX.

Reficientes.

Ioseph per quierem monitus cum Coniuge properâ fugâ in Ægyptum abito, Herodis sæuitia instantis. Matth. 2.

XL.

*Fabrū cul-
trarij.*

Iugulat Herodes pueros multos, vnum timens. Clamant genitricis, clamant pueri: sed hi felices, illæ miseræ, Matth. 2.

XLI.

*Ludimodera-
tores.*

Qui docendus videbatur puer, in medio Doctorum cœtu egregiè docet, attonito senio. Luc. 2.

XLII.

Ioanni baptizanti & Christus sacrum caput submittit; Pharisei quoque, populusque multus idem lauacrum orant. Matth. 3. Marc. 1. Luc. 3.

XLIII.

Ligularij.

Actis ieiunio quadraginta diebus, Christus à Ca-codæmone vario astu impugnatur. Matth. 4.

XLIV.

*Textores pan-
nicularij.*

Nuptiali festo Christus magnus Conuiua interest; haud immunis, cum enim potus deesset, è fonte vinum substituit. Ioan. 2.

XLV.

*Sartores & Li-
namentarij.*

Herodes, incitante per sæuitiam puellâ, Ioan-nem carcere eductum obruncat, infame chorea-rum pretium. Matth. 14.

XLVI.

XLVI.

Christus ab Samaritanâ haustum è puteo flagi- *Mercatores,*
cat, sermonemque producit. Ioan. 4.

XLVII.

Lazarus è sepulchro Christi voce citatus prore- *Bracharij.*
pit, triduoano situ formidabilis. Ioan. 11.

XLIX.

Christus Sacram Urbem inter lætas acclaman- *Cingularij.*
tium turbas, a fello vectus, ouans ingreditur. Matth.

21.

XLIX.

Intra templi ambitum negotiantes verbo & fla- *Crumenarij.*
gello exturbat. Io. 2.

L.

Suprema Domini Cœna, quâ Magnum Cor- *O Enopolæ suæ*
poris sui Sacramentum instituit, charos inter disci- *hospites can-*
pulos partitus. Mar. 14. Matth. 26. Luc. 22. *ponarij.*

LI.

In Oliueto Christus ad futuros mortis horrores, *Salutores;*
mœsto animo luctatur; cœlestemque Patrem enixè
deprecans, premente dolore, sanguinis guttas exsu-
dat. Matth. 26.

LII.

Imperio Pilati, ad columnam religatus, more
serui cœditur. Io. 19. Mar. 15.

Calcarium, cla-
uicularum fer-
reorum & col-
lenarum cur-
culum fabri,

LIII.

Verendum eius caput spineo ferto cingitur vnâ
ac laceratur; iuncum dextrâ portat, & ab impiis Rex
salutatur, acerbo ioco. Io. 19. Matth. 27. Mar. 15.

Fabris feratq;
seleperifices &
harologiazæ.

LIV.

Pilatus Christum sæuè lancinatum, ac populo
miserādum, ad Prætorij frequentiam producit, pro-
lecturus misericordiam, memorabili hac voce, E-
CE HOMO, Io. 19.

Instrumenti
domestici fer-
res fabri, circen-
tarij & cusu-
politores,

LV. Pi-

LV.

Diffusores pan-
nicularij.

Pilatus in innoxium Capitis sententiam fere,
frustraque manus aquâ lauat, dum sanguine inno-
cente animum maculat, accinente populo fatale
malum, *Sanguis eius super nos, &c.* Matth. 27.

LVI.

Emmenen.

Christus graui ligno oneratus, longâ viâ ad sup-
plicium rapitur, magno agmine insequente dolen-
tûm & gementûm. Io. 19.

LVII.

Mœstæ Matri dolor pectus transfuerberat, haud
oblitrâ vaticinantem Simeonem. Luc. 2.

LIX.

Vitruarij, picto-
res, phrygiones
& statuarij.

Christus post triduum ex Orco redux, multâ glo-
riâ corpus ambiente triumphat. Mar. 16.

LIX.

Tabelliones
supplicij libello-
rum, procuratores
forenses, & id
genus alij calami scriptorij munia tractantes.

Expeditis in terra Dei Patris imperiis, ad cœlos
vehitur, ingenti cœlestium plausu exceptus. Act. 1.

LX.

Epistola.

Cœtui Apostolorum vnas in ædes ob metum
coacto, repentè è Superis Spiritus allabitur, linguâ
que ac virtutibus implet. Act. 2.

LXI.

Tyropola sine
Cæsarij.

S. Stephanus furentis populi armis, raptis è viâ
saxis, primus Martyr occumbit, oratque pro hoste
apud stantem Christum. Act. 7.

LXII.

Antiochia sine
Caesarij.

S. Georgius inclitus miles, (sacer Principalis pa-
latij Præses ac Tutor) terrificum Draconem vibratâ
hastâ traiecit, populumque vorandum liberat.

LXIII.

LXIII.

D. Vrsula, videnorum millium caput, nati fluitans, Romam intendit. *Dulciarij vel libary.*

LXIV.

Extremū Dei iudicantis Tribunal, cui viui iuxta *Aurifices.* ac mortui, tubæ sonitu sistuntur. Matth. 24.

LXV.

Fulgent visendā seriē Cleri Labara, Vexilla, Cruces.

LXVI.

Mulier amicta Sole. Apoc. 12. Angelorum Choris stipata: Tergum eius claudunt in terris Peregrini mortales, opem poscentes.

Subsequuntur suo quiq; ordine.

Congregatio Sacratissimi Eucharistiæ Sacramēti, veste rubrā.

Congregatio Fidelium Defunctorum, colore castaneo.

Congregatio Beatissimę Virginis Annunciatae, veste pullā.

Congregatio Beatissimę Virginis Oetinganae, violaceā.

Congregatio SS. Nicolai de Tolentino & Sebastiani, sacco purpureo.

Congregatio Aulica, seu D. Georgij Martyris, rubrā in candida cruce.

Deinceps diuersorum Ordinum

Religiosi & Clerici.

Familia PP. Capuccinorum.

Familia PP. Franciscanorum.

R

Fami-

Familia D. Augustini.

Clerus Aulae.

Clerus B. Virginis: Ac D. Petri, qui Sacram Eucharistiae circumgestationem quotannis ex lege alternant.

Sacri Praefules.

Abbates Infulati.

Tubae ac Heroum tympana aulica.

Aulici Chorulae.

Linteari Aulae Musici.

Angeli cum Sacris Patientis Christi instrumentis.

Alij cum Nolis ac Cymbalis.

Diaconus cum Subdiacono.

FERCVLVM SACROSANCTAE EVCHARISTIAE, quod Nobiliores Aulae, Senatusq; quatuor, pretiosa umbellâ per vices inumbrant.

Diaconus cum Subdiacono.

SERENISSIMVS DVX, ALIIQVE PRINCIPES, manu tædas gestantes, vnaq; totus Aulae Comitatus, stipante vtrinque praesidiario Equite, Pediteque.

Ordines claudit Senator extremi agminis ductor.

Hunc proximè insequitur eximiorum militum Centuria.

Decantatis ad Urbis portas Euangelis, tormeta curulia ingenti fragore festiuum detonant, adstrepentibus ad triumphum innumeris sclopetariorum fistulis.

In Campis interim extraurbanis, equestris Exploratorum cohors publica viarum occupat, ac dein

Pompâ reuertente, ad forum usque ac templum antegreditur.

F I N I S.

INDEX.





I N D E X
EORVM QVÆ IN
DISSERTATIONE
DE FESTO CORPORIS
Christi continentur.

A.

- | | |
|---|--|
| A Aron & filij eius populo benedicunt. 57 | Arca fœderis cum processione deducta. 14. 15 |
| Æ Ethiopum ritus in elevatione Sacramenti sub Missa. 88 | Arca fœderis sæpius è loco in locum deducta praesidij & subsidij causa. 17. 18. 55. 56 |
| A lexander Alensis de communione sub una specie. 106 | Arca fœderis deductio à Deo nõ expresse precepta. 18. 20 |
| A lbigeneses hæretici Calvinistarum proavi. 11. 98 | Arca fœderis non nisi à Levitis portanda. 19 |
| S. Ambrosij locus de adoratione Eucharistia. 67 | Arca fœderis quid continebat. 22 |
| A ndrea Regis Hungaria lex de festo S. Stephani Regis. 114 | Arca fœderis comparata cù Eucharistia. 22. 23. 32. & seq. |
| A ngelis preceptum datum, ut Christum etiam qua homo est adorent. 28 | Arca fœderis translatio ad cultum Dei spectabat. 34 |
| A qua benedicta in templis aspersa. 48 | R 2 A rca |

INDEX.

- Arca fæderis res sacra & religiosa.* 34
*Arca fæderis contactus & de ea capta nūcius infaus-
 flus.* 34. 35
*Arca Dei Dagonem Azotio-
 rum idolum stranit.* 35
*Arca fæderis duplex trans-
 latio.* *ibid.*
*Arca à Sacerdotibus & Le-
 uitis sanctificatis gestata
 humeris.* 36
*Arca sine Sacerdotibus &
 Leuitis infausa transla-
 tio.* *ibid.*
*Arca Dei non nisi à Leuitis
 portanda.* 37
*Arca in castra adducta sine
 expresso Dei mādato.* 39
*Arca præsentia valuit ad-
 uersus hostiles impet⁹.* 39
*Arca præsentia piis benedi-
 ctionē conciliabat.* 39. 56
*Arca in castris David contra
 Ammonitas.* 40. 56
Arca Dei in papilionibus. 40
*Arca in castris Saul victo-
 riam peperit.* *ibid.*
Arca absentia, cladis causa.
 41
*Arca in castris manet contra
 Amalec, infauso exitu.*
ibid.
- Arca Dei terrorem incutit
 Philistæis.* *ibid.*
*Arca ab hostibus capta qua
 causa.* 42
*Arca ex ciuitate David in
 templū Salomonis trans-
 lata.* *ibid.*
*Arca Dei domū Obed Edom
 benedictione repleuit.* 56
*Arca Dei septies circum mu-
 ros Hiericho gestata, cos-
 dem subruit.* *ibid.*
*Assumptionis B. Virginis fe-
 stum.* 113. 117
*Augusta Vindelicorum per
 totam octauam Corporis
 Christi habetur vesperti-
 na Concio.* 11
*S. Augustini locus de adoran-
 da Eucharistia.* 79
- B.**
- Balaam hereticus, & incitan-
 dis Auctioribus ineditis
 suspecta fidei.* 2
*Balaam apertē sibi contradi-
 cit.* 5
*Beneficium non datur inui-
 to.* 30
*Berengariani heretici Cal-
 uinistarum maiores.* 11.
 98
- Beza*

INDEX.

Beza concedit Eucharistiam adorandam, posita reali Christi presentia. 60	olim in presepi. 78 Christus in Eucharistia quo- modo. 61
S. Bonaventura de commu- nionē sub una specie. 106	Clementis Romani Canon de asseruatione Eucharis- tia. 83. 92
C.	Clemens V. Papa constitu- tionem Urbani IV. de fe- sto corporis Christi inno- uat, & quare. 96. & seq.
Caluinista pleriq. vetera o- minia festa sustulerunt, vix Dominico die relicto. 10	Canam Lutheranam vel Caluinianam etiam Pra- dicantisse coquunt & di- spensant. 95
Caluinista qua conditione fe- stum corporis Christi ad- missum sint. 10	Colomanni Regis Hungaria lex in festorum violato- res. 114
Caluinistarum proauis Beren- gariani & Albigenſes. 11	Cometa tempore Urbani IV. apparens quid presignifi- carit. 108. & seq.
Caluinista diebus Dominicis conciones indicunt sine expresso Dei precepto. 18. 19.	Cometa aliquando fausta pranunciant. 107. 108
Caluinista quasnam Indul- gentias non spernerent. 30	Cometa non praterita, sed futura portendunt. 109
Caluinista Catholicorum tem- pla in suos hereticos vsus conuertunt. 49	Communio sub una specie ante Concilium Conſtan- tienze demonstrata, con- uictio Pradicante Luthe- rano. 105.
Caluinistarum atauis Albi- genſes, VValdenſes & Be- rengariani. 98	Constantiensis Concilij tem- pus. 105
Cereri popa & sacra ambur- balia & ambarualia. 54	Conuicta religiosa in taber- naculis
Christus in altari presens, ut	R 3

INDEX.

<i>maculis circa Ecclesias.</i>	49	<i>dulgentiarū largitus.</i>	30
<i>Corporale sanguine ex hostia</i>		<i>David potuisset festum insti-</i>	
<i>mirabiliter emanante</i>		<i>tuere Arca publice circū-</i>	
<i>inctum, cum processione</i>		<i>ducenda.</i>	32
<i>translatum.</i>	4	<i>David Oza interitu percul-</i>	
<i>S. Cyrilli Hierosolymitani lo-</i>		<i>sus Arcam diuertere ius-</i>	
<i>tus de adoranda Eucharis-</i>		<i>sit.</i>	36
<i>stia.</i>	80. 81	<i>David Absolonem fugiens</i>	
		<i>Arcam inſit in Urbem re-</i>	
		<i>portari.</i>	40
		<i>David Arcam Dei in ciuita-</i>	
		<i>tem suam tranſtulit, &</i>	
		<i>cui.</i>	36
<i>Danau negauit Christum</i>		<i>Deus vita necne q̄ supremus</i>	
<i>secundum humanam na-</i>		<i>Dominus eſt.</i>	27
<i>turam adorandum.</i>	82	<i>Deus & filius eius colendus</i>	
<i>David Rex ante Arcam fæ-</i>		<i>& adorandus.</i>	28
<i>deris saltans, & choros</i>		<i>Deus verus & viuens sub</i>	
<i>ducens.</i>	20	<i>Eucharisticis speciebus in-</i>	
<i>David Rex Arcæ fæderis bis</i>		<i>time præſens.</i>	32
<i>tranſtulit.</i>	21. 31. 33. 34	<i>Deus ſacrificia Idololatriarū</i>	
<i>David nec de ritu, nec de</i>		<i>ad ſe tranſferri voluit &</i>	
<i>translatione Arca ſpecia-</i>		<i>inſit.</i>	49. 50
<i>le præceptum à Deo acce-</i>		<i>Diaconi Presbyteris mini-</i>	
<i>pit.</i>	21. 27. 31. 34	<i>ſtrent.</i>	94
<i>David aggreſſurus aliquid,</i>		<i>Diaconi calicem ordinariè,</i>	
<i>caleſtem opem ſemper im-</i>		<i>ſacram verò hoſtiam non</i>	
<i>plorauit.</i>	26	<i>niſi abſentibus Presbyte-</i>	
<i>David in translatione Arca</i>		<i>ris diſtribuere poterāt.</i>	95
<i>cultum diuinum inſtituit.</i>		<i>Diaconorum in idololatriam</i>	
	28. 31	<i>lapſorum pœna.</i>	95
<i>David meritum agnouit &</i>		<i>Diſtemius Eccleſia Leo-</i>	
<i>ſpectauit ludendo ante</i>		<i>diens</i>	
<i>Arcam.</i>	29		
<i>David etiam aliquid loco in-</i>			

INDEX.

diensi additior.	99	phoria, Ophophoria, & Thalysia.	47
Dionysij Arcopagita senten- tia de adoratione Eucha- ristia.	62. 63	Ethnicorum templa quadā Christiano ritu consecra- ta.	48
Dionysij Arcopagita locus de elevatione seu ostensione Eucharistia.	84	Ethnicorum conuiuia & bonū mactationes in Christia- nos ritus conuersa.	49
Dionysius Arcopagita cere- monias Liturgia seu Mis- sa recenset.	89	Ethnicorum obseruationes qui custodiunt, ab Ecclesia repellendi.	52
Dominici diei obseruatio le- gibus Hungaricis cauta.	110	Ethnici non peccarunt sacri- ficando, sed sacrificando Damonibus.	58. 59
Dominica die non aduenientes Ecclesiam vapulens & depilentur.	111	Eua virginis Leodij in Eccle- sia S. Martini reclusa re- uelatio.	7
E.		Eua litera ad Vrbanum IV. Papam data.	100. 102
Ecclesia Catholica Spiritus sancti ductu & instinctu agitur.	25	Eucharistia usus frequens a- pud Catholicos.	11
Ecclesia Catholica columna & firmamentum verita- tis.	26. 54	Eucharistia non solum in a- ctione seu sumptione con- sistit.	16
Ecclesiarum Collegiatarum & Cathedralium typus.	29	Eucharistia monumentum & signum instrumentale mortis Dominica etiam extra usum.	16
Ecclesia Sanctis consecran- tur non ut Deus sed Dei a- micis.	53	Eucharistia verè corpus & sanguinè Christi continet.	22
Ethnici processionum & sup- plicationum suarum ritus unde acceperint.	46	Eucharistia cum Arca fœde- ris comparata.	22. 23
Ethnicorum festi Lampado-		Eucha-	

I N D E X

- Eucharistia cur instituta.* 31
Eucharistia charitatis Christi memoriale grata mente venerandum. 31
Eucharistica species. 32. 64
Eucharistia sacramentum totum & adequatum quid. 33
Eucharistia typi seu figura in veteri testamento. 33
Eucharistia fertur aliquando circum agros & segetes, tutela & praesidij causa. 55
Eucharistia orario inclusa, Satyro D. Ambrosij fratri praesidio & salutis fuit. 57
Eucharistia de collo suspensa naufragum seruauit. 57
Eucharistia à naufragantibus secum deferri solita. 58. 93
Eucharistia religiosè per agros gestata, tutela & benedictio frugibus. 58
Eucharistia adoratio testimoniis SS. Patrum confirmatur. 60. & seq.
Eucharistia cultus & ueneratio peculiaris. 73
Eucharistiam olim secum fe-
rebāt tutela & medicamen-
nis gratia. 76. 93
Eucharistia in altari posita. 76
Eucharistia domum deportata olim varias ob causas. 82. 83
Eucharistia eleuatio & ostensio. 82. 84
Eucharistia eleuationem habent omnes Liturgia & Liturgiarum interpretes. 87
Eucharistia eleuationis & ostensionis varij ritus. 88
Eucharistia asseruata & ad infirmos deportata. 89
Eucharistia verè Sacramentum ante sumptionem. 107
Eleuatio Eucharistia in Missa. 87. 88
Eleuata Eucharistia olim adclamatum. 88
Equus portat venerabile sacramentum. 12. 14
F.
Feria messis & vindemiales. 116
Festum corporis Christi quare

INDEX.

- ob causas institutū. 1. & seq.*
Festum corporis Christi quo loco & anno institutum.
 3. 100
Festum vituli ab Israelitis conflati. 43
Festa Ethnicorū Lampadophoria, Oschophoria & Thalysia. 47
Festa quadam Christianorū in locum Ethnicorum substituta. 47. 48
Festū Purificationis B. virginis aliud à festo Cereris. 48
Festa Dedicationis & Natalis SS. Martyrum. 49
Festum agere Ioni, impium, vero Deo, pium & sanctum. 51
Festum corporis Christi, à Tridentino Concilio sub anathemate sancitum. 97
Festū corporis Christi simpliciter non necessarium. 99
Festum corporis Christi Roma ab ipso Urbano IV. celebratum. 101
Festorum observatio legibus cauta. 110. & seq.
Festis dieb' Ecclesia adenda.
Festis diebus venationes prohibita. 112
Festis diebus mercatum interdicitur. 112
Festorum violatores puniuntur. 110. & seq.
Festum Assumptionis B. Virginis. 113. 117
Filios immolare & occidere sine expresso Dei mandato non licet. 27

G.

Garrientes sub officio diuino flagellantur vel expelluntur. 111
S. Gregorij Papa sententia de Ethnicorū tēplis & Festis in Christiana conuertendis. 47
S. Gregorij Nazianzeni soror Eucharistiā adorans morbo liberatur. 74 & seq.

H.

Heretici confunduntur Catholicorū Processionib. 103
Hebrai soli Mosais legibus & ritibus obstricti. 59
Hospiniani phrasis Scholastica. 7
Hospinianus omnia miscet & confundit. 9
Hospinianus mentitur & committitur. 12. & seq.

S.

Hospi-

I N D E X

<i>Hospinianus mendacij con-</i> <i>nictus stylum mutat.</i> 13	<i>tis fraudulenter decurtat.</i> 83
<i>Hospinianus diuerticula qua-</i> <i>rit.</i> 32. 37. 73. 92.	<i>Hospinianus imperitus chro-</i> <i>nologus.</i> 84
<i>Hospinianus mēdacia iā trita</i> <i>& profligata regeris.</i> 53	<i>Hospinianus verba & sen-</i> <i>sum Dionysij Arcopagita</i> <i>pervertit.</i> 84
<i>Hospinianus mendaciū men-</i> <i>dacio purgat.</i> 54. 89	<i>Hospinianus horret altare.</i> 86. 87
<i>Hospinianus frustra se tor-</i> <i>quet.</i> 55	<i>Hospinianus verba S. Lau-</i> <i>rentij depravat.</i> 95
<i>Hospinianus Zuuinglianus</i> <i>& Sacramentarius.</i> 61	<i>Hospinianus ex dictis Gene-</i> <i>brardi nouum festum Lu-</i> <i>strationis sacramenti pro-</i> <i>cludit.</i> 102
<i>Hospinianus Pachymeri qua-</i> <i>dā imperitē assingit.</i> 64	<i>Hostia sacra mirabiliter san-</i> <i>guine manat.</i> 3
<i>Hospinianus sacramentorū</i> <i>essentias non dicit esse cō-</i> <i>siderandas.</i> 72	<i>Hungaricorum Regum leges</i> <i>de Dominico die cele-</i> <i>brando.</i> 110
<i>Hospinianus concedit sacra-</i> <i>menta esse honoranda, ve-</i> <i>neranda, & reuerenter</i> <i>suscipienda.</i> 74	<i>Hungari morientur, ut ma-</i> <i>iorum suorum vestigijs</i> <i>insistant.</i> 114
<i>Hospinianus fatetur altare</i> <i>esse symbolū Christi, quod</i> <i>tamē a suis enertitur.</i> 77	I.
<i>Hospinianus negat Magos</i> <i>Christū adorasse ut Deū.</i> 77	<i>Iacobus de Trevis Archidia-</i> <i>conus Leodiensis, postea</i> <i>Urbanus IV. Papa.</i> 8
<i>Hospinianus non plus Eucha-</i> <i>ristia tribuit, quam vul-</i> <i>gari cibo & potui.</i> 80. 96	<i>Idola innominata, an pro ve-</i> <i>ro Deo habita.</i> 44
<i>Hospinianus Bellarminum</i> <i>calumniatur.</i> 80	<i>Indulgentia cur in festo cor-</i> <i>poris Christi & per Octa-</i> <i>uam concessa.</i> 30
<i>Hospinianus canonē Clemē-</i>	S. Ioan-

INDEX.

S. Ioannis Chrysostomi sententia de adoranda Eucharistia. 77. & seq.

Ioannes XXII. Papa an Processionē in festo corporis Christi instituerit. 102

Isabella virginis Leodiensis reuelatio. 7

Juliana virginis iuxta Leodium in Leprosorum hospitali, reuelatio. 7

Iudaei soli Moisaicis legibus & ritibus obstricti. 59

Iudaeorum poena diebus Dominicis & festis laborantium. 112

Iudaeorum conuersorum professio de festis. 115

L.

Ladislaus Regis Hungaria leges de Dominica. 111. 112

Ladislaus Regis leges de festis observandis. 113

S. Laurentius Diaconus S. Sixti Pontificis. 95

Leodiensis Ecclesia in Urbanum IV. observantia singularis. 99. 100

Liberares à legitimo magistratu imperata, sit necessaria. 99

Lutherus Euas, Elsas, Kethas, Gretas, & Costas crepat. 7

Lutheranus quidam Pradicans Catholicum se fore spondet, demonstrato usu unius speciei ante conciliū Constantiense. 105

Lutherani rigidiores potius urbe cedunt, quam in festo corporis Christi serias agant. 10

Lutherani Catholicorum templa in suos haeticos usus conuertunt. 49

M.

Mannatypus Eucharistia s. Maria tres Resurrectionis Dominica nuncia. 8

Micholtypus Caluiniana & Lutheranae haeresis. 90

Miraculum de hostia sanguine manante. 3

Monialium discrimen à Vestalibus. 53

N.

Naogeorgus sordidissimus poetaster. 13

Nicanus Canon de Viatico
S 2 mori-

I N D E X.

- moriturus pœnitentibus non negando.* 96
Nicani Concilij varij Canones. 93
Nicani Cœcilij canones de afseruatione Eucharistia. 94
Nicolaus Liranus de communione sub una specie. 105

O.

- Obed Edom & domus eius benedicta propter Arcam.* 39. 40
Orario inclusa Eucharistia & suspensa collo, naufragum seruauit. 57
Origenis locus de adoratione Eucharistia 65
Oza Leuita, eiugq; interitus. 36. 38

P.

- Pachymeres Dionysij Areopagita interpret.* 63
Papa cum iter facit extra Urbem, venerabile Sacramentum secum vehit in equo candido, &c. 12
Papa in festo corporis Christi propriis manibus circumfert sacramentum. 13

- Papa si non sit ager à pedibus, venerabile sacramentum pedes circumfert.* 32
Pastophoria locus in quo Eucharistia afferuabatur. 92
Patres Eucharistiam adorandam docuerunt. 62
S. Pauli Apostoli argumentū à simili pro Resurrectione. 15

- Pradicans quidam Lutheranus Papistam se futurum spondet si usus vnius speciei demonstretur Constantiensi Cœcilio antiquior.* 105
Pradicantes ex suo ingenio & affectu alios astimant. 6
Proceffiones tres veteris Testamenti cum Arca faderis. 14
Proceffio Hierichuntina septendialis. 19
Proceffionū antiquarū ritus & caremonia. 23. 47
Proceffio in die Palmarum. 23. 24
Proceffio in festo corporis Christi instinctu Spiritus sancti instituta. 24
Proceffio Vallisoletana in Hispania. 45
Proceffiones in festo corporis

INDEX.

- vñ Christi rationibus & exemplis Scriptura probantur.* 46
- Processionū ritus an ab Ethnicis accepti.* 46. & seq.
- Processio in festo corporis Christi à Tridentino Concilio sub anathemate sancta.* 97
- Processionēs ad confundendos hereticos instituta.* 103
- Propheta nō quicquid agūt, ex speciali mandato Deo agunt.* 25
- R.**
- Reges ac Principes fidei & pietatis custodes ac vindices.* 37
- Reliquia S.S. Martyrum in templis Christianorum.* 49
- Reuelationes de festo Corporis Christi instituendo.* 1. & seq.
- Rodolphus Abbas de comunione sub vna specie.* 106
- S.**
- Sacrificia Idolis oblata, ad verū Deum translata.* 49 & seq.
- Salomon etiam Arcam transportulit sine expresso Dei mandato.* 22. 42. 51. 54
- Sanctis templa consecratar, non vt Diū, sed Dei amicis.* 53
- Satyro D. Ambrosij fratri Eucharistia orario inclusa praesidio & salutis fuit.* 57
- Sepultura Ecclesiastica legibus cauta.* 112
- Simon Lithus seu Stenius Misenus phantasta.* 61
- Stella Christo nato apparens qualis fuerit.* 108
- Stephani Regis Hungariae leges de die Dominica.* 110. 111
- T.**
- Tabernacula asseruanda Eucharistiae extructa.* 90. 91
- Templa idololatrica quadam Deo & Sanctis dedicata.* 48
- Theodoreti locus de adoratione Eucharistiae.* 69. & seq.
- S. Thomas Aquinas officium de festo Corporis Christi composuit.* 3
- S 3** **S. Tho-**

I N D E X

S. Thome Aquinatis rogatu Pontifex: festum corporis Christi instituit.	3	Urbanus IV. rogatu S. Thome Aquinatis festum Corporis Christi instituit.	3
S. Thomas Aquinas de communione sub vna specie.	106	Urbanus IV. ante Pontificatum Iacobus de Trevis dilus.	8
Thomas Argentinenſis de communione sub vna specie.	105	Urbanus IV. prius Hierosolymitanus Patriarcha ex Virdunensi Episcopo. ibid.	
Tigurini Prædicantes concedunt Eucharistiam adorandâ, positâ reali Christi præsentia.	60	Urbanus IV. Constitutio an ab omnibus recepta.	96
Tridentini Concilij decretum de processione in festo corporis Christi.	104	Urbanus IV. Constitutio à Clemente V. innouata, & cur. ibid.	
Tridentinum Concilium festum & processionem Corporis Christi sub anathemate sancit.	97	Urbanus IV. olim Leodiensis Ecclesia Archidiaconus.	8. 100
V.		Urbanus IV. annis Põtificatus.	100
		Urbanus IV. etiam processionem & circumgestationem corporis Christi instituit.	102
Vituli ab Israëlitis conflati festum quale.	43	Urbanus IV. per Lombardiam & Marchiam Inquisitores hæretica prauitatis instituit.	105
Vitulus aureus conflatus an pro vero Deo ab Israëlitis habitus.	44	Urbanus IV. primus festum corporis Christi celebravit.	109
Vota aliter sunt Deo, aliter Sanctis.	53	Valdenses Calvinistarum atque.	98
Urbanus IV. Papa quas ob causas festum Corporis Christi instituerit. I. & seq.		V. K. 15.	

INDEX.

<i>V</i> isigothorum lex in Iudaos	<i>V</i> isigothorum leges de
diebus festis Christiano-	festis celebrandis. 115.
rum laborantes. 112. 113	116

FINIS.



THE
JOURNAL OF THE
ROYAL ANTHROPOLOGICAL INSTITUTE

